


ZIBAHAZO

 Mwakona kuina. Muzuhile, kaufela! Ki tabo fa kuba mwa sebelezo ya Mulena kakusasana cwana, kukuta hape ku zateñi. . . Ne ni sa zibi kuli lu ka kuta kamba nee, kono Mulena na lukisize nzila, mi lu kutile kwa sebelezo kacenu. Cwale lu kulubela linako zetuna kacenu, kakusasana cwana, mwa tuto ya sikolo sa la Sunda ye, mwa Linzwi. Mi busihu bo ikaba lisebelezo za foliso hape, ni sebelezo ya mulalelo ye ka tatama mwa mulaho wa yona.

² Mi cwale luna ni—ni kuneela kwa mbututu, Na lumela ki. . . Muzwale Neville na sweli fela ku ni bulelela kuli kuna ni yana ni mbututu wa hae kuli a neelwe. Mi haiba ba ka tisa mwana ka nako ye, konakuli. Mi muzwale wa luna uka siala, kamba babañwi ba bona, fa siñwañwa kamba piano, alimuñwi. Mi kipeto mutise mbututu cwale. Lukaba ni sebelezo ya kuneela; kuli lukone kukena hande ka putako, kapili mo lu konela, mwa Linzwi.

³ Kakuli, lu tabela ku—ku talimana ni Linzwi. Yeo—yeo kona nto ya butokwa, lu beye nako yaluna hande kwa Linzwi la Mulena. Kacwalo lu itumezi hahulu ka kolo ya kukopana ni mina mo kacenu, mi kwa. . . ni yona—yona sebelezo ye.

⁴ Mwendi ni fosize. Ku lukile, kezeli. Ne—Ne—Ne ni hupula kuli nekuna ni ya cwalo. Mwendi ki mafosisa fela. Kihona. Cwale, Na itumela ku mina, hahulu luli, kinto yeswana fela. Mwendi se, Ni sepa litile ka mutu usili fela, ka mutu usili fela, mi kubile fela nto yetata nyana.

⁵ Cwale mañi ni mañi mwa ikutwa hande? [Kopano ili, “Amen.”—Mu.] . . . ? . . . Tumbo ibe ku Mulimu!

⁶ [Muzwale Neville uli, “Ki yo utaha ni bona.”—Mu.] Cwale, oh, eeni, ki ba fa banana. Mu ni swalele. Ni swabile. Ku lukile, mwakona kutaha, mushemi? [“Eeni, sha.”]

⁷ Kihande, sikamañi bababeli, basizana babande, ba meto a mafubelu! Huh? Kinto yende. Kiyena mañi libizo? Talima kwanu! [Bomahe bali, “Jennifer Lee.”—Mu.] Jenny? [“Jennifer Lee.”] Jennifer Lee. Ki lifi libizo la mafelelezo? [“Serept.”] Serept. U zwelela kai, Kezeli Lee? [“Versailles, Illinois.”] Li Versailles, Illinois. Ha ki bunde ni boo!

⁸ Cwale, mwa Bibebe. Cwale, hañata, bona—bona bana ni za ku kolobeza banana; halu lumeli mwa ku kolobeza bana, kakuli haba sika eza sibi kale, kakuli ki banana hahulu. Kono lu lumela mwa kuneela bana ku Mulena. Cwale yomuhulu ni Na luka beya mazoho ku mbututu yomunyinyani. Uize, ki Jenny? [Muzwale Neville uli, “Jennifer.”—Mu.] Jennifer. Ku lukile.

Halu inamiseñi litho zaluna.

⁹ Ndate yakwa Lihalimu, kakusasana cwana lutisa musizana yomunyinyani yo, ya bizwa Jennifer, ku Wena, bomahe ni balatiwa ba mu tizize mwa butelele bwa musipili, kuli a neelwe ku Mulena. Lu ziba kuli No beile mazoho a Hao ku baba nyinyani bao, mwa mazazi a Hao, mi—mi wali, “Mutuhele bana babanyinyani batahe ku Na, mi mu si ke mwa ba hanisa, kakuli Mubuso wa Lihalimu ki wa baba cwalo.” Cwale lwa mufa ku Wena, kwa bupilo bwa sebelezo, ka Libizo la Jesu Krete. Amen.

¹⁰ Ki mañi libizo musizana yomuñwi? [Bomahe bali, “Connie Lynn.”—Mu.] Connie Lynn. Ku lukile, Connie yomunyinyani, u ni, ni ikutwa kuba yomunyinyani. Oh, wa saba? Oh, Ni saba kuli zeo halina kubeleka, ima. Ku lukile.

Halu inamiseñi litho zaluna.

¹¹ Mulena Jesu, mahe utisa Connie yomunyinyani yo ku luna kakusasana cwana, mwa sebelezo ya kuneelwa ku Yamata kaufela. U mufile mwana yo, kuli amu ute, mi wa mu tisa ku Wena, ni kezeli wa mwanana. Na lapela, Ndate yakwa Lihalimu, kuli U be ni makeke. Fuyola lubasi. Fuyola musizana yomunyinyani yoo. Halunze lu beya mazoho ku yena, ka Libizo la Jesu Krete, lu mufa ku Wena kwa bupilo bwa sebelezo. Amen.

Mulimu ami fuyole, ni bana ba mina babanyinyani foo.

Mawi, luna ni limbututu zeñata cwale!

¹² Ki mañi mushimani libizo la hae? [Bomahe ba li, “Joel Lee Watson.”—Mu.] Joel Watson. [“Joel Lee.”] Joel Lee Watson. Ha ki mushimani kwa bunde, meto amatuna a mubala wa bundilu! Mawi! Mu zwelela kai kaufela? [“Eastman, Georgia.”] Kuzwa kwa Georgia. [“Um-hum.”] Ne ni nahana kuli muzwa kwa Mboela. Ne ni sa zibi. . . [“Kihande, lapa la luna li fa kaufi ni Tifton. Ki kona ona kwani.”] Oh, eeni. Oh, lumela! Yo ki yomunde, mushimani yomunyinyani wa kwa Georgia, kanti, huh? Ku lukile, sha. Eeni, sha, zeo ki zende luli. Wakona kubulela, ni yena. Nji cwani?

Halu inamiseñi litho za luna.

¹³ Ndate yakwa Lihalimu, lutisa mushimani yomunde yo, mahe ni ndatahe ha bayemi cwana fa ka—ka likute kwa linyalo la bona. U ba file mushimani yomunyinyani yo kuli baute, mi ba mutisa ku Wena. Ha ki—ha ki pono kwa bunde ni yeo mo ikona kubela, inge Hannah, wa kale, yana lapelezi mwana; mi—mi Mulimu amufa mwana, mi amu kutiseza mwa tempele ya Mulimu, ka kuneela. Lumeleza, Mulena, kuli mushimani yo abe mutanga Hao, kuli ndate ni mahe ba fuyolwe, mi babe ni buiketo bwa mibili ni mata a ku muuta mane ahule. Mi ha pile nako yetelele, bupilo bobutable, mi abe mutanga Hao, halunze lu mubey aku Wena, ka Libizo la Jesu Krete. Amen. (U fuyolwe!) Mu eze

muuna yomunde, mwendi ki mupolofita yomuñwi yomunyinyani sina Samuele.

14 Cwale ki ba bashimani babande bababeli. Mawi! Babalalu ba bona, kanti? Kihande, kona lubasi kaufela. Ki wena mañi libizo? [Mushimani uli, “Michael.”—Mu.] Michael. Wena bo? [Mushimani yomuñwi uli, “Paul.”] Paul. Ha ki mabizo kwa bunde mina! Wena bo? [Musizana uli, “Debbie.”] Debra. Zeo ki zende luli. Michael, ni Paul, ni Debra. Mi ki wena mañi libizo la mafelelezo? [Ndatahe uli, “Ellis.”] Ellis? [“Eeni.”] Kihande, loo ki lubasi lolunde nde luli, Na mi bulelela.

15 Mwa ziba, ha Ni bona banana babanyinyani cwana, si ni kutisanga kwa mulaho hane Ni sa lli fela mushimani yomunyinyani. Mi cwale puleloya kale yani, mwa ziba, “Ba hata fa mahutu a hao cwale, ni fa pilu ya hao kasamulaho,” kono ha Ni lumeli kuli ku kaba cwalo ha lu ba beya ku Mulena. Luna ni musebezi kwanu, mi Mulimu na beile se mwa lizoho la hao. Na ezize mukutazi ku wena. Na kamita ni bulelanga ka bakutazi ba basali, mwa ziba, kono me kaufela ki mukutazi; ki ye fa puteho ya hae, mwabona, kuhulisa bana ba hande, bondata bona habaile kwa musebezi. Mi muna ni musebezi. Mulimu ami fuyole sibeli sa mina. Muna ni lubasi lolu nyinyani lolunde.

16 Ndata luna yakwa Lihalimu, lu taha ni Michael yomunyinyani, ya bonahala inge mweli. Mi lu beya mazoho a luna ku yena, ka ku muneela, ku Jesu Krete. Lubasi lwa hae lutisize bana ba lona kakuli Wena u ba beile mwa pabalelo ya—ya bona, mi ba ziba kuli habana zeñata, kusina tuso ya Hao, kacwalo batisa lubasi lwa bona lolunyinyani, ku to ba neela.

17 Cwale Ni fa Michael yomunyinyani fa ku Wena, kwa bupilo bwa sebelezo, ka Libizo la Jesu Krete. Ka mukwa o swana, lu beya mazoho ku Paul yomunyinyani, mi lu neela bupilo bwa hae ku Jesu Krete, kwa bupilo bwa sebelezo kwa kanya ya Mulimu. Mi ku Debra yomunyinyani, lu beya mazoho aluna ku yena, Ndate, ka ku neela, ili kupuzo ya Jesu Krete, Yana beile mazoho a Hae fa bana, ni kubulela kuli, “Mu si ke mwa hanisa bana kutaha ku Na; mu si ke mwa ba hanisa.” Mi cwale bupilo bwa musizana yo bu fuyolwe mwa Mubuso wa Mulimu.

18 Fuyola bo ndatahe ni bomahe, mi ha ba pile, bupilo bobutelele, kubona bana ba bona mwa sebelezo ya Mulimu. Lu kupa mbuyoti ye kwa kanya ya Mulimu, halunze lu li neela ka Libizo la Jesu Krete. Amen.

U fuyolwe! U fuyolwe! Mu lubasi lolunde, lo lu nyinyani. Eeni.

19 Ha ki . . . Mwa ziba se Ni nahana? Basizana babanyinyani bana ni, ki babande cwale kufita mo ne ba belanga ha ne Ni sa li mushimani. Eni, sha. Ha ki biito kwabunde bye bituna! Kiyena mañi libizo? [Bomahe bali, “Joanna.”—Mu.] Joanna. Mi libizo la hao la mafelelezo kilifi . . . [Bo ndatahe bali, “Blair.”]

Blair, Joanna Blair. Mina baba talimela kwa mulaho koo, kana ha ki sipupe nji? Eeni, sha. Mi lumela wena, Joanna, huh? Ki ya maswabi nyana, uhu-huh, ki ya maswabi nyana. Ka nto kakande luli.

Halu inamiseñi litho za luna.

²⁰ Ndata luna yakwa Lihalimu, lubasi lwa baha Blair loo lubile ni mpo ye kwa kukopana kwa bona, yena Joanna yomunyinyani yoo. Mi luziba kuli mazazi seli a amswe, foo Satani u kwa maneku kaufela, wa kataza, sihulu bana ba basizana babanyinyani cwana. Mi ba ziba kuli haba ikoneli ku—ku mu hulisa hande. Mi ba bata kuli a hule hande, ni kuli—kuli abe mutanga ku Wena. Mi basweli kuhulisa musizana nyana yo kwa likute la Hao. Mi cwale ba mutisa, ka ku mu neela, ku Wena. Lu beya mazoho a luna ku yena, ka Libizo la Jesu Krete, halunze lu neela Joanna yomunyinyani wa Blair kwa Mubuso wa Mulimu, kwa kanya ya Mulimu. Amen.

U fuyolwe, Muzwale Blair. Mulena abe ni wena.

²¹ Mu lumeleñi, sha! [Bo ndate bali, “Mulumele!”—Mu.] Ha ki mushimani kwa bunde ni yoo! Yela, u ikutwa cwani? Kihande, mawi, uka bonahala hande ha u ka talima neku *le*. Eni, sha. Una ni yende, toho nyana yende, ni sifateho se si zamaelela ni yona. Huh? Ki yena mañi libizo? [“Daniel Mark.”] Daniel Mark. Mi libizo la hao leliñwi? [“Mark Kardum.”] Hardum. [“Kardum.”] Kardum, Daniel Mark Kardum.

²² Uzwelela kwanu, Muzwale Kardum? [Muzwale Kardum uli, “Cwale, ki tolopo ya Melkerk.”—Mu.] Eni, sha. U zwelela kai? [“Na ni zwelela kwa New York State.”] New York State, u mu Yankee, wena nji. [“Eni.”] Kihande, ki muleneñi omutuna. Nina ni sicaba sesñwi se si pila kwani. Bomalume bapila kwa Plattsburgh. Oh, Ni bile ni nako yetabisa hahulu mwa New York. Niya ona kwani mukopano waka otatama, mwa New York City, kwa keleke yebizwa The Stone Church kwani. Ku lukile.

²³ Cwale, libizo la hae ki Mark, u li mañi? [Ndatahe uli, “Daniel Mark.”—Mu.] Daniel Mark, ha ki mushimani kwa bunde!

Halu inamiseñi litho zaluna.

²⁴ Mulena Jesu, lutisa ku Wena Daniel Mark yomunyinyani, ka kuneela bupilo bwa hae. U filwe mwa mazoho a ndate ni mahe, kuli baute ni kuhuliseza mwana yomunyinyani mwa kalimelo ya Mulimu. Mi ba ziba kuli ha ba ikoneli, kacwalo ba mu tisa ku Wena, Mulena, kuli U fuyole bupilo bwa hae. Mi, cwale, sina ha lu ziba kuli lizazi ki leli maswe, le lupila ku lona. Lu bona limbumbu zenyinyani ze, ha lu zibi fela ze taha kamuso, kono, kaufela seo sili sona, lu ba beya mwa lizoho la Hao. Lu beya mazoho ku mushimani yomunyinyani yo, ni kufa bupilo bwa hae ku Wena, kwa bupilo bwa sebelezo mwa Mubuso wa Mulimu, ka Libizo la Jesu lwa lapela. Amen.

25 Mulimu aku fuyole, muzwale. Ki mushimani yomunde. U fuyolwe, Mark yomunyinyani.

Oh . . . bona mwahali, mu batise,
 Mu batise kuzwa mwa sibi;
 Oh, mu ba tise, mu ba tise,
 Mutise bana babanyinyani ku Jesu.

Zeo ki zende! Ni itumezi, kezeli.

26 Ki babakai bene bali kwanu la Sunda, bene ba lapelezwi ka la Sunda yefelile, baba ikutwa kuba ni linepo ni ku ikutwa kuli mu folisizwe? Munanule mazoho a mina, bene ba lapelezwi. Oh, mawi, mutalime kwanu, ki mañi ni mañi wa bona mane.

27 [Muzwale Neville uli, “Haleluya! Kana ha ki nto yende yeo! Kulumbwe Mulimu! Ni bile ni teezeza ku yona, biki kaufela.”—Mu.] Eeni, sha. Nina ni bile niteezeza, cwalo. Ni bata fela kuina, inge ni teezeza, mwabona.

28 Mwabona, kuna ni se si ezahala, se Ni ka mi bulelela kasamulaho nyana, fokuñwi, mwabona, ki—ki nto ye kanya mi yende. Mi haiba luka . . . Lu ka ambola ka zona, mwa mukopano omuñwi, mwa ziba, nako yeñwi. Ki makalelo fela alikala kunga sibaka, mi luitumezi hahulu ka zona.

29 Mi Ni bile kwa Kentucky, sina mo Ni ezezanga mwaha ni mwaha, nayanga kwateni. Ne nili ni balikani baka babañwi kwani. Mi mane ha ki kuli neli fela kwa kuzuma tumale, mi mwa ziba cwalo, mwabona.

30 Kacwalo luna ni fela nako ye kanya, mi luitumezi hahulu ku Mulena!

31 Ni lukela kuya cwale, ni lukela kuya kwa hae kasamulaho wa mukopano wo. Mi he, mi luka . . . Kona Ni ka kuta hape, kasamulaho nyana, ni ya kwa New York kwa mukopano. Mi haiba luna ni kolo ya kuyema hanyinyani, kiñi, luka—luka ba baba tabile kuba ni mukopano omuñwi kwanu kwa tabernakele.

32 Mi cwale Ni lukela ku yo kuta, ni ye kwa Shreveport. Mi kona lu ka kuta kwa ndu, ni kubata kuba kwanu mwa nako ya lipumuloo, haiba Mulena alata, ni yo nga lubasi bakute. Mi cwale—mi kipeto Ni bata kuli . . .

33 Kipeto mukopana waka uka kalisa mwa Phoenix, ka Sope. Ki mukopano wa silimo ni silimo kwani wa Baana ba Pisinisi ya Bukreste. Mi mwendi biki kamba mazazi a lishumi kwa mulaho wa fani, Ni ka lika ku—ku lifela ndu tuna yani . . . Batu ba Jesus’ Name bani; ne kubanga Muzwale Garcia, mi ni—ni muzwale wa si Spanish kwani nana ni sibaka sesinde, sesituna kwani. Kona ba sa zo iyaha fela. Kuka ina batu babalikana likitikiti, ki omunca luli, mi keleke yabona ki yenyinyani luli. Ba ni bulelezi kuli Na kona ku lifela ka nako kaufela fo Ni batela. Kufita kunga fela siyemo sa—sa fahule nyana, bukaufi fela ni musindi, keleke

kwa keleke, Ni sepa fela kuli Ni ka iseza ngana kwa sina silisiñwi fela kaza mukopano, mwa bona, mi kona ni kaba ni yona kwani.

³⁴ Mi kona luka lifela tempele. Lu ka fumana cwale kuli haiba lukona, mi kipeto lube ni Mukopano wa Baana ba Pisinisi ya Sikreste. Mi, konji za misipili ya kwahule ha li ka nama hande, luka lika kutomahanya mikopano hande kuliba kwa Mboela, ka Sope, ni Yowa, ni Liatamanyi, mane kuyo punya kwa libaka za Mboela. Mi cwale—cwale luye. . . kakuli, haiba lukalisa cwale ni kuya kwa Africa. . . Mwabona, nako ya Kilisimasi ye, ku bona, ki lizazi labune ka kweli ya Sikulu. Mwabona, ki—ki litabula leli maswe maswe, mi hamukoni kuya kwani ka nako yeo, kacwalo nako yende ya kuya kwani ki kasamulaho nyana. Mi cwale lubata kukala, haiba lukona, mwa Norway, ni kutaha fafasi mwahala lifasi, ni kubeleka mwa Africa, ku yo fita kwani, haiba Mulena alata.

³⁵ Kono mu lu lapelele cwale. Mi lwa mi lata, mane mwa ziba cwalo. Kacwalo lu kulubela zetuna hahulu, kufitelela zeo kaufela lukona kueza, kamba nihaiba kunahana kuli Mulena uka eza.

³⁶ Mi lwa lumela, busihu boo, ku kaba sebelezo yetuna ya foliso. Ni sepa kuli kukaba. . . Hanina kubulela nako yetelele hahulu, kakuli luna ni mulalelo busihu boo. Mi kacwalo mwendi ka mizuzu ye mashumi amabeli kamba amalalu, konakuli lukaba ni mukoloko wa ku lapelela, mi—mi cwale kasamulaho wa fani, lukaba ni—ni mulalelo. Mi mu amuhezwi kuli muine ni luna; lu ka tabela. Haluna nihaiba mulalelo wa—wa ku ikwalela. Ki wa mulumeli kaufela, mulumeli kaufela.

³⁷ Mi Ni si ka bala kale Mañolo, Ha ni zibi haiba lu inamise litho za luna fa muzuzu fela. Ni ka kupa mulikana ka yomunde, Muzwale Lee Vayle, haiba uka lu etelela mwa linzwi la tapelo, kuli Mulimu afuyole Linzwi la Hae. Muzwale Vayle, kikuli uka lu ezeza cwalo na?

[Muzwale Lee Vayle wa lapela—Mu.] Amen. Lumeleza cwalo, Mulena. Lumeleza cwalo, Mulena. Lumeleza cwalo, Mulena. Eeh, Mulena. Amen.

³⁸ Cwale ka likute, lu atumela Linzwi. Cwale Ni lakaza kubala, kakusasana cwana, kuzwa mwa Exoda kauhanyo ya 12, ni kukalela fa timana ya 12, litimana za 12 ni 13, hamoho. Mi a muteezele hande cwale. Mi cwale lusika ba kale ni mulalelo busihu boo, mubale kauhanyo ya 12 ya—ya Exoda, yona kauhanyo kaufela; fa timana fela ya 11 fa ki musipili wa buitukiso, ni mulalelo fapila musipili. Mi lubata kuatumela taba ye ka likute cwale. Cwale timana ya 12 mwa kauhanyo ya 12:

Kakuli busihu boo Ni ka falula naha ya Egepita, mi ni ka nata za maizibulo kaufela ze mwa naha ya Egepita, za batu ni za lifolofolo; mi Ni ka lwanisa milimu ya Egepita kaufela ka likoto: Ki na MULENA.

*Mi mali ikaba liswayo la mina fa mandu fo muinzi: ha
Ni ka bona mali, Ni ka mi fitelela, mi lifu halina kuba ku
mina ku mi bulaya, nako ye Ni nata naha ya Egepita.*

39 Mi Mulena afuyole Linzwi la Hae le li Kenile!

40 Cwale Ni bata kunga tuto kuzwa foo, ki linzwi nyana fela la litaku zelikani fela: *Zibahazo*. Zibahazo! Ni bata ku bulela fa linzwi, kamba kuluta tuto ya sikolo sa la Sunda ye, fa linzwi la “zibahazo.” Bibebe ibulezi fa kuli, “Mi mali ikaba zibahazo ku mina.” Mi lubata kuitusisa linzwi la kuli “zibahazo.”

41 Cwale ha lu zibi; ha Ni talima fa waci, mi haikaba nako, kihande, ze ki . . . Nina ni amañata, Mañolo amañata añozwi fa. Kacwalo isiñi . . . Mi ka kuziba kuli ha Ni na kuba ni mina fa nako nyana. Mi kana lu ziba cwani kuli ye haina kuba nako ya mafelelezo yeo babañwi ba luna luka kopana hamoho? Kacwalo ha lu likeni ku I talima ka likute luli. Ni ziba kuli ku tata. Mulena u lu file kakusasa omunde cwale, hape—hape, kwa sebelezo, ki yende fela. Mi ha lu likeni kuiseza ngana cwale ku ze lu bulela zona—zona ze lu ambola fateni, ili kuli za . . . haiba kuna ni zeñwi mwateni zeo Mulena utabela kuli muzibe, zeo li ka fiwa ku mina.

42 Mi ha lu yemi fa kuli luboniwe fela. Ha lu si ka taha kwanu ili kuli babañwi ba bone litino ze lu apezi. Kamba . . . Luna, lutaha kwanu ka nto iliñwi, sina muzwale waluna ha na lapela tapelo yani, “Luteni mo ku to teelesa Linzwi, Linzwi litaha ku luna.” Lu bata Sani, kakuli yani kona taba inosi fela ye ka talusa nto yeñwi ku luna, sika kaufela se si ka ba ni mayemo, sika kaufela se—se si ka lu tusa.

43 Mi lu sicaba se si shwa. Batu kaufela ba libile kwa Kuyakuile. Mi cwale luna ni nako yeñata ye ya kupanga buiketelo bwa luna ka nzila yeluya ka yona. Mi nzila i fapila luna; lwa kona kunga neku leliñwi le lu bata kuketa. Cwalo kona mwa Na beezi Adama ni Eva, mi ona cwalo kona mwa Na lu beezi ni luna.

44 Lu swanela kuhupula, kuli hakuna taba ka se lueza, kamba mo lubezi baba fumile cwani, mwa bupilo, kusina Kreste lu latehezwi ki lika kaufela. Kacwalo haiba Yena, kasamulaho . . . Haiba Yena kiyena fela yaliteni ku lu na ni kubata, kona kuli lu ka ba batu baba bukuba maswe ku Li amuhela, kuba, ni—ni ku Li lata. Isiñi fela ku Li amuhela, kono mutile kwa nto yeñwi yetuna kufita foo. Ha se mubile ni Ona, musike mwa u beya fela fa shelufu. Una ni itusiswa.

45 Kuswana sina kuya ku dokota ku yo nga mulyani, mi ni ku beya fa shelufu. Haiba u yo nga mulyani, uswanela kunwa mulyani. Haiba kuna ni butuku bo bu ku kataza, mi mulyani wo u lukela ku kutusa, nwa sa ka kufa; mi unwe fela ka mwa bulelela, kakuli nako zeñwi mizuzu fela yelikani ika eza shutano yetuna ka mo ka ezeza. Mi cwale lwa ziba . . .

46 Kono mwa taba ye, kacenu, fa nako iliñwi fela ya keto ya hao wakona kuli kokuñwi Kuyakuile. U i kungele Ona ka Mwa kufela Ona.

Zibahazo, “Mali akaba zibahazo ku mina.”

47 Cwale pili, zibahazo, ki sikamañi? Ki linzwi le li zibahala hahulu mwahala luna baba bulela Sikuwa, sihulu mo mwa America. Zibahazo ki. . .Luli, buka ya litaluso za manzwi ibulela kuli zibahazo ki sisupo, ki sisupo sa tifo, ye lifilwe, mwabona; kuli ki—ki tifo, kamba pene, tifo ye swanela ye lifilwe.

48 Kuswana sina pene ya fa litima kwa njanji kamba tifo ye lifiwa kwa limbasi. Wa ya mi u yo lifa za—za musipili wa hao, mi kipeto ba kufa zibahazo, mi zibahazo yeo haikoni ku itusiswa ka sika sisili fela konji fa musipili wa sitima woo. Mi ki zibahazo, kwa kampani ya njanji, ye mu lifile tifo ya mina. Ki zibahazo, mi haukoni ku itusisa yona kwa sika sisili fela. Ha li beleki fa musipili usili fela. I ka beleka fela fa musipili wateni fela kihona. Mi ki kuli—ki zibahazo.

49 Cwale kulo fa, ka lika ze lubulela, fo lu kalela, kikuli Mulimu uambola ni Isilaele, “Mali a ngunyana kona zibahazo ku mina.” Ngunyana ya Isilaele, ye ne tabilwe, neli zibahazo ya na tokwa Jehova. I lukela kuba mali. Mulimu na ezize zibahazo ni kuifa kwa Isilaele. Mi hakuna zibahazo yeñwi ye ka beleka, mwabona, haikoni ku lemuhiwa.

50 Kwa lifasi, Ki sikwata sa bukuba. Kono, ku Mulimu, Kona fela nzila inosi. Nto fela inosi ya Na tokwa ki yona Zibahazo yani. I lukela kuba teñi. Mi haukoni kuba ni Zibahazo konji tifo ha se ilifilwe, kona kuli u muña sika sa Zibahazo yeo ye kufa li—li lithonolo la kuba ni situpa sa mahala. “Ni ka bona Mali, Ni ka mi fitelela.” Ha ki nako ni yeo, kuli, ha ki lithonolo ni leo, kuziba kuli ulwezi, mwahali ku wena, sona Situpa sani. “Ha Ni bona Mali, Ni ka mi fitelela.” Kona fela nto inosi yeo Aka lemuha. Ha ki sika fela se si kona kunga sibaka sa Sona; hakuna za kuyolisa, hakuna kopano, hakuna nto isili hape. Si lwala ona Sani. Mulimu naize, “Sani fela kona se Ni ka bona.”

51 Hakuna taba kamba nebali baba lukile cwani, mo ne ba bezi babande, kamba buñata bwa tuto ye ba nani, mo ba tinela, zibahazo neli yona nto inosi kihona. “Ha Ni bona zibahazo, Ni ka mi fitelela.” Mali neli yona zibahazo yene—yene Jehova na tokwa ye ne lukela kubateni, kuli ne li ezahalile. Mali na yemela zibahazo. Mali kona anali yona zibahazo. Mwabona? Bupilo bo. . .

52 Mulimu na bulezi kuli, “Zazi le mu ka ca kuyona, lona lizazi leo mwa shwa.” Mi ne kuna ni bupilo bwa ku yolisa bo ne bu yemela bupilo bwa mulumeli. Mulimu, ka sishemo, a amuhela sa kuyolisa kwa bupilo bwa mutu ya silafezi. Mwana Hae ha na silafezi ka sibi, sa ku sa lumela Linzwi, cwale Mulimu, yafumile

mwa sishemo, a lukisa sa kuyolisa; mi, sani neli kuli, sesiñwi ne si lukela kushwela mwa sibaka sa sona. Hakuna sene si ka beleka.

⁵³ Kona ma apule a Kaine ni litolwana, ni zeñwi cwalo, ha ne li si ka beleka. Ne ilukela kuba bupilo bo bulota mali kubona, mi bupilo ne buzwile mwa sitabelo, mi cwale mali neli yona zibahazo yakuli mulao wa Mulimu no latezwi. Cwale, ki sikamañi sa bata Mulimu? Bupilo; mi mali abonisa kuli nekuna ni bupilo bo bu zwile. Kacwalo mali neli yona zibahazo yakuli bupilo bu filwe, kuli sesiñwi ne si shwile, kona za na tokwa Mulimu; kuli bupilo ne bu filwe, mi mali na suluhile. Mi mali na yemela zibahazo, kuli bupilo ne bu zwile. Bupilo bwa folofolo yana bulezi Mulimu kuli bu bulawe, neli mali ana yemela zibahazo. Mwabona?

⁵⁴ Ki—ki—ki mulapeli ya lumela na yemelwa ka sitabelo sa hae, ka zibahazo. Ha ni lakazi kuinelela nako yetelele fa litaba ze, kono, kakuli mukona kunga sebelezo mutu ku iliñwi ya zona, kono Ni bata kuyemela foo fa nako nyana ka kubulela zeo. Mu—mu—mu mulumeli nana ni ku itibahaza ka sitabelo sa hae. Mwabona? Haiba fela ki sitabelo ni—ni kuli si ezizwe kusili fela, nana ni ku si fa; kono nana ni ku zibahazwa ku sona. Kaniti, nana ni kubeya mazoho a hae ku zona, pili, kuli aitibahaze iliyena ka sitabelo sa hae. Mi cwale mali na beilwe fa na lukela kuyema mwatasi a mali. Mali a lukela ku suluhela fahalimwa hae. Mi yani neli zibahazo ya na itibahaza kayona, kuli una ni mulatu, mi ne paka kuli sa kuyolisa se si sina mulatu singile sibaka sa hae.

⁵⁵ Ha ki siswaniso kwa bunde ni seo! Oh, ba liuluzwi! Mwabona, na fumanwi fela, mi ze ne tokwahala za katulo ya kukena kwa Mulimu ne li fumanehile. Mi Mulimu ali, “Cwale Ni ka bata bupilo bwa hao,” mi he, kanti bu—bu—bu bupilo ne bu ezize sibi. Mi yasina mulatu unga sibaka sa sona. Mi neli fela mali a sibatana; isiñi apule, tolwana ya peach. Sani si lukela kueza peu ya noha kuba patalaza luli ku mutu kaufela, kuli neli mali. Mi mali a, ana sa koni kuzwa mwa muselo, na zwile ku za kuyolisa ze sina mulatu. Mi bupilo ne bu zwile, ni—ni bona, mwa sibaka sa hae, mi mali neli sisupo sa kuli sibatana ne si shwile mi mali a suluha.

⁵⁶ Mi mulapeli a itamba mali isali yena, ne ku paka kuli na zibahazwa mwa puluso, kakuli uitibahaza iliyena ni . . . fa sitabelo, na ipile iliyena kwa sitabelo, mi mali na yemela zibahazo.

⁵⁷ Haki—haki bunde ni boo! Ha ki siswaniso ni seo! Ki mufuta o petehile wa Kreste, ona cwalo fela, mulumeli kacenu ya yemi mwatasa Mali a suluhile, ku itibahaza ni Sitabelo. Ka kupetahala fela sina—sina mo ku kona kubela, kuli ka mo Kreste, isiñi—isiñi kuba folofolo . . . Mwa bona, ki—ki folofolo ye ne shwile, kono ne ili . . .

58 Nto yesina mulatu kwa lika kaufela ye lunani, Na sepa, ikona kuba, ki—ki folofolo, ki—ki ngunyana. Mulimu hana bata ku zibahaza Jesu Kreste, Na Mu pakile ka kuba Ngunyana. Mi ha Na bata kuitibahaza ili Yena, Na itibahalize Iliyena ka kuba nyunywani, ili Nkwilimba. Mi nkwilimba kona yesina mulatu hahulu mi ye kenile mwa bupilo kaufela bwa linyunywani, mi haili—haili ngu kona yesina mulatu mane ye kenile kwa bupilo bwa lifolofolo kaufela. Kacwalo mwabona ha kuna ni . . .

59 Jesu na kolobelizwe ki Joani, mi Bibebe iize, “Mi—mi abona Moya wa Mulimu, sina liiba, ha u taha fahalimwa Hae.” Kabakaleo kambe ne kubile mu . . . Haiba ne ikaba sitongwani, kamba kambe neikaba fela folofolo isili, si—si sibupeho sa liiba ne si sikesa lumelelana ni sibupeho sa sitongwani, kambe neba kuli si—si sibupeho sa liiba si lumelelane ni folofolo isiñi fela kwanda ngu. Mi libupiwa zepeli zani za taha hamoho, mi za lumelelana ni yeñwi.

60 Cwale kana mwabona bukamusu? Ne li ngunyana ha be itile fani. Mwabona? Mwabona? Ki . . . Ne li ngu hane i—hane i tisizwe. Ne li ngu. Ne i pepilwe ili ngu. Ne i hulile ona cwalo, ili fela ngu. Mwabona?

61 Mi, kabakaleo, wo kona fela mufuta wa Moya wa niti o kona kuamuhela Linzwi, o kona kuamuhela Kreste. Babañwi ba bona ba ka lika, ne ba likile ku ba ni Ona, ni kubeya Moya wa Mulimu fahalimwa sitongwani, mwabona, kunyemiswa, kukula, piluseta. Hauna kulula fateni. Moya o Kenile uka fufa fela ni kuikelala. Hauna ku eza sika.

62 Kucwani haiba Liiba lani ne li ka lula, mi, kufita kuli I lule fa Ngu, ne ku kaba folofolo isili fela? Ne ika fufa kapili Kuya kwahule ni kukuta. Mwabona? Kono ha Na fumani kuli sibupeho se Ne ika zamaelela ni sona, Sa to ba fela nto Iliñwi.

63 Mi cwale ki—ki—ki Liiba le ne li etelezi Ngu, mi, mulemuhe, Ya etelela Ngu kuya kwa libulaelo. Cwale, Ngunyana ne i utwela Liiba. Mwabona? Hakuna taba kamba Ne i Ietelela kuya kai, Ne i itakaleza kuya.

64 Na komoka, kacenu, Mulimu ha lu iswa kwa—kwa bupilo bo bu ipile ka kutala ni sebelezo ku Yena, Ha nizibi haiba mioya yaluna cwale fokuñwi hai halifangi, ka kubonisa zecwalo, hanizi haiba luli lu lingunyana? Mwabona? Mwabona? Ngunyana ina ni kuutwela.

65 Ngunyana ina ni buitobohi. Yona—yona haina—yona haina litukelo za yona mane. Mwa ibeya fafasi mi mwa kala ku ikuta boya bwa yona. Kona fela nto ye inani. Haina—haina kubulela sika ka zona; ika i toboha fela lika kaufela zeinani. Yeo ki ngunyana. Ifa lika kaufela ku zayona . . . ika itoboha fela lika kaufela, yona kasibili ni se ili sona kaufela.

66 Mi cwalo kona mwa inezi Mukreste wa niti, haiba ki... sitabelo sa kuipa ili sona, hakuna se si ezahala sa lifasi le, kono ba fa kaufela ze ba nani ku Mulimu. Mwabona?

67 Mi cwale ye neli Ngunyana ye petehile, Kreste nali cwalo. Mi cwale ka ku sulula mali a ngunyana ye, yona ngunyana ya nama mwa Egepita, mali na lambilwe, mi, hane kuli cwalo, ne li yemela zibahazo, kona kuli kanti Mali a Ngunyana ye ona aka yemela sikamañi? Mwabona? Zibahazo ya kuli lu shwile ku luna bañi ni kuzibahala ka Sitabelo sa luna. Mwabona? Mi, Ngunyana ni za—ni—za Mali ni mutu uba ya zibahala hamoho cwalo, Sitabelo ni mulumeli. Mwabona, u zibahala mwa bupilo bwa hao, ka Sitabelo sa hao. Sani si ku eza kuba mo uinezi.

68 Mi mali neli yona zibahazo, kamba ponahazo. Mali na paka kuli mulapeli na bulaile ngunyana, mi a amuhela ngunyana, ni kulamba zibahazo kuyena kasibili, kuli na sa swabi. Na sina taba kuli ki mañi ya na sibona. Na bata kuli mutu kaufela a si bone, mi ne si beilwe mwa sibaka sa kuli mañi ni mañi ya fita na ka bona zibahazo yani.

69 Mwabona, batu babañata babata kuba Bakreste, mi ba—ba—ba tabela kueza cwalo kwa mukunda kuli hakuna mutu—mutu ya kona kuziba kuli ki Bakreste. Kamba, ki—ki balikani bo ba zamaya ni bona, babañwi ba kanahana kuli, “Kihande, cwale, talima, Ni—Ni—Ni bata kuba Mukreste, kono ha Ni lati wa *Kuli-ni-kuli* azibe ka zona.” Mwabona? Kihande, cwale, mwa bona, bwani ha ki Bukreste.

70 Bukreste bu lukela kubonisa Zibahazo, mwabona, patalaza, mwa bupilo bwa sicaba, kwa ofisi, fa mikwakwa, ha kuna ni butata, sika kaufela, mwa keleke, kai ni kai fela. Mali kona Zibahazo, mi Zibahazo ina ni kulambiwa, mwabona, kamba (ha isa lambiwi) neba bulikani habukoni kuba ni mata.

71 Mali ne li zibahazo, kamba ponahazo, kupaka kuli mutu yo u liuluzwi. Cwale, kihande, mulemuhe, neba nani, ne ba liuluzwi ku si kaba kale sika kaufela se si kile sa ezahala. Ka tumelo ba lamba mali. Mwabona, mane li si ka ezahala kale, mali na lambilwe ka tumelo, ka kulumela kuli ne li ka ezahala. Mwabona? Kusikaba kale mane buhali bwa Mulimu bu si ka fita mwa naha, mali na lambilwe, pili. Nako ne se ifelile kale buhali ne bu suluha.

72 Cwale luna ni tuto kwani ye lukona luli, mwendi ki ku itisa kwa muhupulo wa hao, fa nako nyana fela. Mutalime, *lisika* ezahala kale, kakuli kutaha nako yeo musike mwa kona kuba ni Mali a lambiwa.

73 Ngunyana ne ibulaiwa ka nako ya manzibwana, kasamulaho i bulukiwa mazazi a lishumi ni amane. Mi cwale ngunyana ya bulaiwa mi mali a lambiwa mwa nako ya manzibwana. Mwa utwa nji? Zibahazo ne isika taha konji ka nako ya manzibwana.

74 Mi ye ki nako ya manzibwana ya lusika mo lupila. Ye ki nako ya manzibwana kwa—kwa Keleke. Ye ki nako ya manzibwana ku na. Ye kona nako ya manzibwana ya Liñusa la ka. Na shwa. Na ya. Ni sweli kuzwela kuya, mwa nako ya manzibwana a Evangeli. Mi lutile ka za kuluka, ni zeñwi cwalo, kono ye kona nako yeo Zibahazo ina ni kulambiwa. Ne ni mi bulelezi la Sunda kuli Ne ni na ni sesiñwi se Ni bata ku ambola ku mina ka sona; se ki sona. Nako yeo mina—mina hamukoni fela kubapala ni Yona. Sina ni ku ezahala. Haiba si na ni kuezahala, sina ni kuezahala cwale. Kakuli, lubona kuli buhali bu fakaufi ni kuwela mwa naha, ni lika kaufela ze zwa mwatasa Zibahazo yani li ka shwa. Mali, a ku paka. Mulemuhe.

75 Kakuli, bupilo bwa folofolo ne bu sa tahi ku mutu. Fani mali ha na suluhile, bupilo ne bu zwile mwateni, eeni sha, kakuli neli sibyana se si kopani. Mi cwale mali a bupilo ha na zwile ku ona, bupilo ka ku shutana kwa mali. . . Cwale, mali kona muinelo wa bupilo, kono bupilo ki nto ye shutana kwa mali, kono bupilo bu *mwa* mali. Mi bupilo bwa folofolo nebusa tahi ku mulapeli. Ha na suluzi mali a ngunyana ani, nana ni kulamba muinelo ona ka mubala mane, kakuli ona bu—bu bupilo ne buzwile mi ne bu sa koni kukuta.

76 Kakuli, ne busike kutaha ku mutu, kakuli bupilo bwa folofolo habuna moyo. Folofolo ha i zibi kuli i mapunu, mi yona—yona fela ina. . . Ha i lemuhi sibi. Hakuna ze iziba, kacwalo ki sika se si pila kono isiñi moyo opila. Kabakaleo, bupilo bwa folofolo bwani ne bu sa koni kutaha fa bupilo bwa mutu, kakuli ne busina moyo mwa bupilo bwani. Cwale, kuna ni bupilo, ki mali; ki bupilo, mi moyo mwa bupilo; moyo kona sibupeho sa bupilo. Kabakaleo, ne si sina sibupeho sesiñwi, neli folofolo, kabakaleo mali na yemela zibahazo yakuli bupilo ne bufilwe.

77 Kono mwa sibaka se si kanya se, mwatasa bulikani boo, kuna ni shutano mwahala Mali ni Bupilo. Zibahazo ya mulumeli kacenu ki Moya o Kenile; isiñi mali, muinelo wa lika, kono Ki Moya o Kenile wa Mulimu. Yeo kona Zibahazo ya bata Mulimu kwa Keleke kacenu. Mulimu ulukela kubona Zibahazo ye. U lukela ku I bona mwahala ku luna kaufela.

78 Kabakaleo, sina miluti ya manzibwana hainze i bonahala, mi buhali bu fa kaufi ni ku suluha kuzwa kwa Lihalimu, fahalimwa linaha ze si za bumulimu, ni ku baba sa lumeli kaufela, fahalimwa ba—ba baipapati babasina ze basweli, fahalimwa lika ze! Mi Ni—Ni likile ku tatulula lika ze na kasibili ni kupila hande mwahala zona, kubona fo ne liyemi, Ni si ka bulela kale lika ze. Cwale lupila mwa miluti, mi buhali bu libelezi ku suluha, mi Mulimu utokwa Zibahazo yakuli wena kasibili u amuhezi Zibahazo ya Hae, ona Moya o Kenile. Kona nzila inosi fela, mi ni sisupo fela seo Mulimu uka fa, kakuli Ki bona Bupilo tenyene bwa Jesu Krete bo bu kutela ku mulumeli.

79 Bupilo bwa folofolo ne bu sa kuti, kabakaleo mali nana ni ku beiwa fa munyako, kulambiwa fa sikwalo ni fa misumo ya munyako; kuli mutu kayufela ya fita, sicahba kaufela, ufi kaufela ya taha kwa ndu, na ziba kuli nekuna ni—ni sisupo fa sikwalo sani, sa mali, kuli bupilo ne bu shwile fa munyako wani. Amen!

80 Cwalo kona mo ku lukela kubela ni mulumeli kaufela kacenu, ya talizwe ka Moya o Kenile; Zibahazo la kuli Mali asuluhile a Ngunyana, Bupilo bwani bo ne bulu ku Ngunyana, ukutile mi patalaza mi uswailwe mwateni, kuli mañi ni mañi yafita, kuambola ku mina, yana ni swalisano ni wena, ka kubona kuli Mali a lambilwe, ni Zibahazo ya Bupilo yeneli ku mina mwa Mali ani i ku mina. U lukuluhile kwa buhali. Ona zeo kihona; isiñi bu membala. Batili, sha!

81 Bupilo bwa folofolo nebusa tahi ku mulumeli, kakuli neli folofolo, mi ne bu ambola fela za lizwalo, kubonisa kuli ku ka taha Sitabelo se si petehile.

82 Mi, cwale, ku konahala cwani kuba ni Sitabelo se si petehile kufita sa Mulimu yena Kasibili ka kuba Swalelo, yena Kasibili? Fani Mulimu hana ezizwe nama, mwa Mali a Hae Tota a kukona kubupa, kuli yena . . . nzila fela yeo Bupilo bwa Mulimu nebuka kuta ka yona.

83 Kakuli, kaufela luna ne lu pepilwe ka foso, mi kabakaleo bupilo bo buli mwani ki bwa lifasi, mi bupilo bwani habuna kuyema. Ki yona taba luli ye se atuzwi kale ni kunyaziwa. Hamukoni ku bu hapeleza fateni. Hakuna mukwa wa ku lihapeleza fateni. Hakuna mukwa wa ku—ku li nolofaza ka ona. Hakuna mukwa wa ku li eza hande. Li nani kushwa! Kona fela ze tokwahala zeliteni. Si na ni kushwa.

84 Mi za Kuyolisa, ki Bupilo bwa Jesu Kreste, bo bu na ni kutaha ku wena, ili ona Moya o Kenile, Zibahazo ya Mulimu; kuli u amuhezi Mali a Mwana Hae, Jesu Kreste.

85 Kabakaleo, mwa mazazi a Wesley kamba . . . Mazazi a Luther, ne i hupulwa kuli, “ki ku lumela.” Mwa mazazi a Wesley, “muinelo wa Mali.” Kono le ki lizazi la mafelelezo, ko—ko Zibahazo i tokwahala. Sani si panga, hamoho, sikwata kaufela sa Kuungelwa. Mwa bona nji?

86 Mezi, mali, ni moya za zwanga mushemi wa musali ha puluha mwana. Nto yali ye zwanga, kwa kupepwa ko kunde, ki mezi, ya bubeli, ki mali, mi yetatama ki bupilo.

87 Ne ku zwile mwa mubili wa Mulena luna Jesu Kreste: mezi, Mali, ni Bupilo. Mi Keleke kaufela, ki Munyaliwa, hamoho, u ezizwe ka kuluka, kukeniswa, ni kolobezo ya Moya o Kenile, ili yona Zibahazo.

88 Sina Maheberu 11 ha ibulela kuli, “Kaufela baba yanbaezi mwa matalo a lingu ni lipuli, mi ba bile bayambaeli, ni lika

ze kaufela zene ba ezize, kono niteñi ha li si ka ba petahalisa kusina luna.”

⁸⁹ Mi ni Keleke mwa lizazi le, ye amuhezi Zibahazo, ya kolobezo ya Moya o Kenile, ya kuli Mali a suluhile mane ni Moya o Kenile a fahalimwa Keleke; kusina luna, kanti, habakoni ku zuswa. Kono baitiingile ku luna, kakuli Mulimu Na sepisize kuli ukaba ni Sona, mi yomuñwi ukaba teñi. Hani zibi kuli ikaba mañi, kono kuna ni ya ka I amuhela. Taba fela iliñwi ye Ni na ni buikalabelo, ki ku I kutaza. Ki musebezi wa Mulimu kuli atalime peu yene leliłwe pili yani. Ikaba teñi kono mane, kanti. Kakuli, likaba teñi, ifi ni ifi yazona, ye ni yeñwi; lusika lwa mezi, ona lusika lwa Mali, mi cwale ni lusika lwa Zibahazo ya Moya o Kenile.

⁹⁰ Mi, muhupule, Isilaele natile mwa lika zeñata, kono neli nako ya manzibwana fani zibahazo hane i tokwahala; isiñi kakusasana, isiñi mwa tukiso, mazazi a lishumi ka amane a kubuluka ngunyana. Isilaele na ziba nto yeñwi yene taha.

⁹¹ Kona ni Luther mwa na li zibezi, kona ni Wesley mwa na li zibezi, kona ni Finney, Knox, Calvin, mo ne ba lizibezi. Ye ki Yona! Neba zibile kuli ku ka taha nako yakuli Siita sa Mulilo si ka kuta kwa Keleke. Neba ziba kuli ku ka taha nako foo lika ze ha ne li ka ezahala, kono ne ba si ka pila kuli ba libone, kono ne ba talimezi kwapili ku zona.

⁹² Isilaele na ziba nto yeñwi yene taha, kono neli ka nako ya manzibwana fani mali a ngunyana ani, yona zibahazo, ne i beilwe fa munyako. Ibo, ngunyana ne se i pahakilwe kale.

⁹³ Ibile Ngunyana mwahala musipili kaufela. Neli Ngunyana mwa nako ya Luther, neli Ngunyana—Ngunyana mwa nako ya Wesley, kono cwale seli nako ya Zibahazo kuli ndu ni ndu iswaiwe ka Zibahazo. Ndu ni ndu ya Mulimu iswanela ku apeswa ka Zibahazo. Kaufela baba li mwahali a yona ba swanela kuapeswa ka Zibahazo. Mi Ndu ya Mulimu kona Mubili wa Jesu Kreste, mi ka Moya ulimuñwi luna kaufela lu kolobelizwe mwa Zibahazo ye ni kuba siemba sa Yona, yeo, Mulimu naize, “Ha Ni bona Zibahazo ye i bonahaliswa, Ni ka mi fitelela.” Ki hola yecwañi yelupila ku yona! Oh!

⁹⁴ Mali ana zibahalizwe, na zibahaza mulumeli, kakuli mali na suluhile, na sa koni kukuta, kacwalo nana ni kuba ni—ni a lambilwe. Na lukela kuba ni penti cwalo, ya mali, mali ana bonisa kuli bupilo ne bu filwe ku ona.

⁹⁵ Cwale oina Moya Luli kona Zibahazo. Moya o Kenile luli Kasibili kona Zibahazo, isiñi Mali. Mali na suluhile fa Kalvari, yeo ki niti. Kono haili Mali, kuya ka moa inezi, nakutile mwa buino bwa ko ne a zwile, kuzwa kwa lico za Na pila ku ona. Kono, mwa ziba, mwahali a selu ya Mali yani nekuna ni Bupilo yene kalisize ku zamaisa selu ya Mali. Haiba neli cwalo. . . Mali ani na sina bupilo ku ona, kasibili, mi kabakaleo na sa koni kushenya.

Kono cwale Bupilo ha bu taha mwa buino bwa mali, Ne bu bupa selu. Ne bu bupa selu ya Ona Iñi, mi selu itaha mwa mulaho wa selu, mi se iba Mutu. Mi Mutu yani neli Mulimu, Emanuele, mwa nama. Kono cwale Bupilo bwani ha ku kuta, buino bwa ona bwaya ku yona, kono Zibahazo ki Moya o Kenile fa Keleke, kuli ba bona Kreste.

⁹⁶ Sina ni kuba cwalo, kakuli musali ni muuna hae baba alimuñwi. Ba fetuha alimuñwi. Mi kona ni Munyaliwa ni Kreste mo ba bezi Alimuñwi. Bulumiwa bwa Munyaliwa ni bulumiwa bwa Kreste, ki nto yeswana. Mi muhupule, “Litaba za pili zeo, shangwe Teofile, Ni ku ñolela zona, kuli uzibe za na kalile kueza ni kuzwelapili kueza.” Lifu la hae ne li si ka Mu paleliswa. Batili, sha! A kutela hape. Isiñi mutu wa bulalu, kono ki yena Mutu ya swana yana kutile hape mwa mufuta wa Moya o Kenile, ni kuzwelapili musebezi; ni kuzwelapili cwalo, kubulela Buka ya Likezo. “Jesu Kreste wa swana maabani, kacenu, ni kuyakuile.” Yani kona Zibahazo. Sani kona sisupo.

⁹⁷ Fani Pitrosi ni Joani hane ba fitile mwa munyako o bizwa o Munde, neku na ni muuna yana bile sihole, sianga kuzwa mwa mba ya mahe, mi ki hali, “Silivera ni gauda ha Nina zona; kono ze Ni nani, Na kufa zona. Ka Libizo la Jesu Kreste wa Nazareta, yema u zamaye.” Mwabona? Mi ba ambolisana ni bona mi se ba ziba kuli ne ba si ka ituta mi neli litimbi, kono ne ba lemuhile kuli ne bali ni Jesu. Mwabona, Zibahazo ne ili teñi, ne i bonahalile. Mwabona, “Ze Ni nani!” Ka kubona muzwale ya inyandela ali kulobala fani, sihole mi a sa bonahali hande, ni lika kaufela. Mi ona Bupilo bo bu swana bone buli ku Kreste nebuli kubona, “Ze Ni nani!”

⁹⁸ “Ka Libizo la Ka *mu* ka leleka mioya.” Isiñi kuli, “Ni ka leleka.” “*Mina* mu ka leleka!” “Ha *mu* ka bulelela lilundu leo!” Isiñi kuli, “Haiba Ni ka bulela.” “Ha *mu* ka li kwa lilundu leo!”

⁹⁹ Oh, muzwale, hola ya Zibahazo yani kuli i bonahale i sutelezi. Lwa kona ku si bona. Lu ziba kuli lu atumezi maungulo cwale. Lu tiseze mañusa a mifuta kaufela, ku bonisa lisupo ni ze komokisa, mi cwale ki luna ba lukutile ku seo Keleke ina ni kueza. Zibahazo ina ni ku bonahazwa. “Ha Ni bona mali, Ni ka mi fitelela.” Hakuna ze ka beleka. I lukela kuba Mali. Cwale, Moya o Kenile kona Zibahazo ya luna, yezwa ku Mulimu.

¹⁰⁰ Sina muituti yomutuna, wa—wa lituto za likolo, muzwale wa Baptist, muuna yomunde, wa mikwa yende, ha natile kuna nako yeñwi, mi ki hali, “Muzwale Branham,” ki hali, “u bulela ka za Moya o Kenile woo,” ki hali, “kiñi, zeo ha ki zenca.” Ali, “Lu I lutile mwahala masika kaufela.” Mi Na—Na li, kihande, Nika . . . Ki hali, “Lu amuhezi Moya o Kenile.”

¹⁰¹ Se nili, “U U amuhezi lili?”

102 Ki hali, “Ha Ni lumela.” Kakuli, Ne ni ziba kuli yani neli tuto ya za Baptist, kuli haiba, u sa lumela fela, wa amuhela Moya o Kenile.

103 Se nili, “Mi Paulusi naize, mwa Likezo 19, kwa sikwata, nyana sa ba Baptist, ili, mukutazi wa Baptist yana bile alimuñwi wa bene ba sikuluhezi kwa bupilo ka Joani, na bonisa ka Bibeledi kuli Jesu nali yena Kreste.”

104 “Ha na fitile fa libaka ze lumbile za Efese, a fumana balutiwa babañwi, mi ki hali ku bona, ‘Kana mu amuhezi Moya o Kenile *nako* ye mu lumela?’ Se bali, ‘Ha lu zibi kamba kuna ni Moya o Kenile.’” Mi a buza mo ne ba kolobelizwe. Mi ne ba si ka kolobezwa kale ka Libizo la Jesu Kreste, yena Ngunyana ya sitabelo. Ne ba si ka zibahala ni Yena, ni hanyinyani. Neba lumela fela cwalo; inge mulyani o inzi fani, mi ne ba si ka u amuhela. Paulusi na ba laezi kuli ba kolobezwe sinca hape, ka Libizo la Jesu Kreste.

105 Mi ha na ezize cwalo, kona kuli Zibahazo ya taha fahalimwa bona. Ne ba zibahalizwe ka misebezi ni lisupo za Moya o Kenile, kubulela ka malimi ka bona, ni kupolofita, ni kulumba Mulimu. Ne ba zibahalizwe kuba—kuba ni Sitabelo sa bona.

106 Mi Moya o Kenile kona zibahazo ya luna. Kona se si lu paka kuba Bakreste. Isiñi kuba wa siemba sa luna mwa likeleke, isiñi kutwisiso ya luna ya Bibeledi, hakuna taba kamba uziba cwani za Bibeledi. Ki zo ziba ka Muñoli wa buka, mwabonga, ka mo Muñoli wa buka apile ku wena. Ki za hao—ki za kuiconga kwa hae. Ha u sa li yo. U ipiza kuli ushwile, mi Zibahazo kona yepila ku wena. Mi ha ki bupilo bwa hao; Ki Yena.

107 Paulusi naize, “Bupilo bo Ni pila cwale (Na pila bupilo bo bu shutana kuzwa ku bwa na pila sapili.) ha ki na, kono ki Kreste ya pila ku na.” Yani kona Zibahazo ye pakilwe yana bata Mulimu. Ye zibahalizwe ni zaluna za . . . Ku zibahala ni Sitabelo saluna, Bupilo wa Mupulusi ku luna, ona Moya o Kenile.

108 Oh, haki—haki Zibahazo kwa bunde! Ha ku koni kuba ni Zibahazo yeñwi hape. Oh, mawi, kambe ne mu ka lemuha fela mu—mu muhupulo wa zona. Haiba Ni na ni—ni mata kakusasana cwana, ka manzwi, kubulela ni kubeya mwa moyo wa mina o li mwahali mwa-. . . isiñi lizebe za hao, kono moyo wa hao, mi wakona—wakona kubona sepiyo ya Ona. Si—si lwala, Li ku katulusa hahulu.

109 Kucwani haiba no li cwalo, no no ezize mulatu, mi no yo zekiswa mwa kuta. Mi u ziba kuli, haiba ba ku fumana ni mulatu, kuli no na ni kushwa, no kaibewa fa sipula sa malaiti, kamba mwa sibaka sa moya o cisa, kamba ki koto yecwani kaufela ya fa patelo yene ba ka ku tomela, kukupaheka, mwendi ki ku kutamelela mwa mulala, kamba nto yeñw, i mwa koto yatani. Mi u ziba kuli no na ni. . . No na ni mulatu. U ziba kuli una ni mulatu, mi ulukela kushwa haiba u sa bi ni muyemeli wa ku to

ku zekela kwateni, kuli uzwe mwa likayamana la hao. Mi cwale ubata muyemeli ya sikwala yo ukona kuba ni yena.

¹¹⁰ Mi cwale kufumana muyemeli yali yomunde, muyemeli wa sikwala yakona kuzeka hande, no ka ikutwa kuli taba ya hao neili fela. . . no ka pumula nyana, kuhoha moya kakuli una ni muyemeli. Kono niteñi ne ku kaba puzo haiba muyemeli wa mulao yo uka cinca mulelo wa muatuli, kamba kucinca mulao; haiba muyemeli wa mulao yo, ni kubulela kwa hae kwa butali ni kuziba milao, wakona kucinca seo, mi ukona kotalima taba ya hao ni kubonisa kuli—kuli u lukela kupila. Kono niteñi, mwahala mata a hae—a hae amatuna ni mubulelelo o mutuna wa na kona kueza, ni zakona kubeya muatuli ku zona kamba kuba ni muatuli, wena—wena uka—wena uka. . . Mwendu wakona kuba ni kuikatulusa fa mizuzu nyana, kono niteñi ku sa kona kaba puzo mwa munahano wa hao kuli, “Kana wakona kueza cwalo?”

¹¹¹ Kono mwa taba ye, yena Muatuli Kasibili uba Muyemeli wa luna. Mulimu na tilo ba mutu. Nekusina muyemeli yakona kuezan zeo. Halu si ka fumana neba alimuñwi. Mushe, ni Mulao, bapolofita, hakuna ya na konile kueza cwalo. Kacwalo Muatuli uba zepeli cwalo Muzekisi, ni Muyemeli, ni Muatuli, Kasibili; ni kunga kuluka kwa Mulao wa Hae mwa mazoho a Hae Tota, ni kulifa tifo yatani, yena Kasibili. Kana ki silelezo yekuma kai yelukona kuba ni yona? Ni kuluma Bupilo bwa Hae Luli kuluna, ka kuba bupaki bo A amuhezu. Ha ki silelezo ni yeo!

¹¹² “Ee, ni ha Ni ka zamaya mwa musindi wa muluti wa lifu, Hanina kusaba bumaswe, kakuli U inzi nina.”

¹¹³ Ha Ba kaufela zona cwalo Muatuli, Muzekisi, ni—ni Muyemeli, U yemezi taba yaluna. Luna, lu fumanwi ni mulatu ka Mulao wa Hae; mi Ataha ku to nga sibaka sa mutu ya maswe, sene sili mwa tempele. A lwala sibi sa hae. A ikungela zona fahalimwa Hae, mi ashwa, ni kulifa tifo, ni kusulula Mali a Hae, ni kufa Zibahazo ya Hae Tota, Bupilo bwa Hae Tota.

¹¹⁴ Kiñi, lu petahalile. Taba i kwalilwe. Hakusana sibi ku mulumeli. O Mulimu, ube ni makeke, haiba sicaba ha si boni cwalo, kuli hakusana taba hape. “Ya utwa Manzwi a Ka mi alumela ku Ya Ni lumile, una ni Bupilo Bobusafeli, mi haana kutaha kwa Katulo, kono sa zwile kwa lifu ukeni mwa Bupilo.” Yeo kona taba. Taba i kwalilwe! Hakusana taba ku zeo. Amen! Konakuli ka kuiketa, ki bunde haiba Zibahazo i lambilwe, mi lifu ha likala kunata fa munyako kulo kwani, halina zamaiso. Mwabona? Eeni.

¹¹⁵ Zibahazo i lambilwe. Konji fela Zibahazo kona yekona ku zibahala cwale. Mwabona, Na ezize cwalo kuli Zibahazo ikone kutaha. Zibahazo neli Bupilo bwa Mulimu.

¹¹⁶ Mi cwale Mulimu ha na bupile mutu wa pili, A mu eza kuba mwana. Mi mwana na bolile hahulu kuli ateeleza ku musala hae mwa sibaka sa Mulimu, mi musali a teeleza ku diabulosi

kufita muuna hae, mi, hane kubile cwalo, ne li ba sinyize hahulu hamoho, kuli litisa masila. Mi Na zibile, kuli hane ba ezize cwalo, neba ka tisa bana mwa lifasi. Muselo oli mwahala kota no si ka swaliwa, mi, cwale, hane kuli cwalo, ba tisa sibi se fahalimwa bona. Mi kabakaleo lusika lwa batu kaufela, lone lu pepilwe, neli mwa sibi. Kwani, hakuna mukwa wa kuzwa ku ona.

¹¹⁷ Mi cwale Mulimu a shetumuka. Kuna ni fela nzila iliñwi ya ku mu kutisa ka yona, yani ki ku mu kutisa kuba mwana hape. Cwale Ukona kueza cwani zeo, kanti Mulao wa Hae Tota no yemi fani mi wali u “nyazizwe”? Mi Ndate Kasibili atoba alimuñwi wa luna. Yani ki yona Ngunyana ya niti. Wani kona mulelo wa Hae wa Na bile ni ona mwa munahano.

¹¹⁸ Ki kabakaleo Ngunyana ne i zibahalizwe hahulu mwa simu ya Edeni, ka kuziba kuli Ngunyana ni Nkwilimba ne ba ka kopana ka nako yeñwi, fani Ngunyana ni Liiba hane likaba hamoho. Fani kona fa Na zibezi, ka zona zani, kaufela luna lwakona kuba hamoho. Mi Na itakaleza kueza sitabelo se si cwalo, cwale, kuli Zibahazo ikone kulambiwa, kuli ha lu sali bayambaeli, ha lu sali basili ni hanyinyani, kono lu bana ba bashimani ni basizana ba Mulimu. Bubeli bwa Adama ni Eva, musali ni muuna, bakopani hamoho, ki bana ba bashimani ni basizana ba Mulimu, ku Krete Jesu, ka sitabelo sa Hae sesituna.

¹¹⁹ Mi, he, ili kuli kusike kwaba mafosisa! Peu ya bupilo bo ye lukela kucaliwa mwa mubu, ya mubili wo, ya mubili wo olukela ku—ku ba peu ye shwa; ni bupilo, haiba ki bupilo bo bu lyangani mwa peu, bu ka shwa ni peu yateni. Kono A beya Bupilo Bobusafeli ku bona ni ku bu paka kuba bwa Hae Tota, kuli mwa zuho Uka i zusa hape, mi hakuna se si ka lateha. Kana mwa bona se Ni talusa?

¹²⁰ Ki zeo foo, halikoni kushwa cwale. Bupilo buinzi fahalimwa bona. Ki Zibahazo, buinzi mwa mubili nyana wani, o inzi fa moyo wa mutu yani. Kuna ni Zibahazo kulo foo, ki Moya o Kenile, kuli ki ya Mulimu. Ki za Hae. “Ha Ni bona Zibahazo, Ni ka mi fitelela.” Ki Zibahazo yende, ki Moya o Kenile oli Zibahazo yaluna. Kabakaleo, ha u amuhela Moya o Kenile, u zwile kwa lifu kukena mwa Bupilo. Kona fela zeliteni ku zona, kakuli Bupilo bu ku wena. Haukoni kushwa ni hanyinyani.

¹²¹ Bibebe ibulezi kuli, “Ya pepilwe ki Mulimu haezi sibi, kakuli hakoni kueza sibi, kwa Peu ya Mulimu,” amen, “Peu ya Mulimu ipila ku yena.” Mi cwale ukona cwani kueza sibi kanti Mulimu ya sina sibi u ku yena? Kanti u Mulimu yasina sibi, ukona cwani ku eza sibi? Hakuna taba kamba u ezize sikamañi, Mali a mu apesa. Mwabona? Ki sibupiwa sesinca cwale. Litakazo za hae ni milelo ki ya Lihalimu, kakuli u cincizwe kuzwa kwa kuba peu ya toze kuba buloto. Litakazo za hae ha ki ze swana sina mo ne libezi sapili, mi wa li bonahalisa.

122 Mu li, “Oh, Na lumela Cwalo.” Mi u sa eza sibi? Batili! U pumilwe. Mwabona? Haikoni kubonisa nto isili kwanda Zibahazo.

123 Isilaele na laezwi kuina mwatasi a mali ani kufitela litaelo litaha. “Musike mwa zwa ku ona!” Ha u li mwatasi a zibahazo yeo, ne ba swaiwa mwateni mwani. “Musike mwa siya sani!” Ne ba inzi ona fani kufitela mwahala busihu ha li to lila ni litolombita za liziwa. Mi fani litolombita ha li lila, manaka a litotolo a kala ku kala ku utwahala, mañi ni mañi na zamaile ni buitukiso bwa hae, kuliba kwa naha ya sepišo.

124 Kona muuna ni musali yatezi ka Moya o Kenile, u swailwe, ni ku silelezwa kwa bumaswe kaufela ni butata. Bupilo bwa hae kaufela ne bubonisa sa li sona, kaufela kwa na zamaya, pisinisi kaufela ya eza, kaufela yo ambola ni yena. Mi ha katana basali, mi ha taha mwa swalisano yeo, ha taha mwa swalisano ni lika kaufela, Zibahazo yani iteni foo. Amen! Ha li taha fa lifu, “Hanina kusaba bumaswe, kakuli Wena uinzi ni na,” Zibahazo yani iteni foo. Ha li ka taha kwa zuho, uka yo ba teni, kakuli Mulimu uka mu zusa ka lizazi la mafelelezo. Jesu na bulezi cwalo! “Ha Ni bona Mali, yona Zibahazo, Ni ka mi fitelela.” Oh!

125 Muhupule, haiba zibahazo yani ne i si ka bonahaliswa, neba bulikani ne bu felisiwa. Yeo ki niti. Buitamo ne bu feliswa. Nekusina—nekusina bulikani haibile fela zibahazo yani neisiyo teñi. Zibahazo ne i yemela bulikani. Mulimu na itamile bulikani ni bona, eeni, sha, kono zibahazo neina ni kuba cwalo. Ne i sina mata, buitamo ne bu sa beleki, haiba zibahazo ne i siyo.

126 Kwa kona kuba Majuda babañata bene ba ka bulela kuli, “Taha kwanu! Hanina mali fa sikwalo saka, kono Ni bata ku ku bonisa nto yeñwi, Na ni Mujuda wa mwa mupato. Ni keni mwa mupato.” Sani ne si sa talusi *cwalo*. [Muzwale Branham uliza munwana wa hae—Mu.] “Ha Ni bona mali! Ha Ni bona zibahazo!”

127 Wakona kubulela kuli, “Ni wa Baptist, Presbyterian, Methodist,” kamba kaufela so bata kuba sona.

Kono, “Ha Ni bona Zibahazo!”

128 Mu li, “Ni mulumeli. Boma neli ma membala ba keleke ye. Bondate nebali ma membala ba keleke ye. Ni bile membala kwani kuzwa kwa bushimani bwaka.” Sani ha si talusi *cwalo*. [Muzwale Branham uliza munwana wa hae—Mu.] “Ha ni pumi, kuuzwa. Ha ni ezi se. Na . . .” Zeo halitalusi *cwalo*. [Muzwale Branham uliza munwana wa hae.] “Ni wa ba Branham Tabernacle. Ni eza se, *sani*, kamba *sesiñwi*. Na lumela Linzwi kaufela.”

129 Majuda bani ne ba bulela kuli, “Na lumela ku Jehova!” Na teelelize kwa Liñusa la hola yani, haiba na ezize cwalo. Kiniti.

Neba na ni mañusa amañata, kono Le neli Liñusa la hola. Mwabona? Na lumela Liñusa la hola. Eehe. Mali na lambilwe mwa nako ya manzibwana.

Hakulata ne ba ka bulela kuli, “Na, Ni Mujuda.”

¹³⁰ Batu ba bulela kacenu kuli, “Ni Mukreste. Na kona ku mi bonisa bu membala bwa ka. Ni bata kuli u ni bulelele fo Ni kile na uzwa sika, fo ni kile na ba mwa likuta. Mu ni bonise fo Ni kile na eza boozwa, Ni kile naeza lika ze kaufela, kamba nto yeñwi ye cwalo. Muni bonise sibaka silisiñwi.” Sani ha si talusi sika cwale. Oh, batili. Mwabona, hakuna taba kamba nali mwa buitamo bo bu cwani, bulikani habuna mata. Hakuna mata aliteni mwateñi.

Mu li, “Kihande, Ni munituti wa Bibe.”

¹³¹ Hanina taba ka soli sona. Kusina buitamo boo, buhali bwa Mulimu bu ku wena. Yeo ki niti. Li swasehile ni wena. Eehe. “Libi za hao li ka ku fumana.” Sibi ki sikamañi? Kusalumela. Ha u si ka lumela Liñusa. Ha u si ka lumela Linzwi. Ha u si ka lumela bupaki bwa Zibahazo, Kasibili, ha Si zibahalizwe ili Sona mwahala luna. Mi kikuli u palezwi ku lumela Seo? Hakuna taba ka mo palezwezi ku I lumela, Ina ni ku lambiwa.

¹³² Wakona kubulela kuli, “Na Li lumela. Na Li lumela. Ni lumela kuli ki Niti. Na Li amuhela kuna Niti.” Mi zeo kaufela kizende, kono I lukela ku lambiwa.

¹³³ Kiñi, Mujuda ya yemi fa yo, inza kundunga mali, ngunyana hane isweli kushwa cwalo, ali, “Yo ki Jehova.”

¹³⁴ Mi nekuyemi muprisita, ali, “Eni, sha, Ni lumela kuli yeo ki niti,” kono mwa lapa la hae tota na si ka lambiwa. Ha tabeli ku itibahaza iliyena kwande kwani ni sikwata sani; batili, sha, ona bafitelezi ba tumelo ba ni mali fa sikwalo. Ha lati zibahazo yani. Hakuna taba kamba nali muprisita ya cwani, kamba na ziba cwani Linzwi, ka mwana huliselizwe hande, ni misebezi ya na ezize, ni buñata bwa za na file kwa babotana, buñata bwa za na itobohile!

¹³⁵ Paulusi naize, “Ni ha ni kafa mubili waka kuli u cisiwe, u be sitabelo; nife liluwo laka kaufela kwa babotana; Ni be ni tumelo ye shimbulula malundu, ni zeñwi cwalo; ni kubulela ka malimi, sina batu ni mangeloi; ni lika zeñwi ze kaufela,” mi ali, “Ha ni sesiñwi konji haiba Zibahazo i lambiwa. Kufitela Zibahazo ye!” Kona ze Ni ambola busihu boo, ki lilato. Mwabona? “Cwale, kufitela se si lambilwe, Ha ni sesiñwi.” Mwabona?

¹³⁶ Hanina taba, mwendi u lelekile mioya ye maswe. Hakulata u folisize bakuli ka tapelo ya tumelo ya hao. Hakulata u ezize lika ze kaufela. Kono haiba Zibahazo yani haisika fita kale, u mwatasa buhali bwa Mulimu. Wakona kuba mulumeli. Wa kona kuyema fa katala ni ku kutaza Evangeli. “Babañata baka taha ku Na mwa lizazi lani, mi ba kali, ‘Mulena, Mulena, kana ha Ni sika polofita ka Libizo la Hao, kukutaza ka Libizo la Hao? Kikuli ha

Ni sika leleka mioya ka Libizo la Hao?” Bao ki ba Methodist, ba Baptist, ni Mapentekota. Jesu naize, “Muzwe ku Na, mina baezi ba ze maswe. Nali kuba ni mi zibe.”

¹³⁷ “Kono ha Ni bona Zibahazo, Ni ka mi fitelela.” Ki za bata Mulimu mwa hola yateni. Liñusa la nako ya manzibwana, ki kulamba Zibahazo.

¹³⁸ Satani u kenyzize mifuta kaufela ya kulikanyisa, a kuswalana mwa mazoho, ni bupaki, ni lika zeñwi kaufela ze cwalo. Mulibale ka zeo! Hola ifitile ya klili Zibahazo, Kasibili; isiñi fela za kulikanyisa fela, kulumela kwa kuikupulela, sika kaufela.

¹³⁹ Hola ki ye fa foo Zibahazo yena luli ha i itibahaza ili Yena mwahala luna, ni kubonisa kuli Yena ki Jesu yaswana maabani, kacenu, ni kuyakuile, mi U inzi hande ni Linzwi. Lina ni ku lambiwa. Mutu ya bulela kuli una ni Zibahazo, a latule Linzwi, kipeto zeo licwani he? Mwabona, hamukoni kueza cwalo. Zibahazo ina ni kubatani foo. “Ha Ni . . . Mali ikaba zibahazo ku mina.” Cwale Moya o Kenile, ili Bupilo bone buli mwa Mali, kona Zibahazo ku mina. Lu ka fita ku yona fa nako nyana, mwabona. Moya o Kenile kona Zibahazo. Taba yateni ifelile. Eeni, sha. Cwale, muhupule. Mi Na . . .

¹⁴⁰ Hakuna taba ka so li sona, kamba uyomunde cwani, kamba utulakile linako zekai *mwahalimu-ni-fafasi*, kamba ki likeleke zekai zo ikopanyize kuzona, kamba ki lika zekai zende zo ezize, halina kutalusa sika ku wena haiba Zibahazo ha i si ka lambiwa. Ye ki nako ya manzibwana. Zeo ne li belekile hande mwa mazazi a Luther, zeo ne li belekile hande mwa mazazi Wesley, kono ha li beleki cwale. Batili.

¹⁴¹ Eehe, kubuluka ngunyana neli nto yende ka nako yani. Bani bene ba shwile kwani ngunyana i si ka lambiwa kale, mali shangwe, ne ku shutana. Eeni, sha. Ne ba zwezipili bakeñisa lizwalo lelinde. Ne ba atulwa kamba bakaba ni—nebali mwa . . .

¹⁴² Haiba ne ba lemuhilwe kale, ne li ba ama. Haiba ne li sa ba ami, ha li ba ami. Ku felile. Ki Mulimu fela kihona. “Yena—Yena u bubeka yo Atabela, u shemuba yo Atabela kushemuba, mi U nyana yo Atabela kunyaza.” Ki Mulimu. ku felile. “Una ni sishemo ku yo Abata kuba ni sishemo, mi u nyaza Yo alata kunyaza.”

¹⁴³ Mujuda na bonisa patalaza, ka mupato, kuli ki mulumeli.

¹⁴⁴ Kuna ni baana babañata, muuna wa milao, yakona kunga Biblele ye ni kubulela kuli, “Ni mulumeli, mi Jesu naize ‘ka tumelo’ lu pilisizwe. Mi Ni mulumeli, kono kolobezo ya Moya o Kenile yani ki bukuba.” Mi Zibahazo ha i lambiwi. Hakuna zeo, kuya ka za lumela, halina mayemo.

¹⁴⁵ Kuswana fela sina mupato wa Majuda. U li, “Ni Mujuda. Kiñi ze Ni lukela kuyela kwande ni kueza sina sikwata sesiñwi sa bafitelezi ba tumelo?”

146 Mushe na yemi, kafa-ni- kafa mwa mukwakwa, ali, “Liñusa la manzibwana liteni fa! Ku ka ezahala kuli, kwa mafelelezo a mazazi a lishumi ni amane, mu ka kopanya kopano hamoho ni kubulaya ngunyana. Kopano kaufela ya Isilaele ika i bulaya, kubeya mazoho a bona ku yona, baitibahaze ka yona. Mi mali aka hasiwa fa musumo, mi ni fa munyako ni fa sikwalo, mi, ‘Ha Ni bona mali, Ni ka mi fitelela, kakuli ki zibahazo ya kuli u amuhezi lifu la ngunyana ye Ni ku lukiselize.’” Mali neli yona zibahazo.

147 Cwale Moya kona Zibahazo. “Mu ka tala Moya o Kenile hakuse kufitile mazazi amanyinyani.” Mi cwale Mali ha na suluhile, Zibahazo ya lumiwa ka Lizazi la Pentekota, inge moya o mutuna, wa liñungwa.

148 Wani neli mukanga wa muapositola kaufela. Wani neli kuli, “Kikuli mu amuhezi Moya o Kenile kuzwa nako ye mulumela? Mubake, mañi ni mañi wa mina, mi mu kolobezwe ka Libizo la Jesu Krete kwa swalelo ya libi, mi mu ka amuhela mpo ya Moya o Kenile, kakuli ki Zibahazo, amen, kuli mu zwile kwa lifu kukena mwa Bupilo.” Ki fo he cwale. Mi yani Mulic- . . . keleke ya Sijuda ha ne ifelile, Bamacaba ba i hapa, mi cincheo yani sina cwalo; cwale u zwile, kuli ange bo masiyaleti ba Bamacaba bani, ka Libizo la Hae, yena Munyaliwa.

149 Mwabona se Ni talusa? Mwabona sa bulela Mañolo fa? Haiba Zibahazo ne si ka boniswa, kona kuli bulikani nebusina mata. Mwabona? Bu lukela kuba cwalo. Kakuli, haiba u bulela kuli wa lumela, mi ha u lateleli milao ya Linzwi, kona kuli ha u lumeli. Mwabona? Ni ha uli ya keni mwa mupato, niha u ka ikopanya, mi ni ha u kolobelizwe, u ezize ona lika zeo kaufela ona cwalo; niteñi yeo ha ki Zibahazo, kamba Moya o Kenile.

150 Mwituti yomunde yo azwelapili ku ambola ni na, hane Ni bulezi nako nyana yefitile. Ki hali, “Billy,” mi ali, “Abrahama na lumela ku Mulimu, mi abalelwa kuli ki kuluka. Kana mutu ukona kuezwa cwani hape kwanda kulumela Mulimu?”

151 Se nili, “Yeo ki niti, Dokota. Ki niti. Na lumela ku Mulimu. Bible ibulezi ona cwalo. U lukile. Kuya fela mo utezi, u kondisize.”

152 Haibile fela ma—ma—ma matwela ba lishumi ka bababeli, bene ba lumilwe ku yo twela naha ya Kanana, haibile fela ne baya kwapili kuliba kwa Kanana, ne ba ekezeha kwa mata; kono ha ba fita fa mahalihali, se ba hana.

153 Se nili, “Mina ba Baptist mu lukile, kuya ka mo mu tahela, kono kikuli mu amuhezi Moya o Kenile nako ye mu lumela?” Hum. Se nili, “Muhupule, Mulimu na lemuhile tumelo ya Abrahama. Na—na lumela ku Mulimu, mi abalelwa kuli ki kuluka, yeo ki niti, kono he Mulimu amufa liswayo la mupato, kuba sisupo, ili sisupo ku yena.” Isiñi kuli mubili wa hae, kukena

mwa mupato, no na ni sa kueza ni moyo wa hae, kono neli sisupo sa Na nani (Mulimu nana ni) kulemuha tumelo ya hae.

154 Mi U lufa sisupo, sa Moya o Kenile, kuli U lu lemuhile kuba balumeli. Kakuli, “Mubake, mi mukolobezwe mañi ni mañi ka Libizo la Jesu Krete kwa swalelo ya libi, mi mu ka amuhela mpo ya Moya o Kenile. Kakuli sepiso i ezelizwe mina!”

155 Mu i utwe taba yeo cwale. Majuda, hakuna taba kamba neba ka bonisa cwani kuli ne ba keni mwa mupato, kono zibahazo neina ni ku boniswa. Haiba haiyo mwateni, bulikani ne bu sa bi ni mata. Ne bu sa bi cwalo.

156 Kinto yeswana ni cwale, nto yeswana. Hakuna taba ka se mueza, hakuna taba kamba ukona ku—ku tatulula cwani Bibe. Wakona kuba munituti wa Bibe. Oh, mawi! Wakona—wakona kubulela kuli, “Ni mulumeli, ni lika kaufela.” Kono niteñi Zibahazo i sa tokwahala. Munituti wa Bibe, u li, “Ne nili mutu yomunde, Muzwale Branham.”

157 “Hanina taba ka sa bulela mutu. Hamukoni ku lyanganisa mu bone aeza sika se si fosahalile, mwa bupilo bwaka.” Sani hasina sa kueza ku zeo ni Mulimu. [Muzwale Branham uliza munwana wa hae—Mu.] Kuna ni se si tokwahala, mi ki sona fela!

158 Mi haukoni kueza cwalo. Hamukoni kubeya mali fa sikwalo, koo, zibahazo i sa koni kuba konji haiba ngunyana ishwa. Mi mali neli sisupo se si kateleha sa kuli ngunyana ne i shwile. Isiñi tumelo ya kuipangela; ngunyana ne i shwile!

159 Mi Moya o Kenile ki Zibahazo yende ya kuli Ngunyana ya hao ne i shwile mi u amuhezi Zibahazo ku wena, kakuli Bupilo bwa Hae luli bu ku wena. Mwabona? Hakuna tumelo ya kuiponahalisa fela. Hakuna ze tiniwa fela. Hakuna za malikanyiso. Iteñi! Wa ziba cwalo. Wa ziba cwalo. Lifasi la ziba cwalo. Zibahazo i fateni.

160 Hakuna taba kamba mutu nali yomunde cwani. Mwendi neli munituti wa Bibe. Ikona kuba . . . Ikona kuba mufuta kaufela wa—wa membala yomunde wa keleke. Ukona kuba mutu yomunde. Ukona kuba toho ya—ya kopano. Ukona kuba mundandwe wa—wa litulo za Roma. Na—Na hani zibi kuli ki mañi, zeo hali—zeo ha li na tuso ni yekana.

161 Kono, Isilaele, munituti wa Bibe kaufela uziba kuli Isilaele nali mufuta wa Keleke, kiniti, kwa naha ya sepiso. Mi kwani kona kwa A sweli kuya.

162 Kono cwale nako ya manzibwana hane itaha, mi musipili no li teni, neku na ni zene tokwahala. Hakuna taba kamba nali Mujuda ya cwani, mwana bulukezi limela za hae, mwa na babalelezi bo muyaha tuko ba hae, ka mwa na ezelize, kamba neli membala yomunde cwani, kamba na lifanga zabolishumi hakai. Lika ze kaufela neli zende. Zani ne li lukile. Nali muuna

yomunde, na zibahala mwahala sicaba sa hae, kakuba muuna yomunde. Kono kusina zibahazo, ya mali, a shwa.

¹⁶³ Oh, Mulimu a ni tuse, kamukana babaliteni mo ni baba teezeza fa matepu, kuli mu tokomele lika zeo!

¹⁶⁴ Hakuna taba ka mo ukutalelize Evangeli, hakulata u lelekile mioya, mwendi ubulezi ka malimi, mwendi u huwile fateni, ubinezi fateni mwa Moya, kono kusina Zibahazo.

U li, “Kana Na kona kueza cwalo?”

¹⁶⁵ Paulusi naize wakona. “Ni ha Ni ka bulela ka puwo ya batu ni mangeloi, Ni ha ni kafa liluwo laka kaufela kwa kufepa babotana, mubili waka kuli u ciswe kuba sitabelo, Ni be ni tumelo ye shimbulula malundu, ni lika ze, ha Ni sesiñwi niteñi.” Musike mwa tiyela ku zeo. Ki Zibahazo! Hakauna taba ka zo ezize, mo u bezi yomunde; kakuli buhali bwa Mulimu ha bu ka tuka, bu ka lemuha fela Zibahazo.

¹⁶⁶ Ki Zibahazo yakuli teko i lifilwe, ye tokwahala. Mi mulatu o no lifilwe neli Bupilo bwa Jesu Kreste, mi A fa Bupilo bwa Hae. Mi Moya wa Hae ukutela hape ku wena, kakuba Zibahazo kuli u amuhezwi. Mi ulwezi Zibahazo ku wena, musihali ni busihu, isiñi fela la Sunda. Ki nako kaufela, u na ni Zibahazo. “Ha Ni . . . Mali ikaba zibahazo ku mina.”

¹⁶⁷ Mu li, “Ni sa lumela. Ni mulumeli.” Zeo kaufela ki zende. Kono haiba u hana Zibahazo, kona kuli ukona kuba cwani mulumeli? I bulela ka ku kulwanisa. Mwabona, si bulela ka kulwanisa bupaki bwa hao, kuli wa lumela.

¹⁶⁸ Muituti wa bibeles, mutu yomunde, membala wa keleke, seo kaufela uli sona, hasi talusi sika. Eeni, sha. Mwendi bo ndataho ki bakutazi. Mwendi bo—bo maho neli bo balumeli. Mi . . . Zeo—zeo li lukile, bana ni ku ikalabela za bona. Sina ha Ni bulelanga, kulika . . .

¹⁶⁹ Sicaba si lika kueza Mulimu kuba ndatetuna wa mucembele, ya supezi, yomukima, muuna muhulu, mwabona, ni nyangela ya baikulu, kuswana fela ma Ricky ni bo Elvis, ni, “Hakuna bumaswe ku bona.”

¹⁷⁰ Isiñi Mulimu! Haana baikulu. Yena ki Mushemi. Ku pepwa sinca! Ha ki mucembele ya bunolo nolo ya sa nahani hande.

¹⁷¹ Ki Mulimu wa katulo. Bibeles ibulela kuli U cwalo. Buhali bwa hae bu pahami. Musike mwa hatikela Zeo ni ku ku kulubela bunde bwa Mulimu zazi leliñwi bu minge, mwa sibi sa mina, ni ku mi isa kwa Lihalimu. Kambe Na ka eza cwalo, Na ka swalela ze kaufela fa, ni kunga Eva. Mu ka lumela Linzwi la Hae, kusi cwalo muka ba . . . muka shwa. Mi ha u lumela Linzwi la Hae, Zibahazo ikaba ku wena. Uh-huh.

¹⁷² Lifu ne li li bukaufi ni kunata Egepita busihu bwani, ka nako kaufela. Neli nako ye sabisa; mikiti ya bona kaufela, mazazi a mikiti ya bona kaufela, ni mazazi a kuitima lico.

173 Mulimu na ba potezi. Mulimu na bonisize lisupo za Hae zetuna ni ze komokisa mwahala bona. Ki sikamañi seo? Cwale ha muyeme fa muzuzu. Mulimu na ba bonisize muhau wa Hae. Na bafile kolo.

174 Ne ba si ka Li hana. Se bali, “Oh, hakuna sika ku lona. Ki bukuba. Ki nto fela ye li mwa miandala, nekuna ni kupanca kwa—kwa sileze se si fubelu se ne sifufezi mwahalimu, mi kona sene si ezize liwate kuba bufubelu.” Mi se kutaha liundumume. Se kutaha limbotwe. Mulimu na lukisize sibaka, ni kubeya Linzwi la Hae mwa mulomo wa mupolofita. Mi sa na bulezi, sa to ezahala, mi ba si bona. Ne ba si ka si latula.

175 Sa na bizize mushe, kona sa na filwe Mushe, kuzwa ku Mulimu, kakuli na bulezi fela Linzwi la Mulimu. Ki hali, “Ni ka kueza kuba mulimu.” Mushe nali mulimu ku bona. Mwabona? Ne ba sa zibi shutano ni yekana, kacwalo ki Hali, “U kaba mulimu, mi Aruni ukaba mupolofita wa hao. Mwabona, ukaba sina mulimu, kakuli Ni ka kunga, linzwi la hao, mi Ni ka bupa ka wena. Ni ka bulela, mi sicaba hasina ku hana, kakuli ki sani fani. So bulela, si ka ezahala.” Oh, mawi! “Ni ka mi bonisa lika zeo.” Mawi! Mi Egepita a li bona. Ba libona manzibwana a si ka taha kale, kamba ka nako ya manzibwana feela.

176 Na ba bonisize bunde bwa Hae. Na bonisize kuli Na ka li zwisa kuli isa kwahule, kufolisa.

177 Ba mabibo neba likile kueza nto yeswana, balikanyisi. Kamita mwa ba fumana. Nekuna ni bo Janise ni Jambresi, ne ba yemi fani. Kono ha litaha kwa sika sa luli, ne ba sina sona. Yeo ki niti. Ba latelela mwa mulaho, fa nako nyana. Kono, kasamulaho nyana, bukuba bwa bona bwa bonahala.

178 Mi kana Bibebe haibuleli kuli nto yeswana ika ezahala mwa mazazi a maungulo, “sina Janise ni Jambresi hane ba lwanisize Mushe”? Kono bukuba bwa bona ne bu bonahalile, mi kona mo ku ka bela hape. Mwabona? Ki zeo foo, batu ba mihupulo ye lyangani, bakwenuheli kuamana ni Niti, ona Niti. Ne baka ni likopano ni lika zetuna, ni zetuna, zepahami, lika zetuna ze kabile hande, kono nako i ka taha luli kwa nalulelule.

179 Yema hande ni Zibahazo! Zeo kona Mulimu za bata kuli lueze. Swalelela kwa Linzwi la Hae. Usike wa zwa ku Lona. Pila hande ka Lona. Bibebe ibulezi cwalo.

180 Lifu ne li taha. Mulimu na ba bonisize sishemo, na bonisa mata ni lisupo.

181 Cwale ha lu yemeñi fa nako nyana kamba zepeli, fa waci yani fani. Halu nahaneñi fela mwa minahano ya luna, kwa mulaho, sa Na sepisize kuli si ka ezahala mwa mazazi a maungulo. Hani zibi haiba ha lu si ka tatuba, hape. Mwabona?

182 Na ezize lika ze kaufela, kono niteñi ne ba sa lati kubaka, kamba ku lumela liñusa la lizazi lateni. Niteñi ne ba sa lati kueza

cwalo, ni ha ne li bonahalizwe fapila bona, mi mane ne li ezizwe ka kuzibahala.

¹⁸³ Mi ha mubona lika ze cwalo li ezahala, ki sisupo sa katulo ye taha. Katulo ika latelela lika zeo. Kamita kubile ona cwalo, mi ni lona lo haluna ku swalelwa. Mwabona? Katulo i latelela muhau. Sishemo ha si hanilwe, hakuna ze siyezi kwanda katulo. Kacwalo si kana si latelela kamita.

¹⁸⁴ Cwale, taba kiyeo. Kezahalo ya moya kaufela ki sisupo kuzwa se sizwa ku Mulimu. Mu tokomele. Mumamele seo, mwabona. Mutalime, kezahalo ya moya kaufela, lika kaufela ze ezahala, ki sisupo. Haluyo mo ka kozi. Lika ze ha liezahalangi fela ka kuitahela sina kozi. Ki sisupo. Ki sisupo, sa kuba ni—kuba ni silelezo, kapili. Nuwe nali sisupo kwa lusika lwa hae; Elia nali sisupo ku yena; Joani nali sisupo ku lwa hae. Mwabona? Lika kaufela, Liñusa la hola, ki sisupo. Mu Li talime, mutalime se Li sweli kueza. Mwabona? Ki sisupo. Lika kaufela lina ni taluso.

¹⁸⁵ Mi hakuna nako yeñwi yeo Liñusa la mufuta wo ne li lukela ku ezahala. Ne li si ke la taha mwa lizazi la Luther, ne li si ke la taha mwa lizazi la Wesley, ne li si ka taha neba mwa lizazi la Pentekota. Ne li si ka eza cwalo. Mwabona? Hakuna . . . sika se si cwalo kuezahala, mi niteñi ne lu sepisizwe mwa Bibe. Mwabona? Lu kwa maungulo. Hakuna se si kona kuezahala, ne si sike sa ezahala konji ka nako ya cwale. Mi si sweli kuezahala ka sisupo. Ha mu zibi sisupo sateñi nji?

¹⁸⁶ Oh, sicaba nyana, muzwale waka, kezeli, ube mwatasa Zibahazo yani, kapili. Mwabona? Musike, musike mwa ba ni sa kuyolisa. Musike, musike, musike, musike, mwa eza cwalo. Mwabona? Musike fela mwa Li nahana. I na onafu kufitela Zibahazo i lambiwa, kufitela (za hao kakutala) maikuto anali ku Krete aba ku wena, kufitela bukuba kaufela bwa lifasi bufela, mwabona, konji pili takazo ya pilu kaufela iba Yena. Mwabona? Seo, cwale, mwa ziba, kipeto uka ziba kuli sesiñwi sa ezahala. Jesu naize, “Lisupo ze li ka latelela baba lumela,” isiñi balumeli ba malikanyiso, kono balumeli tenyene. Mwabona? Cwale, ha lu lati kunga ni hanyinyani, kolo ifi kaufela ku zona; hamu lukeli kueza cwalo.

¹⁸⁷ Liñusa la hola ki sisupo kwa likeleke. Ki sisupo kwa sicaba. Musike . . . Kana mwa—kikuli musweli mwa utwisisa? [Kopano ili, “Amen.”—Mu.] Na sepa, fa tepu, kuli basweli kueza lika zeswana, mwabona, ni libaka zeñwi za lifasi. Mwabona, sisupo sa hola siteni mo. Kuna ni Zibahazo ye lukela kulambiwa, mi hakuna nako isili fo ne I lukela tahela.

¹⁸⁸ Mulemuhe buitukiso bwa Mulimu ka nako yani. Cwale, sina ha lu ziba kuli Bibe ibulezi kuli, “Lika zani kaufela ne li ezahalezi ka mitala, mwa bona, ku luna.” Mulemuhe, fani Mulimu hana itukisize ku atula Egepita, pili Na file buitukiso.

Ki sikamañi sa Na ezize ka nako yapili? Ha cincangi mulao wa Hae.

¹⁸⁹ Nako yapili, ha Na bile ni yona, fani ha Na ezize buitukiso bwa Hae, Na lumile mupolofita ni liñusa. Taba yapili ya Na ezize kwa sicaba sa Hae ne li kuluma kuba mupolofita ni liñusa.

¹⁹⁰ Taba yetatama ya Na ezize, ku zibahaza mupolofita yo, A luma Siita sa Mulilo kuba ponahazo, kuli i si zibahalise.

¹⁹¹ Mi nto ya bulalu ya Na lumile neli zibahazo. Yeo luli ki niti. Zibahazo, Zibahazo ne li taluso ya sikamañi? Sepiso!

¹⁹² Pili, mupolofita wa Hae ni liñusa; Na itibahalize ili Yena mwahala . . .ni—ni Siita sa Mulilo ni mupolofita wa Hae; mi ki Ha luma zibahazo, kuli ifite mwatasa mali aa, kuli Na amuhezi lifu la kuyolisa le mwa sibaka sa hao. Mi, mali neli yona zibahazo ya Na talimile, kuli no u utwile liñusa, kulumela fa Siita sa Mulilo, mi a amuhela sa kuyolisa sa Na mi ezelize, mi no li mwatasa mali a mufuta o swana wa bupilo bwani bo ne bu lumilwe ku wena. Mawi! Ha ki nto kwa kupetahala ni yeo, ha ki nto kwa kupetahala ni koo, mwabona, u mwatasa mali.

¹⁹³ Cwale u mwatasa Moya, mwatasi a Moya o Kenile. Mwabona? Mwabona? Ha u lumela Liñusa la lizazi lateñi, mwabona, u lumela mwa—mwa—mwa—mwa—mwa mata, mwa—mwa—mwa Siita sa Mulilo. Wa lumela cwalo, mwabona, mi wa ez.

¹⁹⁴ Cwale, cwale amutalime, kulumela ha ku si ka likana. Isiñi ku—ku. . .Ku zamaya ko Ifumaneha, ha ku si ka likana. Mwabona, foo ki kuikeza ili wena kuba mwa butata, “Kakuli ya ziba kuezza bunde, mi ha sa bu ezi, ku yena ki sibi.” Mwabona, balumeli ba sihalihali bani, Jesu na bulezi ka lika zeswana.

¹⁹⁵ Maheberu, kauhanyo ya 6, “Kakuli ha ku konahali kuli bona babane ba boniselizwe liseli pili, mi ba ezizwe bo muca sanda sa Moya o Kenile, mi ba lazwize kwa Linzwi lelinde la Mulimu, ni lifasi le li taha, bona hao ha ba ka wa, ku ba ncaafaza hape kwa kubaka; kakuli se ba i kokotelela Mwana Mulimu sinca; ni kotalima bulikani bwa Mali, bo ba kenisizwe ka bona. . .” Mali ani fo a kenisa. Ha ki Zibahabo. Mali ha i sa li Zibahazo cwale. Bupilo kona Zibahazo.

¹⁹⁶ Bupilo nebusakoni kuba teni, kakuli neli folofolo. Muinelo wa lika neli yona zibahazo, mu lukela kuba ni mali sakata fa sikwalo. Kono cwale ki Moya o Kenile. Lwa taha ku zona, fa nako nyana fela, kuli lubonise seo, mwabona. Ki Bupilo bo buli Zibahazo.

¹⁹⁷ Bupilo bwa hao bu ile, mi u shwile, mi bupilo bwa hao bu shwile. U patilwe ku Mulimu, ka Kreste, ni kuswaiwa mwatani ka Moya o Kenile. Maikuto anali ku Kreste a ku wena. Mi Kreste, ni Bibebe, ni Linzwi, ki nto yeswana. “Kwa simuluhoko nekuna ni Linzwi, mi Linzwi nali ku Mulimu, mi Linzwi neli Mulimu.” Mi

wena, ni Linzwi, ni Mulimu, ni Kreste, mu nto yeswana. “Mi ha muina ku Na, ni Manzwi a Ka aina ku mina, mukupe se mu lata, si ka ezahala.” Mwabona?

¹⁹⁸ A beya mata mwa milomo ya Mushe, kuya kwande ni Linzwi la Hae mi abulela, mane limbotwe za taha; abulela, limbotwe za zwa; abulela, linda zataha; abulela, bupilo—linda za zwa. Amen!

¹⁹⁹ Kono cwale zibahazo ne i tokwahala kwa Isilaele kaufela. Isilaele kaufela na tokwa yona zibahazo ye. “Mi ha Ni bona zibahazo, Ni ka mi fitelela.” Oh, mawi, mawi! Ha ki sepiso ni yeo!

²⁰⁰ Isilaele ha na zwa mwa Egepita, neli mufuta, wa buino bo bu shutana kacenu. Egepita neli keleke, mi Isilaele na yemela Munyaliwa. Mi Isilaele azwa mwa Egepita, ni yena Munyaliwa kona mwa zwela mwa keleke. Mwabona? Kakuli, ku lukela kuba sesiñwi mwani mo Si lukela kuzwa, mi Si na nhi kuzwa mwateni, kacwalo, haiba neli mufuta. Ke—ke keleke imwa Egepita mwani, mwa lifasi ni mwa sibi, mi haina taba kaza—kaza—kaza Zibahazo kumenda lipoto za hao. Mane ha ba Li lumeli. Kono Isilaele na lata, kakuli neli puluso ku bona. Oh! Oh! I lukela ku lu tabisa, i lukela kueza lipilu za luna . . . Oh!

²⁰¹ Amu Alambe, keleke! Cwale musike mwa palelwa. Kikuli mu ka eza zeo cwale? Musike, musike, musike mwa tuhela lizazi ku likela. Musike, musike, musike, musike, mwa pumula, musihali kamba busihu. Musike mwa nga kolo. Halina kubeleka, bana. Halina kubeleka. Mu lukela kuba ni Zibahazo!

²⁰² Mu li, “Na lumela. Eeni, Na ya. Na, eehe, Ni lumela Liñusa. Ni . . .” Zeo kaufela ki zende, kono, zeo—zeo ki zende.

²⁰³ Kono mu lukela kuba ni Zibahazo! Kana mwa utwa, ba Branham Tabernacle? U lukela kuba ni Zibahazo ye bonahaliswa! Kusina Sona, kulumela kwa hao kaufela ki mbango. Mwabona? U ka pila bupilo bobunde; uka teezeza ku se li bulela Linzwi; u ya kwa keleke; ulika kupila hande; zeo ki zende, kono ha ki Zona. “Ha Ni bona Mali,” yeo kona Zibahazo. Mi Zibahazo fa ha ki . . .

²⁰⁴ Kakuli, sikamañi, Na—Na boni buino bo ne butokwahala luli, kakuli bupilo ne buzwile, na . . . ne bu zwile kubona, ne li folofolo.

²⁰⁵ Kono fa ki Bupilo bwa Hae Tota bone buli mwa Mali. Mi kulambiwa kwani neli fela ponahazo kamba sisupo sa kukeniswa, kono haili Bupilo Kasibili kona Zibahazo luli; kakuli kusina mupato, kusina Zibahazo, mane ha u bi mwa bulikani. Taba yateni kaufela ibeleka hamoho. Haiba u bulela kuli u keni mwa mupato wa Linzwi, mi ki Yona fela, konakuli uka lumela Linzwi; haiba u lumela Linzwi, kona kuli Zibahazo ina ni kutaha, kakuli na ize, “Mubake, mi mukolobezwe mañi ni mañi wa mina ka Libizo la Jesu Kreste kwa swalelo ya libi, mi mu ka amuhela mpo ya Moya o Kenile.” Ki fo he cwale. Oh, mawi!

206 Mulemuhe cwale buitukiso bwa sicaba sa Hae sa sepiso. Mulemuhe sa Na ezize. Pili, Nana ni sicaba sa Na lukiselize naha. Na ba lukiselize naha mane. Mi cwale A luma kwani ku yo ba ni buitukiso bwa zona, kwa sicaba sa naha ya sepiso. Neli fela bona bene ba lelezwi kwa naha ya sepiso yani, lizazi la Munyaliwa. Ni mwa Na ezelize, Na lumile mupolofita ni liñusa, a li paka ka Siita sa Mulilo, ni kufa zibahazo kuli ne ba kaba hande ka sepo kuli ne li lukile. Yeo ki niti. Neli yona tiisezo ya hae.

207 Isilaele, hana zwa mwa Egepita nako yani, neli mu—mu mufuta fela. Wo ki mufuta omuñwi fela, wa Keleke yetaha kuzwa mwa likopano. Cwale, isiñi kuli kaufela li ka ikopanya. Ni talusa Munyaliwa. Mwabona? Batu babañwi, kuna ni babañwi ba baicemeli babali fela baba maswe sina ba likopano, mane fokuñwi ba maswe kufitelela.

208 Ni bulela ka za Zibahazo ye lambilwe. Zibahazo ya lumelelana ni Linzwi kaufela. Mwabona? Li ni kuba cwalo, kakuli Ki lona Linzwi. Ki Bupilo bone buli mwa Linzwi. “Manzwi a ka ki a Moya; Ki Bupilo,” kwa bulela Jesu. Mwabona?

209 Fani Mushe hana kalile bulumiwa bwa Hae mwa Isilaele, ka lisupo zetuna, mwa bona, Isilaele kapili na kopani kuzwa mwa Egepita kaufela, kuya kwa Gosheni, kukutela kwa sibaka sa hae, kakuli ne ba ziba kuli sesiñwi ne si ka ezahala. Oh, ki mufuta mañi!

Oh, ba zwa kwa Upa ni Wiko,
Bazwa kwa linaha za kwahule, (Yeo ki niti, mu
utwile pina.)

Ku to ca ni Mulena, kuca sina baenyi ba Hae;
Ba fuyozwi cwani batu ba!
Ba buha pata ya Hae
Ye benya ka lilato la bumulimu;
Ba fuyozwi baci ba muhau wa Hae,
Sina macwe abenya mwa mushukwe wa Hae.

Oh, Jesu wa taha cwale,
Miliko ya luna ika fela cwale.
Oh, kucwani haiba Mulena luna utaha ka nako
ye
Ku baba lukuluhile kwa sibi?
Oh, kana si ka kutiseza tabo nji,
Kamba maswabi ni sabo yetuna?
Foo Mulena luna hataha mwa Kanya,
Lu ka Mu katanyeza mwa mbyumbyulu.

210 Ku bonahalisa Zibahazo! “Mi Ni ka mu zusa mwa mazazi a maungulo.” Kaniti! Lu mwa mazazi ateni.

211 Sicaba sa kopanela mwa Gosheni. Ne ba itukiselize. Ne ba ziba kuli sesiñwi si ka ezahala. Ne bali fela . . .

212 Munge lipato, hase ili nako ya ku kubukana, kaufela zona li mata ni kutaha hamoho. Mi limuka, lika zeñwi kaufela, ha li itukisa, kuna ni ngana yeñwi ye li biza.

Moya o Kenile uhoha sicaba!

213 Oh, ha itaha nako ya buhali bobutuna bwa Mulimu kuli bu suluhe, kaufela... Kutaha lipato zepeli, ya ngunga ni ya seke. Ki fo kutaha macikwi amabeli, ya nguna ni ya seke; ki fo kutaha lipesela zepeli, ya poho ni ya sitole; sesiñwi sa ba hoha, bona baba lemuhilwe kale. Babañwi ba bona ne ba shwile. Oh! Babañwi ba bona ba shwa! Kono haili bene ba utwa kuhoha kwani kwa kutaha mwatani, ba ziba kuli areka ne i lukisizwe. Neli zibahazo yakuli kutaha pula. Ne ba ziba kuli ne ku ka taha pula, hakuna taba kamba ponahazo neli sikamañi ni mihupulo ya batu babañwi. Neba zibile.

214 Nekuna ni sesiñwi mwahala bona, sene sili, “Kena mwani, kapili fela! Kena kulo mwani, kakuli sani kona sibaka fela se si ka ba hande.” Kakuli, Mulimu na lukisize mupolofita, A luma areka kuba sisupo, ali, “Kena mwatani,” mi pula ya taha. Mi ba kena mwahali mwani, bababeli ka bababeli. Lifolofolo kaufela za kena, zepeli ka zepeli, kukena mwa areka, kakuli ne li keni mwatani a yona. Hakuna taba kamba babañwi. . .

215 Mi kaufela bene bali kwande a sani ba shwa. Kaufela babali kwande azibahazo, kwande a mali, ba shwa, kaufela bona. Mi mutu kaufela yali kwande a Zibahazo, ya Moya o Kenile, uka shwa.

216 Hakuna taba kamba ki yomunde cwani, kamba ki membala wa kelekeya cwani! Ne kuna ni babañata hahulu mwa mazazi a Nuwe. Nekuna ni babañata mwa mazazi a Mushe; kono mutu ya na palezwi kulamba mali, kuba zibahazo, neli yena, ya na shwile. Bani bene ba palezwi kukena mwa areka, ne ba yundile. Bani baba palelwa kutaha ku Kreste, kakuli ki Yena Areka!

217 Makorinte Bapili 12, ili, “Ka Moya ulimuñwi luna kaufela lu kolobelizwe mwa Mubili ulimuñwi.” Za kwa kunutu, isiñi keleke; kono ki za kunutu, isiñi likopano; Mubili wa kunutu wa Jesu Kreste! “Ka Moya ulimuñwi,” taku yetuna ya M-o-y-a, Moya, “luna kaufela lu cimbekilwe mwa Mubili ulimuñwi woo.” Zibahazo i fa munyako, kakuli wena u ku Kreste. Mi Yena nali Alimuñwi, Sitabelo sa hao, y Na yemezi katulo. Mi cwale Mulimu ha talima ku sani, Hakoni kueza sika. U iketile fela ka mo kona kubela, kakuli Mulimu ni Kreste ki Mutu yaswana fela, Moya u ezizwe nama ni kupila mwahala luna. Mi kuna ni Mulimu yali Anosi Fela, ni wena, bana ba Hae Tota, kukena mwa Mubili wani. Ki fo he cwale, isiñi mulyani, kono ki ka Moya! “Ni ka mi fitelela.”

218 Ba zwa kwa Egepita kaufela, ku to kopanela mwa sibaka silisiñwi se, kuli babe mwatasa zibahazo ye.

219 Mi ba zwile ku ba Methodist, Baptist, Presbyterian, Lutheran, Mapentekota, lika zeñwi kaufela, kuli libe mwatasa Zibahazo. Ona cwalo fela mo ne kuinezi ka nako yani!

220 Neli Siita sa Mulilo sene si bonahalile kwani. Mi alimuñwi a bulelela yomuñwi, alimuñwi a bulelela yomuñwi, alimuñwi a bulelela yomuñwi, mi, taba yapili mwa ziba, fa kaufela bona bakala kutaha. Ba kala kutaha, mi ba bona sisupo sa Mulimu. Se bali, “Katulo i fa kaufi.”

221 Mi mupolofita ali, “Ni utwile ku Mulimu. Kuli ku kaba zibahazo. Mi u ka beya mali fa sikwalo. Kubulaya ngunyana, kulamba mali fa sikwalo, mi yeo ikaba zibahazo, kakuli lifu li libelezi ku nata.”

222 Mutuhele ni mi bulelele kacenu, kakuba mutanga Hae, haiba hakuna Zibahazo fa munyako, kuna ni lifu la moya le li ka nata. Mi likeleke kaufela li libile kwa—kwa katengo, ka Katengo ka Likeleke za Lifasi. Kaufela bona ba kutela kwa Bukatolika. Mi ki bani fela babali ba niti, baba pepilwe sinca, kona baba ka itulela kwande!

223 Muhupule, isiñi likopano zamina za Mapentekota, kakuli ba keni kale mwateni. Kubonisa kuli ba shwile! Ba shwile. Ba itiisa. Ba kuta. Ba Mu lelekela fande a sikwalo, kono U bata Zibahazo. Kakuli, taba fela yene ba itingile ku yona neli kubulela ka malimi.

224 Usike wa itinga fa kubulela mwa malimi, hakuna lika zeñwi. Kono mutuhele Zibahazo kasibili ibe teñi, yena Mutu wa Jesu Kreste, Bupilo bwa Hae sakata bu ku wena. Kenya mwa mupato isi fela *yo, yani*; kono kenya mwa mupato butu bwa hao kaufela, kufitela wena ni Kreste mu ba Alimuñwi. Kreste u ku wena, mi Bupilo bwa Hae bu pila mwahala hao.

225 Cwale, cwale, kuzwa mwa Egepita kaufela! Mi amutalime cwale, ha lubona ze ne ba ezize, mi halubona nako ibonahala, lu laelwa kueza zeswana. Kana mwa ziba cwalo? Mutalime sa na bulezi mupolofita.

226 Mi luka bala cwale, haiba mubata kubala, mwa Maheberu kauhanyo ya 10. Mi haiba mubata kubala nina, Ni bata kubala timana iliñwi kamba zepeli fa cwale lu si ka ya kale. Maheberu kauhanyo ya 10, mi ha lu kaleleñi fa timana ya 26 mwa kauhanyo ya 10 ya Maheberu. Batili, Ni . . . Ha lu boneñi. Eehe. Eeni, sha! Maheberu, kauhanyo ya 10, ni timana ya 26, mwabona.

Kakuli haiba lueza sibi kaboomu kasamulaho wa ku amuhela . . .

227 Halu boneñi, kana Ni kumbile? Ehe. Yeo ki niti. Eeni.

. . . haiba lueza sibi kaboomu kasamulaho . . . lu amuhela zibo ya Niti, hokusana sitabelo sa sibi.

Kono kusiyezi talimelo ye sabisa ya katulo, ni ya mulilo o buhali o ka cisa bahanyezi.

Fa amutalime! *Ya na shwaula mulao wa Mushe na bulaiwa a sa utwelwi butuku ka bupaki bababeli kamba ba balalu:*

. . . cwalehe kanti katulo ki ye kuma kai, yena kamba, yena kamba yena ya hatikezi ka mahutu— ka mahutu kuhatikela Mwana Mulimu, mi . . . yatalimile mali . . . a bulikani . . . a kenisizwe ka ona, kuli ki nto fela, mi ya nyefuzi Moya wa sishemo o zwelela mwa Mali?

228 Mukutazi, wa siemba, muuna yomunde, muuna wa mayemo amande, kaufela so li sona, mi u ziba kuli Mulimu u ku amuhile ma kwai. Basali, wa ziba kuli U tubuzi tuputula, ni—ni milili ye mikuswani, ni lika kaufela, kuzwa . . . Mwa ziba Na ezize cwalo. Kono cwale haiba u sikuluha ni kueza ka kunyefula, ni kutalima Mali ani a bulikani, kuya ka mo Ne ainezi, “kuba nto ya fela,” Ya ku kenisize ni ku ku tisa butelele boo!

229 Sina matwela, haiba ba taha kwanu kwa naha ya mululwani, ni kutalima mwabuse, ni kubulela kuli, “Kihande, Ni ziba kuli liteni, kono ze tibela ki zetuna hahulu. Lu bonahala inge limbimba,” ba shwela mwa lihalaupa. Balumeli ba sihalihali!

230 Usike wa taha fela ku to fita *fa*, uli, “Na lumela Liñusa.” U utwele mulumiwa. Taha ku Kreste! U li, “Kihande, Na lumela kuli Linzwi kaufela le li bulezwi, Muzwale Branham.” Zeo ki zende, kono zeo fela—fela ki ze lukela fela kubaliwa.

231 Unge Liñusa, u li amuhele mwa pilu ya hao, kuli ube ni Zibahazo, bona Bupilo luli bone buli ku Kreste ku be ku wena. “Ha Ni bona Seo, Ni ka mi fitelela.”

232 Sina ha lu bona lisupo za nako ya maungulo mwa lifasi kacenu, lu ziba kuli yeo ki niti. Cwale mutalime, Ni libelezi taba ye, fa nako yetelele, kale luli, kwa Liñusa le ku mina. Mwabona? Mi muboni lisupo za nako ya maungulo. Mi Ni kutalize ka Zona ku mina, ni ku Li bonisa ku mina, ka lika kaufela za na bulezi Kreste. Kana ku cwalo? [Kopano ili, “Amen.”—Mu.] Mu ka lumela cwalo? [“Amen.”] Lu kwa nako ya maungulo. Hakuna se ni bona se si siyezi.

233 Mu li, “Kucwani he ka nombolo ya sibatana?” Baba hana Moya o Kenile ba beilwe nombolo ya sibatana. Koto ika taha kasumulaho. Mwabona?

234 Mwa Isilaele, tolombita hane iliziwa ka mwaha wa Tukuluho, mutu kaufela . . . Mu talime Kreste, ka kubala? Na balile fela siemba sa yona, kakuli licika fela lateñi, kakuli ki licika fela lateni ne li zamaelela kwa nako yani. Mwabon? “U Ni lumile kuli ni tiise lipilu ze lobehile, ku kutaza tukuluho,” ni zeñwi cwalo, mwabona, kono, Yena, “ni mwaha wa sishemo wa Mulena.” Ze siyezi zateni, Na si ka—Na si ka bala zani; Na beile Litapa fafasi, kakuli zani ki za lizazi le. Mwabona? Na balile fela siemba sa lona, siemba neli lizazi la Hae.

235 Cwale se kona Sa ka eza kacenu. Se kona Sa bulela, ka Moya wa Hae o tozizwe, kwa keleke kacenu: Cwale kona hola. Cwale kona nako. Mu I amuhele, sicaba. Mu Ihamuhe!

236 Sikamañi? Lu bona linako zetuna, maseli a mubala o mufubelu, kai ni kai. Ku ze bupilwe, lu bona ze bupilwe ha i monyeha liseli, “Nako i fa kaufi.” Lwa i bona fa keleke, ha li monyeha liseli. U nyazizwe. “Nako ifa kaufi.” Li mwa lifasi. Lwa libona mwa—mwa mbyumbyulu, fahalimwa liwate, fahalimwa linaha, kai ni kai; mwa lizazi, kweli, linaleli. Lisupo!

237 Lu bona lisupo za nako ya maungulo za Moya o Kenile ha li kutela fa sicaba. Sina mo ne kuinezi mwa mazazi a Lota, ka mo Moya o Kenile no belekela mwa mubili wa nama wani, yani neli Mulimu ya bonahalile mwa nama. Kamo Mulimu na ikezize butu ilii Yena mwa—ili Yena ku Munyaliwa wa Hae mwa lizazi lani, ni kubnisa sisupo se si swana, Jesu naize ikaba nto yeswana mwa mazazi a maungulo. Lwa bona cwalo. Lu bona Siita sa Mulilo se si swana. Mane nahaiba sayansi i ngile maswaniso a Sona, ni zeñwi cwalo. Lu bona lisupo za nako ya maungulo li sutelezi. Lu ziba kuli liteni fa.

238 Mi he, ka kubona se, haiba mwa ni lumela! Haiba ha mu ni lumeli, mulumele lisupo, mulumele Linzwi, kakuli li bulela ze Ni mi bulelela. Haiba ha Ni mi buleleli Niti, halikoni kubulela hape. Mulimu haana kubulela buhata. Mulimu u bulelanga Niti. Mi Manzwi aa apaka kuli Ni mi bulelela Niti. Ki ona a paka Liñusa le Ni kutaza. Isiñi fela Lingeloi kwani kwa nuka zazi lani, lene li bulezi kuli, “Liñusa la hao li ka twaaleta Kutaha kwa bubeli kwa Krete,” misebezi kasibili! Haiba ha mu lumeli kuli Lingeloi lani ne li bulezi Niti, mulumele misebezi, kakuli Bibebe ibulezi kuli lika ze li ka ezahala kwa nako ya maungulo. Ki Ona a paka. Ki ona a bulela ka kuhuwa kufita manzwi aka kamba mutu ufi kaufela. Ki Linzwi la Hae. A paka za nako.

239 Mi lubona lisupo zetuna, ze sabisa ze fahalimwa sicaba, ni lisupo za nako, fa lifasi, ñalelwa mwahala linaha.

240 Lu bona Isilaele mwa naha ya habo. Cwale ndembela, Naleli ya maneku a silezi ya Davida, ya pepela, ndembela ya kale kale mwa lifasi, kona ndembela ya kale kale. Ki naha. Ki muuso. Ki yena sicaba sa habo luli. Ki yena salisano ya linaha. Musali, musali yena, yena ki zona lika ze kaufela. U mwa U.N. Mi una ni masheleñi a hae tota, lika kaufela. Jesu naize, “Lusika lo haluna kufela kufitela lika kaufela li talelezwe.” Mi, muhupule, ona busihu luli boo Isilaele na ezizwe kuba naha, bwani neli ona busihu bwani Angeloi la Mulena ha li bonahala ku na kwa buse kwani. Yeo ki niti. Ki luna bao kaufela.

241 Lika kaufela li supile hande mwa Niti luli. Ha ni si ka mi puma. Ni mi bulelezi Niti, mi Mulimu upakile kuli Ni mi bulelezi Niti. Cwale, muhupule, Ni muzwale wa mina. Na ni mutu, mwabona. Na ni mutu fela inge mina kaufela, kono kuna

ni ya lukela ku I tahisa, yomuñwi una ni ku I bulela. Yani ne si keto yaka; neli keto ya Hae. Mi Ni mi bulelezi Niti, mi U pakile ona cwalo kuli Ki yona Niti.

²⁴² Ha lu bona lika ze fa lifasi kacenu, oh, sicaba, ye ki hola ya mafelelezo. Munge Zibahazo yani mupeye yona, kapili mo mukonela; kamba, mukene mwa Zibahazo, mukene mwa Zibahazo. Halunze lubona sisupo se situna sa mafelelezo, mi nako i fa kaufi, ya lu lemusa kuli, “Nako i fakaufi.”

²⁴³ Oh, munge taba ye ka tokomelo! Lu lukela ku latana. Oh, mawi! Lu lukela kuba cwalo mwa lilato! Musike mwa bulela ze maswe ka yomuñwi. Haiba mutu ueza mafosisa, mu mu lapelele kapili luli. Lu hamoho ku se, ni Mulimu. Luna lu mizwale ni likezeli. Oh, mupile ka bumulimu. Mupile, mupile sina bana babasizaba ba Mulimu, mupile sina bana babashimani ba Mulimu. Mupile ka bunde, ka musa, ka buishuwi.

²⁴⁴ Kusike mwa zwa bumaswe mwa munahano wa hao, mwa mihupulo ya hao. Fela, fela zeo u li zwise ku wena. Haiba li to ngongota fa munyako, li kasheze kwahule. Bulela fela, bonisa fela Zibahazo ya hao, zwelapili ku zamaya uli, “Ni mwatasa Mali!”

²⁴⁵ Muhupule, nekuna ni babañata bene batile ni basali bani busihu bwani, bene bali, “Yela, Gertie Lillie, babañwi ba mina, ha mu zwele kwanu, lu kaba ni mukiti busihu boo.”

²⁴⁶ “Huh-uh! Ni mwatasa mali. Ni mwatasa zibahazo, ka kupila kulo moo. Lilato la ka li ku Mubupi wa ka. Lifu li mwa naha ye busihu bwa kacenu.”

²⁴⁷ Mi lifu li mwa naha kacenu. Katulo i libelezi, i sweli kunyendaela. Lindalamiti, ni ma bomba a matuna, ni mifuta kaufela ya ñalelwa, i libelezi linaha.

²⁴⁸ Mi Mulimu usweli kuzamaisa Keleke ya Hae, ni kubonisa lika kaufela. Lubile lu buluka Ngunyana cwale fa nako nyana, inge lu tona, ka kubona Sa sweli kueza, inza talima sibupeho sa Hae ni lika kaufela, kono cwale Zibahazo ina ni kulambiwa. I na ni ku lambiwa. Ki yona nto inosi fela. “Kwanda kuli mutu apepwe ka Moya, ni ka mezi, haana ku yo kena.” Mi u lukela ku lata wa habo. Balumeli ba swanela ku kauhana kwa lifasi. Musike mwa li talima kamukwa o bunolo fela.

²⁴⁹ Cwale, mina sicaba baba sweli kuteeleza ku Se, fa tepu, mina basali, mina baana, mu teezeze fa muzuzu. Haiba mukile mwa ni lumela, mu Li lumele cwale.

²⁵⁰ Seli nako ya kutuhela ku kanana ni yomuñwi. Mulumele Liñusa la Biblele! Mulumele Jesu Krete! Mi mulate, ni kuutwelana, ni ku kutekana yomuñwi ni yomuñwi. Baana mukuteke basali ba mina. Mu kuteke malapa a mina. Mutise mandu amina hamoho, kakuli, muhupule, Ngunyana ye neli ya lapa, isiñi fela ya mutu alinosi; kakuli lapa kaufela, mane,

ne li na ni kutaha mwateni. Lika kaufela ne li na ni kutiswa mwateni. Lu swanela kulatana mutu ni mutu. Mi balumeli balukela kukauhana kuzwa kwa lifasi.

²⁵¹ Mulemuhe, ne ba si ka taha fela kale hamoho ku to ambola fa liñusa. Ba taha hamoho ku to lamba mali, kuli ba lambe zibahazo.

²⁵² Sani kona se mu lukela kueza. Mulisana Neville, ni kwa kopano ye, basepahali, madikoni, ku mina mizwale, seli nako ya kulilu beye kwatuko bukuba kaufela bwa lifasi, nako ye luswanela kubeya kwatuko lika zeñwi kaufela. Lu boni zeñata cwale, kufitela luziba hande, luli. Mi Zibahazo ina ni kulambiwa. Kusina Yona, u ka shwa; una ni kushwa, yeo kona nto inosi fela.

²⁵³ Oh, musike mwa taha hamoho, muli, “Na lumela Cwalo.” Mube mwatasi a Yona, mukene ku Yona! [Manzwi a mpwito yeñwi fa moya a utwahala—Mu.] Lu lieza cwañi? “Ka Moya ulimuñwi lu kolobelizwe mwa Mubili wa Jesu Kreste.” Mañi ni mañi mwa lumela, ka pilu ya mina kaufela. Mwabona? Na sa isezi ngana kuzwa kwatasi a Sona.

²⁵⁴ Kimañi ya na ambola yani? [Yomuñwi uli, “Yani ki mpwito fela ya silimba, Muzwale Branham.”—Mu.] Ki manzwi a zwelela kwa lihalimu? [“Atile mwa sipika.”] Ka sipika ye. Ba a uwtile mo? Ni utwile mutu. [“Muzwale Branham Ni lumela kuli ki manzwi a tile ka kunata fela kukuta mwa mulaho.”] Manzwi nyana, ehe. Oh, ba—ba ngungehani ni bona. Ni sepa basweli ba . . . Oh, kwa limota? Mu ni swalele. Ni ziba kuli kuna ni ya bulezi nto yeñwi. Mi Ni hupula kuli kuna ni yana bata kubulela nto yeñwi kuna, mi na si ka utwa, mwa bona, kona libaka ha Ni—Ni bulezi ze Ni bulezi. Ni mi boni ha mu talima kwa ni kwa. Ni utwile linzwi. Ne ni hupula kuli yomuñwi u yemi ni kubulela nto yeñwi, mi ne Ni sa zibi kuli neli sikamañi. Cwale, cwale, ni itumezi.

Kono, mulumele, mube mwatasi a Sona!

²⁵⁵ Isilaele na si ka taha hamoho, lubulele kuli, “Kaufela luna ha lu yeñi kwa Gosheni kacenu. Lu ka kena mwa Gosheni. Pahama fa kamele ya hao, mi lu pana mapulu kwa kocikala. Mi lukanga ya bo Jones, kulo kwanu, ni zeñwi cwalo, mi—mi ni ba Goldbergs, mi lukaya kwa—kwa Gosheni. Mi mwa ziba kana? Mushe uka bulela kacenu.” Zani ne li si cwalo. Batili, sha, muzwale! Ki, kuba mwatasi a mali ani! Eeni, kiniti.

Ha ki kubulela ka Ona; ki kukena ku Ona!

²⁵⁶ Alimuñwi wa bona ali, “Wa ziba, Bo. Goldberg, Ni ziba kuli ki Niti.”

²⁵⁷ “Eeni, muzwale, Ni lumela kuli ki yona Niti. Na ziba kuli ki yona Niti.”

“Bo. Lavinski, mu nahana sikamañi ka seo?”

258 “Ki yona Niti luli! Ni boni mata a Jehova Mulimu ha bulela. Ni boni limbotwe zani halizwa mwa naha yani. Ni ziba kuli ne li si ka ezahala kufitela abulela, mi Ni ziba kuli yani ki yena Jehova Mulimu.” Cwale, zeo kaufela ki zende.

“Kana u keni mwa mupato?”

“Eeni, sha!”

“Kana u mulumeli?”

“Eeni, sha!”

259 Mi cwale hana utwile Mulisana Mushe a bulela, zazi lani, abulela kuli, “Kono una ni kutaha mwatasi a mali, kakuli Mulimu naize, ‘Mali ikaba zibahazo.’ Ki zibahazo! Hakuna taba kamba ulumezi cwani, kamba ukeni mwa mupato mane; bwani kona buitamo bwa na file Mulimu ku Abrahamama, ni zeñwi cwalo, boo kona buitamo. Kono u swanela kuba mwatasi a mali, yeo kona zibahazo, kakuli Na ize, ‘Ha Ni bona mali, Ni ka fitelela.’ Isilaele, kamba ufi kaufela!”

260 Yeo ki kopano kamba ha ki kopano, iliñwi ya zona, mu lukela kutaha mwatasa Mali. Methodist, Baptist, Presbyterian, Pentekota, hakuna kopano ni yekana, seo uli sona kaufela, ki sa mutu anosi. Mu lukela kutaha mwatasa Mali. Cwale fela musike mwa bulela ka Ona; mu a Amuhele! Muni utwe! Muni utwe! Ka Libizo la Mulena, mu ni utwe! Mwabona? Una ni kutaha mwatasi a Mali!

261 Na sina buikalabelo ku mutu ya na ka zwa mwatasi a mali. Mulimu na li ezize hande patalaza kuli kaufela babasiyo mwatwasi a mali ani ba ka shwa.

262 Ni itusise kwa Manzwi a Hae? Kaufela yali kwande a Kreste u ka shwa. Kana ukena cwani ku Kreste? Makorinte Bapili 12, “Ka Moya ulimuñwi!”

263 Isiñi, “ka kulumelisana kulikuñwi mwa mazoho, ka kuñolisa bumembala bulibuñwi, ka kopano iliñwi.” Zeo kona ze ba lika kueza. Bakona kueza cwalo.

264 “Kono ka Moya ulimuñwi luna kaufela lu kolobelizwe mwa Mubili ulimuñwi.” “Haiba lingeloi lelizwa kwa Lihalimu li luta nto isili fela,” Paulusi naize, “yo abe anatema.” Leo kona Liñusa, mutahe ku Kreste!

265 Mutalime, mutu kaufela yali kwande a zibahazo, Mulimu na sina taba ni yena. Mi Mulimu haana buikalabelo ka mutu ufi kaufela, babatuna kamba babanyinyani, baba zibahala kamba baba sa zibahali, bazike kamba baba lukuluhile, baana kamba basali; Ha na buikalabelo ku mutu kaufela ya si yo mwatasi a bulikani ka Zibahazo. Hana buikalabelo ba bao.

266 Mu li, “Kono, O Mulena, Ni ezize se. Ni leleka mioya ye maswe. Mulena, Ni ezize se. Ni—Ni kotalize Evangeli.”

267 “Muzwe ku Na, mina baezi ba ze maswe. Nali kuba ni mi zibe.” Yena u lemuha fela Zibahazo kihona.

268 Kana mwa Li utwa? Muli, “Amen.” [Kopano ili, “Amen!”—Mu.] Cwale, kacwalo li ku mina. Yena . . .

269 Ne ni inzi kwanu mwa mushitu wani zazi leliñwi, mi bashimani ne ba sweli ku komoka, bali, “Ki a mazazi amabeli, ha muna . . .” Ne ni si ka kunupa nihaiba kamale. Ali, “Neli butata mañi?” Mwabona, sani kona sene ili sona. Mwabona?

270 Li, “Mu a beye ku ona, fahalimwa bona.” Ali, “U bulezi—u bulezi ku Na ka zona.” Mwabona? Cwale li fa mahutu a hao. Ki a hao.

271 Hakuna za ka tokomela konji fela ona Bulikani bwani, bwa Moya o Kenile. Mi ha ukoni ku amuhela Bulikani bwani haiba ha u si ka piliswa, ku keniswa, mi cwale ni ku kolobezwa mwa Mubili. Haana kueza cwalo.

272 Wakona kuba ni malikanyiso, wakona ku ikutwa hande, ni kutula tula *mwahalimu ni fafasi*, kubulela ka malimi, ni kubinela mwa Moya. Sani hasina nihaiba nto iliñwi ya kueza ni Sona. Mu Si utwe, ka Libizo la Mulena! Mulimu ha lemuhi zeo. Bhedeni baeza cwalo. Baloi ba ezanga ona cwalo.

273 Mu li, “Ni muituti. Ni eza *se, sani*, kamba *sesiñwi*.” Haana taba kamba u itutile cwani. Diabulosi u cwalo, niyena, mwabona.

274 Yena u lemuha fela—fela Zibahazo. Leo kona Liñusa la nako ya cwale! Lani kona Liñusa la lizazi le! Lani kona Liñusa la nako ye! Ka Libizo la Jesu Kreste, mu Li amuhele!

275 Isiñi sa ku yoli- . . . kuyolisa, seo diabulosi akona kubeya ku wena; inge lilato la fa luwaile, kuli muuna alate musali yomuñwi kwanda musala hae, kamba mufumahali usili kwatuko, kamba babañwi mo sesiñwi, kinto ye swabisa. Leo ha ki lilato la niti. Yani ki diabulosi. Yeo kona misebezi ya hae. Ki sika sa sweli ku kufa, kanti kufita; tabo, kunwa ni ku ikutwa bunde ka zona, kuli, “Ni ikutwa kuikalelwa; Ni ka zwela kwande ni yo ikungtela kacwala nyana, ni kulibala fela zateñi.” Leoki lifu.

276 Mulimu ki yena tabo ya hao. Mulimu ki yena mata a mina. Ka kuziba Liñusa, ka kuziba Niti, koo kona kulikana kwa luna cwale. Ki yena kukona kwaka kaufela. Ku Yena, lika kamukana ze Ni tokwa li ku Yena. Ani kona mata a luna. “Tuso ya ka i zwa ku Mulena.” Mina Bakreste, mutalime ku Yena kwa tabo ya mina, mutalime ku Yena kwa mata a mina, mutalime ku Yena kwa tabo ya mina. Ki yena kozo yaka. Ki yena tabo yaka. Ki yena lilato la ka. Ki yena Bupilo bwaka. Boo kona Bulikani, Zibaqhazo i fa sikwalo!

277 Hana buikalabelo ka mutu alimuñwi, mutu alimuñwi, hakuna taba kamba u mañi, Yena haana taba, yazwa mwatasi a Ona.

278 Mi muhupule, lubasi kaufela neluli cwalo, lwa tiswa hamoho. Oh, mawi! Oh, muhupule!

279 Mu li, “Kihande, bondate ki bakutazi. Muzwale waka! Mulisana wa ka! Mawi. . .” Yeo ikona kuba niti, ni yona, kono kucwani he ka wena?

280 Hupula, silelezo ifumaneha fela ha u bonisa zibahazo! Haiba mutu nali mwatasi *mo*, mi mwana hae nali mwa nzila, yoo na li mwa butata, na ka shwa. Bo ndatahe ne ba ka piliswa. Kamba, haiba mwana na ka taha *kwanu*, mi bo ndatahe kwani, bo ndata he ne ba ka shwa. Konji fela zibahazo! “Ha Ni bona zibahazo, Ni ka mi fitelela.” Yeo kona nto inosi fela.

281 Mu li, “Kihande, mwana ka wa mushimani ki mukutazi.” Mina bashemi babasi muli, “Nina ni mushimani yomunde nde,” kamba “musizana yomunde nde. Na mi bulelela, ki bona babande hakalo ni kufita. Ba talizwe ka Moya o Kenile, mi lilato le li cwalo! Ki baba utwela. Nali kuba nibone ze cwalo!” Kucwani he ku mina, ima?

282 Mu li, “Boma ki ba bande hahulu. Na ziba, haiba ba shwa, ba ka ya kwa Lihalimu, kakuli luli bana ni Zibahazo, Muzwale Branham.” Kono kucwani ka wena, kezeli? Lubasi kaufela lu lukela kutiswa mwatasi.

283 Kana mu katezi? [Kopano ili, “Batili.”—Mu.] Nika. . . Seli twelufu kiloko. . .Fa muzuzu fela. Nakona ku ipumela ni kukalisa sinca hape. [“Batili.”] Kono haiba mu—mu bata kulibelega fa nako nyana fela, Ni ka lika kuakufa cwale. [“Amen.”] Ni ka beya se hande mwateni, kakuli Ni sepa ona fa halunze lu li mwatasi a tozo yateñi, ku kaba hande haiba mukona ku ikutwela zona cwale.

284 Konji fela haiba Zibahazo i bonahala! Konakuli, lubasi kaufela lu lukela kuba mwatasi a Zibahazo yani, Mali. Bondate ni bona, Na ziba mo mu ikutwela. Nina ni bana, nina, Ni lukela ku ba bona bapiliswa. Ni ipulisa fela ni nosi kacenu. Mwabona? Nina ni mizwale. Nina ni kezeli. Nina ni balatiwa. Ni—Ni bata ku ba bona ha ba piliswa, nibona. Kono, muhupule, kusina ponahazo ya Zibahazo, ba ka shwa. Hakuna zuho ku bona. Yeo ki niti. Ba icongile. Konji fela Zibahazo ha se i bonahalile!

285 Mutalime, Joshua, kambe luna ni nako ya kubala fateni. Mu i ñole, Joshua kauhanyo ya 2; mulumeli wa lihule la Bamacaba, Rahaba.

286 Oh, Ni lakaza kuli kambe ki ka naini kiloko. Ni tabela—Ni tabela kunga seo ni ku mi bonisa fela mo ne sibezi fani, mwabona.

287 Lihule le, la Bamacaba, mutalime, lubasi lwa hae kaufela. Nali mulumeli. Lubasi lwa hae kaufela ne lu na ni kuba mwatasi a lisila le li fubelu lani, yona zibahazo yani. Nebana ni kuya mwatsi a lona, kusi cwalo ne ba ka shwa. Ne ba utwile za buhali

bwa Mulimu. Ne ba utwile za lisupo ze bonahalizwe ni limakazo za Mulimu mwahala sicaba sa Hae, mi nebana ni ku li amuhela. Nana ni ku li amuhela. Mulimu, lingeloi le libulaya, ne li taha. Neba ziba cwalo. Mi Joshua nali lona lingeloi lani. Nebali mwa mukoloko wani.

288 Mi kona mo iinezi ni naha kaufela, mwa lifasi, mwa sikuka sa Katulo ya Mulimu!

289 Yena lihule, la kale le, na utwile. Tumelo itaha ka kuutwa! Musali ali, “Naha kaufela ika ziyeleha ka mina.” Yeo ki niti.

290 Cwale, matwela bene ba lumilwe kwani ku yo lukisa lika, ni zeñwi cwalo, na kutekile baana bani. Mi, musali, na bata kupiliswa. Musali ali, “Ni ziba kuli Mulimu wa mina ki Mulimu, mi Ni utwile lika zetuna Za ezize. Na ziba za Na ezize kwa Oge, mi Na ziba za Na ezize kwa linaha zeshutana. Mi Ni bona kuli baba Mu amuhela ba pilisizwe, mi bani baba sa Mu amuheli ba bulawa. Mi Ni bata kupia,” a bulela. Oh, mawi! Ki fo he cwale. “Ni bata kupila.” Kakuli bona fela . . .

291 Mulemuhe, Jeriko na utwile sa na ezizea Mulimu, kono ne ba sa lati kuamuhela temuso.

292 Mi hakuna kopano mwa naha ye, kwa matuko, kono ki sikamañi se si utwahalile ka za sweli kueza Mulimu. Ha ba lati kuamuhela temuso yeo.

293 Mata a hae amatuna ni lisupo ne li bonahalizwe. Sa Na ezize, A silela mwa Liwate le li Shwile, inge kuli neli fa mubu o omile. Na ezize, Na bupile lika zootge, ni kueza limbotwe, ni linda, ni minunu kuli itahe mwa moya; aba bupa ka Linzwi la Hae, ka mupolofita wa Hae. Yani ne si kunutu. Ba ziba cwalo.

294 Mi Rahaba ali, “Ni utwile zeo. Ha ni lati kushwa ni baba sa lumeli baa. Batili, sha!” Na ziba kuli katulo ne i latelela mwa mulaho wa yona, kakuli nebali hande mwa mukoloko. Na ziba zateñi hande. Kacwalo, ba mu ezeza nzila kuli a banduke ka yona.

295 Ne ba lukela kulumela kuli kopano yabona yetuna ya Jeriko ne ika kona ku kutibela buhali bwa Mulimu, mwabona, kopano yabona yetuna.

296 Zeo kona buñata bwa mina musweli kunahana kacenu. “Oh, luli Mulimu haana kueza zeo.” Kona za na bulezi Satani ku Eva. “Oh, kaniti Mulimu haana kueza.” Uka eza cwalo, kakuli Na bulezi kuli Uka li eza, mwabona, mi leo ki Linzwi la Hae. Eeni, sha.

297 “Kwanda kuli mutu apepwe!” “Mi lisupo ze li ka latelela baba pepilwe!” Mwabona? “Ka se batu kamukana ba ka ziba kuli mu balutiwa ba Ka,” ni zeñwi cwalo, mwabona. Ku lukile, ne ba bata kueza cwalo. Oh!

298 Ki sikamañi sene si ezahalile? Cwale ne ba kwalezwi. “Hakuna ancafazo ye ka ezahala fa. Kopano ya luna haina

ku tusa ze cwalo. Haluna kuba ni mufuta wa bukuba o cwalo mwahala luna. Na mi hanisa kaufela mina kuya kwa mukopano wani.” Huh! Jeriko, ona mwa sibaka sa baba nyazizwe!

²⁹⁹ Kono ne ku lukela kuba bashimani ba ba hasanyanga matepu kokuñwi, kwa peu ye lelilwe kale. Ba ipumana kwa ndu ya hae ni matepu amañwi. A fetula ndu ya—ya hae kuba keleke, kuli a amuhele liñusa.

³⁰⁰ Ba sa na ni zona, mwa ziba. Liñusa ne li fitile kwa Peu ye lelilwe pili, nihakuli cwalo. Ha lu zibi mo ne Li fitezi kwani, kono ne Li fitile kwateni, ili kuli Babalukile basike ba atulwa hamoho ni baba si ka luka. Mulimu wa tokomela zeo, kacenu. Eehe, ka nzila yeñwi La kena. Ha lu zibi mukwa wateni. Ni ha ba sa I tusi, kono kuna ni Peu yeñwi kwande kwani ye lelilwe kale.

³⁰¹ Mutu kaufela ya ziba sika ka Bibebe, uziba kuli lihule lani ne li lemuhilwe kale. Luli nali cwalo! Na si ka. . . Bibebe ibulezi kuli, “Na si ka shwa hamoho ni baba sa lumeli.” Yeo ki niti. Kono na lumezi liñusa la hola.

³⁰² Mi Mulimu amufa sisupo, ka balumiwa ba Hae. Ali, “Unge ni—ni lisila, le li fubelu ni ku li tama fa. . .” Bali, “Hupula, ha u sa tami lisila leo fateni, kamba ku li siya li lepelela fateni, lona le lu tuluka ka lona, haluna buikalabelo ka buitamo bwa luna.” Mi bali, “Haiba u kwande a luna, haluna mulatu.” Oh, mawi! “Rahaba, peu kaufela ye lelilwe kale mwahali mo, zwela kwande mi u yo i zuma. Nga bo ndataho, bo maho! Kakuli, kona lu sa zo zwa fela, mwatasa swalelo yani, kwani kwa Egepita, mi lika kaufela ze ne lu sina mwatasa zibahazo yani za yunda. Rahaba, Ni kufa sisupo. Ki zibahazo. Mi Ni li, ka Libizo la Mulena, inge ku bulela kuli, haiba u ka beya sani! Ni ziba hande zeo, hamoho ni liñusa. Ni ziba hande za lingeloi la buhali, Joshua. Ki mulumiwa ya bulaya wa Mulimu. Ni mu zibile, mi u ziba kuli ku lukela kuba sisupo sa zibahazo. Mi u lepeleze seo fateni, mi Ni ka ku sepisa. Na fa buitamo.” Mi Mulimu anga buitamo, niyena, bene basiyu mwatasi a sona ba shwa, mi kaufela bene bali mwatasi a sona ba pila.

³⁰³ Cwale, buitamo bo buswana kacenu, ki nto yeswana, mwabona, “Hanina ku mi tuhela kuli mu shwe ni baba sa lumeli Liñusa.” Mi bona. . .

³⁰⁴ Na utwile misebezi ye ne ezizwe, mi a ilumela. Kono, kaza, na li wa. . . Yena ni bo ndatahe, ni mizwale yemiñwi cwalo, kamba nto yeñwi, neli bona fela bene ba lumezi zani, mwa muleneñi kaufela.

³⁰⁵ Mwabona mo li bezi ze likani? Ki alimuñwi fela *fa ni fani*, lubasi nyana lu ka zwa mwa naha. Ku cwalo kana? Kiniti cwale, fa lusweli kuambola za niti. Luna. . . Haiba mu ka bona mufuta o lwanisana ni ona mo uinezi, mu lukela kubona mufuta wa makalelo mo ne uinezi pili. Muna ni kubona seo muluti uli sona, konakuli mu ka ziba sika sa niti mo si ka bonahalela. Mwabona?

306 Mata a hae na bonahalile. Katulo neili mwa nzila. Ba lukela kutaha, ili kuli ba piliswe. Eeni, sha. Ni bona babanyinyani ba . . .

307 Balikani ba bakena mwateni, balumiwa baa, mi—mi ba swala peu yene lelilwe kale yani yene lumela. Na ituisize ndu ya hae ku ba keleke, kuli a amuhele balumiwa. Ne ba sa ba lumelezi mwa likeleke zani. Batili, sha. Mwabona? Kacwalo musali . . .

308 Habana ku mi lumeleza, ni hanyinyani. Ba ka mi lahela kwande haiba mu bulela sika ka Zona. Eehe. Mwabona?

Kaufela bona ne ba keni mwa munzi wa hae, be ne ba lumela, mwatasi a zibahazo.

309 Kona se lu lukela kueza kacenu le. Haiba u bata kuli mulatiwa a piliswe, kihande mu batise bakene cwale. Mwabona?

310 Buhali bwa Mulimu ha bu sinya munzi omutuna wani, sisupo sa zibahazo ne si bulukile ndu ya hae hande. Amen. Kiñi? Sisupo ne sili fa zibahazo ya hae. . . Kamba, zibahazo neili fa ndu ya hae, maneku amañwi kaufela a munzi ana nyanganyizwe mane kuwela fafasi. Neli sikamañi sani? Neli sikamañi sani? Joshua, yena numwana wa Mulimu! Mulimu Kasibili na lemuhile liñusa la mulumiwa wa Hae. Amen! Ne li pakile cwalo. Ne li pakile ona cwalo. Ne ba lemuhile liñusa. Na lemuhile liñusa la mulumiwa wa Hae. Mi cwale muleneñi kaufela ha u to bulumuka, lisila la Rahaba le li fubelu fa sikwalo, mi babañwi ba bona ne yongile.

311 Mi, kapili cwalo mangeloi a bulaya atuluka mi asinya lika kaufela ze ne li mwa munzi, mane nekusina neba siemba sa libyana sene si siyezi. Alimuñwi na ngile siemba sa libyana, mi nana ni kushwa ni sona, kuzwa mwa kopano yani. Anga lika kaufela ni ku li sinyal! “Ku kutiwe mutu ya ka lika kuyaha zeo. Mweli wa hae uka shwa ha ka kala kueza cwalo,” ni zeñwi cwalo. Mulimu na i kutile ona cwalo, yona nto yetuna yani yene hanile sish- . . . liñusa la sishemo ni sishemo, na hupula kuli ne ba silelelizwe.

312 Batu babañata ba nahana kuli, kacenu, “Kakuli Ni wa siemba sa keleke, Ni silelelizwe.” Musike mwa lumela bukuba bo bucwalo.

313 Mi, “Mali ikaba zibahazo ku mina.” Moya cwale kona Zibahazo ku mina, ili Bupilo bo ne buli mwa Mali.

314 Kuswana, ha lu nahaneñi kuli, yona zibahazo yeswana yene ba banga ni yona mwa Egepita, yona zibahazo yeswana yeneli mwa Egepita, neili mwa Egepita, Mulimu na itusisize sisupo sesiswana kwani. Joshua, mufuta o petehile wa Jesu, neli wa niti kwa sisupo sa zibahazo sene ba kutaza balumiwa ba hae. Joshua, hana bulezi, naize kuli, “Musike mwa swala ndu yeo kamba sika kaufela ku yona. I bulukezwi Mulena.” Amen!

315 Mulicaba, wa lihule, muyambaeli mwa mikwakwa, kono a utwa ni kulumela, mi alamba mali.

³¹⁶ Hakuna taba kamba u ku totobezi cwani mwa sibi, so ezize, seo hasina nihaiba nto iliñwi ya kueza ka sona. Mu lambe Zibahazo. Ki a mina. Haiba u i kutwa kuli mwa pilu ya hao kuna ni sesiñwi se si hoha, Ki a hao. U lambe Zibahazo. Mi ni yena yomutuna Josh- . . .

³¹⁷ Linzwi lelili *Joshua* litalusa kuli “Jehova-mupulusi.” Kona ni *Jesu* se i talusa, litalusa kuli “Mupulusi.” Mi, Joshua, hana zibile balumiwa ba hae . . .

³¹⁸ Balumiwa ba hae ba kuta, mi bali, “Ni utwezi litaelo za hao. Mi ne kuna ni musali yene lu fumani, hane lu liza matepu, mwa ziba. Ne lu fumani musali yana lumezi. Mi lwa mu bulelela, kuli kaufela baba ka taha mwatasa sisupo se si fubelu sani kwa mulaho kwani, yona zibahazo, ne i ka talusa luli. Cwale Ni kutalize zeo. Kana uka li kuteka, Joshua?”

“Ni ku lumile kueza cwalo.” Amen.

³¹⁹ Mi cwale kanti, sani, Mulimu na li utwile, ndu ne i sika buluka. Mi cwale Joshua hana yemi fani ni kufa sisupo sa kusinya taba yateni kaufela, ya ya hande ku kambama mwa halimu, mi Rahaba ni sicaba sa hae kaufela baina ba iketile, ni liluwo labona kaufela, amen, amen, liluwo la bona kaufela nelili mwa ndu, ka kuiketa. Ne ba yemi fela fani, mi ne ba sa lukeli kutalimela fande mwa lihaululo. Ne ba bala Mañolo ndwa inge isweli ku kolota.

³²⁰ Ataha kwa mulaho wa lona ni kuapesa, kuapesa kapitao wa mpi, mi a yema, ni kutaha mwa Betelehema, mi siмба sa hae ne si filwe mwani hamoho ku bona. Mi apepa cwalo wa . . .apepa mwana ya zibahala hahulu, mi mwana a mushimani yani apepa mwana a mushimani yomuñwi ya zibahala hahulu, mi mwana yani apepa mwana ya zibahala hahulu, kufitela yomutuna, Mwana ya zibahala hahulu ataha. Kuzwelela koo kushetumuka, mane kutaha ka Obedi, mane kutofita ni ku Jese, kushetumuka cwalo ku Davida. Yeo ki niti, lihule Rahaba, kakuli na lumezi mulumiwa. Na lambile mali, mi lapa la hae la piliswa, kusi cwalo na ka yunda kwani kwa na inzi.

³²¹ Muteeleze hande cwale. Oh, muli, kana mwa lemuha? Kaufela bene bali mwatasi mwani ba piliswa mwa Egepita. Kaufela bene bwalli mwatasi mwani ba piliswa mwa Jeriko. Kaufela babali mwatasi mwani ba ka piliswa kacenu. Ngunyana ye tamilwe ka mali, ki mufuta wa Jesu Krete.

³²² Mwa Maheberu 13:10 ni 20. Hanina nako ya kubala litaba zeo. Mu li ñole fela. Ne ni ka bala fateni. I bizwa kuli “bulikani bwa kuyakuile.” Mali a Jesu Krete abizwa “bulikani bwa kuyakuile.” Eeni, sha! “Bulikani bwa kuyakuile.”

³²³ Kiñi hane i si ka bizwa “Bulikani bobusafeli”? Kakuli ne busike bwa ba kusina Kufela. Ha lu liuluzwi, kipeto kufelile cwale. Ki bwa *kamita*, ili kutalusa kuli, “ki nako yeñwi ye tomilwe,” kufitela nako ifela. Hakuna kuba yeñwi hape. Nako

ha i fela, haluna kutokwa bulikani. Kono haibile fela nako i sa li teñi, lwa tokwa bulikani.

³²⁴ Cwale, muhupule, Maheberu 13:10-20, ki “bulikani bwa kamita.” Sepiso ye tamilwe ka Malii a Mulimu i lu tamulula kwa sibi. Amen! Hakuna sibi ku Yena; sibi, kasibili, nama.

³²⁵ Mu Mulapele mi mubonise mata a Hae amatuna! Sicaba sa Mulimu se si tamilwe ka Mali, se si tamilwe ka Zibahazo, sa bulikani sina ni Moya wa Jesu Krete mwahali mo, kuli, “Ya lumela ku Na, misebezi ye Ni eza, uka ieza ni yena,” inza bonahalisa buitamo. Mwabona?

³²⁶ Testamente ye Nca! *Testamente* italusa “bulikani.” Yeo ki niti, nji cwani, Dokota Vayle? *Testamente* italusa “bulikani.” *Testamente Ye Nca* italusa “bulikani bo bunca.” Testamente ya Kale neli ya kale, mwatasa ngunyana, kuli bupilo ne bu sa tahi ku mulumeli. Testamente ye Nca neli Ngunyana ya Mulimu, mi Bupilo bwa Hae bu kutela ku luna. Bupilo bwa Mali! Mwabona? Mali ki Bupilo mwa Testamente ye Nca, mwabona, Bupilo bu zwelela kwa Mali a Ngunyana, ili kotalusa kuli Testamente ye Nca, bulikani bo bunca.

³²⁷ Kuli, Mulimu, “Kasumulaho wa mazazi ani Ni ka ñola milao ya Ka fa matapa a lipilu za bona.” Mwabona? Mwabona? “Isiñi fa matapa a macwe, ni mali a ngunyana, ze ne mu ka li, ‘Ehe, Ni—Ni na ni mali kulo *fa*, cwale, ibulela kuli lueze sikamañi?” Kono ki fa matapa a pilu ya hao, mwabona, ni ka eza ni buitamo bwa Moya ni sicaba.”

³²⁸ Mi I bonahalisa mata a Hae. Joani 14:12, ili, “Ya lumela ku Na, misebezi ye Ni eza uka ieza ni yena.”

³²⁹ *Testamente Ye Nca* ki “bulikani bo bunca,” Bupilo bobunca, bu bonisa kuli Jesu ufitile fa lika zaluna za na bata Mulimu, ku lu kutisa, kaniti, bana ba bashimani ni basizana ba Mulimu, mwatasa Mali, ko kusina katulo ni hanyinyani.

³³⁰ Maroma 8:1, “Cwale hakusana katulo ni yekana ku babali mwatani,” isiñi bani baba Li *lumela*, “ki babali ku Krete Jesu, baba sa zamayi ka nama, kono ki ka Moya.” “Mi Linzwi la Ka ki Moya ni Bupilo.” Mwabona? Oh, kana ha Ni koni kunga tuto kuzwa fani ni kuina mwendi liholo nyana. Kono luka akufa ka zona, mwa bona.

³³¹ Hakuna katulo ni yekana; ku lukuluha kwa litakazo za lifasi, hakuna nyazo. Kiñi? “Ku baba bile cwalo, ka Moya ulimuñwi, ba kolobelizwe mwa Mubili ulimuñwi.” Kwani Mali a Ngunyana abeilwe. Mulimu wa Lihalimu u ku amuhezi, mi ni. . . Bupilo bwa Hae bu kuwena, mi mu bana ba bashimani ni basizana ba Mulimu.

³³² Mikwa ya hao ki mikwa ya Mulimu. Kiñi seo, ki ya komiwa fela ka bunolo? Batili, sha! Mulimu ki Mulimu wa katulo. Ki Mulimu wa sikuluho. I lukla ku pahekwa fa muhala. Hakuna se

si ka eza lika. Wani kona mukwa mufuta oli ka ona, kakuli u wa mikwa ya Ndata ho. Mwabona?

³³³ Sikamañi? Bupilo, mutalime cwale ha (bu) bupilo bu ngilwe, kwa mali. Mwabona? Bupilo bona kasibili bu ngilwe. Mwabona? Bupilo, ne bu ngilwe, kuba mali. Mwabona? Mali na lambilwe, mi bupilo ne bu sa tahi ku mulumeli ka nako yani, kwa bupilo bwa folofolo. Isiñi bupilo. . .

³³⁴ Kono, mwabona, mwa sibaka sa kuba mutu, neli mutu ya ipitezi, Sibupiwa se si ipitezi. Mwabona? Mi seo si panga mutu kuba fela cwale isiñi mutu fela, kono ki mwana wa mushimani ni wa musizana wa Mulimu, kwa buipiteli, buipiteli, buipiteli, buipiteli, Bupilo bwa buipiteli bone buli ku Yena, butaha ku wena, ni ku kucinca kuba muezalibi, ni lika za lifasi, membala wa keleke, mi ni mutu yaya kwa kopano, ku Mukreste ya pepilwe sinca, ya tezi ka Moya; Bupilo bwa Mulimu bo bu buba kuzwa ku wena, inge mulilo o tatalakana kwa sipi ya mumbuti, hamu zamaya cwalo, ka kutala mata, ni lilato, ni musa, mi sina Moya o Kenile u zamaya, kubulela. Oh, mawi! Ki fo he cwale. Mi ni ka (sikamañi?) kuutwa Liñusa, ku talima Siita sa Mulilo, ni sepiso ye fuyozwi, “Ni zwile kwa lifu kukena mwa Bupilo.” Mulemuhe, kabakaleo, hakusana katulo ni yekana.

³³⁵ “Haiba lipilu zaluna ha li lu nyazi, kona kuli luna ni likupo zaluna,” mwabona, “Iwa ziba.” Kono haiba sibi si mwa lipilu za luna, konakuli sa lu nyaza, luka—luka kona fela mane kusina nihaiba kukala sika. Mwabona? Mu lukela ku lukuluha kwa sibi. Mi nzila fela ye mukona kuba baba lukuluhile kwa sibi ki kukena ku Yena. Seo kona siapalo fela sesilityeni sa sibi, ki Kreste.

³³⁶ Muhupule, Mali a bulikani, Mali a bulikani ha si ka lemuhiwa kusina Zibahazo. Ha ukoni. Hauna ku kona. U li, “Kihande, Ni—Ni kenisizwe kwa lika zeo.” Yeo ha ki yona Zibahazo. Ki Moya, kona o li Zibahazo, Moya wa Kreste u fahalimwa hao. U u lumele!

³³⁷ Cwale, mutalime, Linzwi li lu bonisa ka sepiso. Ze kaufela ki litraba zeñozwi ze Ni ñozi kulo fa. Ki kukutaza fela musihali kaufela, mo ku bonahalela, mwabona, ku zona. Mwabona? Linzwi li lu sepisa za sepiso, kakuli ki Yona sepiso. Linzwi ki Sepiso, mi Linzwi ki yena Mulimu, mi Linzwi ki—ki la luna. Mi lu ba Linzwi, mi Linzwi li ba luna. “Ha muina ku Na, ni Manzwi a Ka aina ku mina,” konakuli, mwabona, iba fela lubasi loluñwi lo lutuna. Mwabona? La lu sepisa. Kakuli kiñi? Kihande, ki siemba sa luna. Mwabona? Mwabona? Mwabona, Li ba la siemba sa luna. Ha ki palo ni yeo! Ku lukile. Wa lu bonisa, yona sepiso.

³³⁸ Zibahazo ki sisupo sa kuli teko ifilwe mi i amuhezwi. Cwale, hamukoni kuba ni zibahazo tikiti ya sitima konji ha mu lifa tifo; mi nzila fela yo kona kulifa tifo yatani ki ku i lifa. Yeo ki niti. Sikamañi? Ku Lilumela. Ku Li amuhela. Kuutwela ka kutala kwa Linzwila Mulimu kaufela ku ka kufa Zibahazo. Kuutwela

ka kutala! Isiñi fela kalulo la Teni kuya fela ka kopano ya hao fo ikuma, kono ki kaufela Zona. Kuutwela kokutezi kwa Linzwi, yeli yena Kreste, ku ku tisa ku Kreste.

³³⁹ Cwale kucwani haiba kaufela nemukaba mwahali, kono mahutu inge ali fande? Kucwani haiba kaufela nemuli mwahali, ni mazoho inge a lepelela fafasi? Buñata bwa luna kamukana lu mwahali, kono pilu inge ilepela fande? Mwabona? Mwabona? Pilu i sa li mwa lifasi kanti? Mwabona? Kono ha lu ezi cwalo.

³⁴⁰ Ku utwela, ko kutezi handende ku kubeya kuba Alimuñwi ni Linzwi. Wa Li lumela, mwa buino bwalona kaufela. Mi kaufela Lona kaufela li ba ku wena, mi wa Li bona inge libeleka ku wena.

³⁴¹ Ha una kuzamaya ni sikwata sa baba lata kuñala. Mwabona? U Mukreste. Hakuna taba ka sa bulela muyu, hasina ku ku swala. U ku Kreste. U iketile ka mo kona kubela.

³⁴² Mi lifu ha li ngongota fa munyako, halina mayemo hande, mwabona, batili sha. Kiñi? Li ezahalela fela *fa* kukena Mwani.

³⁴³ Kusupala ha ku talusi sika. So fitelezi mwaha wani. U mwa Kuyakuile, kakuli u ku Yena. Yena ki wa Kuyakuile. Ha li talusi sika, kamba u mwanana, u mucembele, mutu yali mwa bunca, kamba kaufela so li sona. Yomunde, yamaswe, yomukuswani, yomukima, sikamañi, halina taba kaufela. Halina taba.

³⁴⁴ Ha u lukeli kupotoloha potoloha, ni lika zeñwi kaufela. Wena, wena u so zwile ku sona. U shwile. Bupilo bwa hao bu patilwe ku Mulimu ka Kreste. U swailwe mwahali mwani ka Moya o Kenile, u zamaya ku Kreste. Sika so bona fela ki Kreste. Ki hona. Kona sika fela, so zamaya ka sona. Oh, mawi! Ki kabakaleo ne lu opelanga pina nyana yani:

Taza nzila yaka zazi ni zazi ka lilato,
Ha Ni zamaya ni Nkwilimba ya Lihalimu;
Tuhela kuli ni ye fa nako nyana, ka pina ni
lumenyo,
Taza yaka . . .

³⁴⁵ Tuhela ni be muzwale. Ni pile ka mutala wa sa na bulezi Kreste kuli mutu kona sa lukela kubela. Tuhela ni be muzwale ku muzwale, muzwale ku kezeli. Tuhela kuli nibe—nibe mukutazi kwa bakutazi. Tuhela kuli nibe mutala wa mitala. Mutuhele ni bonise kwa lifasi kuli Linzwi le ki Kreste. Nzila fela ye Ni kona kueza ka yona ki kutaha ku Yena. Kakuli, ha Ni koni kueza cwalo na kasibili, haukoni kueza cwalo. Kono mutuhele Linzwi ni wena mube Alimuñwi, mi Li pila ka Lona liñi hande. U liñolo le li zamaya la Jesu Kreste, ha Sa felize kub- . . . kubabalela ka kutala, kuli Linzwi kaufela lipetahale.

³⁴⁶ Haiba U taha ka nzila *ye*, “Ni bata kueza Se,” mi u li, “Batili, batili, Ha ni lumeli Sani,” mwabona, hauyo mwa Linzwi mane. Mwabona?

347 Ka kutala, cwale mutalime, ka kutala, cwale, ku utwela ka kutala kwa Linzwi la Mulimu kaufela ku lu tiseza Zibahazo. Mi cwale ha lu lifa, ha lu lapela, lu swanela kuba ni Zibahazo yetahiswa ni litapelo zaluna.

348 Haiba u bulela kuli, “Na lapela, Mulena, kono kaniti ha Ni si ka . . .” Kihande, ha u bi cwalo. Kihande fela u itulele, mwabona, kuba . . . Muzwelepili, pili, muswale Zibahazo, mwabona, kakuli Zibahazo yeo kona Ya ka lemuha. Mwabona? Eeni, sha!

349 Ha lu lapela, kona kuli luna ni kutisa Zibahazo, “Mulena, Ni Ku utwezi, ka kutala. Ni bakezi libi zaka. Ni ikutwa kuli U ni swalezi. Ni kolobelizwe ka Libizo la Jesu Kreste. Moya o Kenile u fahalimwa ka. Cwale Ni tokwa nto yeñwi ya kanya ya Hao. Mulena, Na kupa cwalo. Ki yaka cwale.” Mi kuna ni se si sweli hande kwa mulaho *kwanu*, “whew-whew,” ki za hao. Ku felile. Kona kuli ku felile. Ku felile. Li tomilwe. “Ni kupa se. Na ikupela zona. ni swanela kuba ni sona.” Mwabona? Mwabona? “Na—Na si bata kwa kanya ya Hao.” Mwabona? Kihande, kona cwalo, kipeto U ka kufa zona fela. Konakuli uziba kuli ki za hao. Kona mo kuinezi ona cwalo, bana ba luna, ni zeñwi cwalo, lu lambe Mali, lu lumele. Ku felile. Ku lukile.

350 Ki sikamañi Sa eza cwale? Ha u nani yona, wakona ku bonisa Zibahazo ni tapelo ya hao, I bonisa kuli utile ka kutala kwa ku utwela Linzwi la Mulimu kaufela. Ha una ni Zibahazo, kubonisa kuli u utwezi Linzwi kaufela. Mi, wena ni Linzwi mu ba alimuñwi, u kupa fela sika so li sona. Mwabona? Mwabona? Mi, kikabakalañi, mwa ziba.

351 Haiba Ni bulelela se kuli, “Lizoho, ni utwele, swala taulo yani!” Li ka swala. Mwabona, lizoho li ni utwezi. Kiñi? Ki siemba sa ka. Mwabona?

352 Mi cwale wena ni Linzwi muba nto iliñwi, sepiso kaufela, kanya ku Mulimu, sepiso kaufela ki ya hao. Ya ku utwela. Mi ubata kubona so bata ku eza. Haukoni kubeya lizoho la hao mwa mulilo, ka kubulela fela kuli, “Mwani bona hani eza cwalo.” Oh, batili, batili! Mwabona? Kono haiba kuna ni sesiñwi mwa mulilo wani, se Nina ni kufita ku sona, si ka ni utwela. Mwabona? Mwabona? Yeo ki niti. Mwabona, u lukela ku tokomela so sweli kueza.

353 Kona libaka Moya o Kenile ha tahelanga ka bunyinyani ni lika zeñwi, mwa ziba ze Ni talusa, kakuli zeñwi. . . Ha u lukeli kuba. . . Mutanga wa niti wa Mulimu ha i kumusangi ka Sona, mwa bona. Kona cwalo. Koo ki ku ikuhumusa.

354 Ha lu lapela, lutisa Zibahazo. Ye bonisa kuli lu i utwezi ka kutala.

355 Paulusi wa lu bulelela, kuli, “Mali a bulela.” Kuli, kaufela lu ziba kuli mali abulela, kaniti, ona kasibili, hakoni kubulela. Ki buino bwa ona. Kana ku cwalo? Ki babakai baba ziba cwalo? Kono ki babakai baba ziba kuli mali a bulelanga? Haiba

mubata kuñola seo, Genese 4:10. Mulimu naize, “Kucwani he ka munyana hao?” Ali, “Mali a hae asweli kulila kuzwa mwa lifasi, ku ku lwanisa.” Ki niti yeo? Mali a hae asweli kubulela. Haleluya! Mulimu naize, “Kucwani ka yena?”

Ki hali, “Kana ki Na mubabaleli wa munyana ka?”

³⁵⁶ Ali, “Mi mali a hae asweli kulila. Mali a hae asweli kulila.” Ki zibahazo. Ki zibahazo, ya kuli na bulailwe. Mali a hae nasweli kulila ku mu lwanisa.

³⁵⁷ Cwale, haiba mu ifumana yeo mwa Genese 4:10, ni mwa Maheberu 12:24, mukale kubala. Mwa Maheberu 10, 12:24. Ali, “Mali a Jesu abulela lika zende kufita ani a Abele.”

³⁵⁸ Mwabona, Abele, nali mutu ya lukile. Na shwile. Na shwile, asina mulatu, kakuli nali mwa Nzila. Nali mwa Nzila, inza yemezi sinulo ya niti yana nani. Na buleli. Na huwile! Katulo ya mali a Abele na lila ku nyaza Kaine.

³⁵⁹ Kono Mali a Jesu Krete, na si ka kuhuwa fela, Na liuluzi. Amen! “A bulela lika zende.” A eza mina kuba bana ba bashimani ni basizana. A mi pata kwa buhali bwa Mulimu. Mwabona? Mali a Abele na si ka pata Kaine, mwabona, kono Mali a Jesu akona. Amen!

³⁶⁰ Kacwalo, Kaine wa kale, ataha kacenu, haiba ubile muhanyezi wa Linzwi, ni kubulela kuli, “Mazazi a limakazo a felile. Taba ye ki bukuba kaufela,” ni lika zeñwi.

³⁶¹ A huwa, mwa bona. Mali a Jesu Krete a huweleza, kono kuna ni swalelo ku Ona haiba fela ukona ku A amuhela. Ni lakaza kuli kambe ne lu ka inelela nyanafa taba yeo, mwabona, “Mali abulela lika zende.”

³⁶² Mulumele, kwa buiketo. Mi mu alambe, mwabona. Muluimele kwa . . . Se kona se mu lukela kulumela. Mwabona, ubata buiketo bwa hao. U lumele kwa buiketo bwa hao, mi kipeto ulambe Zibahazo ya lubasi kaufela. Mwabona? U li, “Ni kona kueza cwani zeo?” I kungele Ona! Haiba A beleka ku wena, kona kuli wena ni Linzwi mu ba alimuñwi. Amen! Amen! Mwabona? Mwabona, A belekela bubeli bwa mina. Wena ni Linzwi mu ba alimuñwi, mi mu A lambe fa bana ba mina, mu A lambe fa balatiwa ba mina.

³⁶³ Sina Rahaba mwa na ezelize, atoza zibahazo ku ndatahe, na lambile ku mahe, a a lamba fa mizwale ya hae ni likezeli, ni ku batisa kaufela zona mwahali.

³⁶⁴ Mwa Alamba, muli, “Mulena, Ni latelela mwana ke wa mushimani. Ni ikungela mwanake wa musizana. Na mu nga!” “Satani, aku mu tamulule! Na taha mwa mulaho wa hae. Ni beya Zibahazo yaka, ili Moya o Kenile.” “O Moya o Kenile, o pila kuna, uswale mwana ke wa musizana fani. Ni ka ya ku yena cwale, ka tozo ya Hao fahalimwa ka.” U ka eza cwalo. Amen.

365 Kona se ne ba ezize mwa Egepita. Kona ze ne baezize mwa Jeriko.

366 Mu bata kubala yeñwi, Likezo 16:31. Paulusi na bulelezi nduna wa masole baba mwanda, “Lumela! Ni mulumiwa wa hola yee. Ulumele ku Mulena Jesu Kreste, wena ni ba ndu ya hao mu ka piliswa.” Ki niti yeo? U lumelele ku ba ndu ya hao, ubatise kaufela bona mwatasi. “Cwale mu boni Mulimu wa Lihlimu ha eza makazo. I fapila katulo. Kana mwa lumela?”

“Eeni! Ki sikamañi se Ni ka eza?”

367 Ki hali, “Yema mi u kolobezwe.” Paulusi amu zwiseza fande ni ku mu kolobeza, ali, “Cwale lumela ku Mulena Jesu Kreste, mi wena ni ba ndu ya hao mu ka piliswa.”

368 Kulumela sikamañi? Lumela ku Mulena Jesu Kreste, bakeñisa ndu ya hao, ulambe Zibahazo fa lapa la hao.

369 Konakuli ki sikamañi se mueza ha mu Li beya mwa ndu ya mina? Muzuse masila kaufela mwateni. Amuzwise likoci zekuswani kaufela, ni tuputula, ni makadi, ni makwai, ni mazimumwangala, ni zeñwi kaufela, ni ku li lahela fande a sikwalo, ha mu ya mu lambe Zibahazo; musike mwa yema fela mwa li ku kuza. Eni, sha. Mu li zwiseze fande. Kubina kaufela, ni mikiti, ni lipina za rock-ni-roll kaufela, ni mitende ye maswe ya kale, ni lika za lifasi ze maswe, li lahele kwande, u li, “Lu sweli ku lukisa sikaba se mo.”

370 Sina Jakobo mwa na ezelize, mi ali, abulelela musala hae ni bona kaufela, ali, “Tapisa libyana za hao ni lika kaufela. Kasheza kwahule milimu yeo.” Amen. Jo- . . .

371 Mwa ziba sa na bulezi Joshua a sika silela kale mwabuse? Na ize, “Mutapise liapalo za mina; musike mwa sutelela kwa basali ba mina, ni zeñwi cwalo, ni kuitukisa, kakuli mwa mazazi a malalu lu ka sila Jordani.” Amen. Na sweli kuitukisa, nasweli kubeya zibahazo. Amen. Kona cwalo.

372 Amu itukise. Mu I lambe. Mu I lumele. Mu li kenise. Mulumeleze bana ba mina, mulumeleze lubasi lwa mina, mu lumeleze balatiwa ba mina ba I bone ku wena. Kona cwalo. Li ka ezahala. Eni, sha!

373 Kipeto mulambe Zibahazo mwa tapelo, ka—ka—ka tokomelo, ni kulumela. Mu A lambe ka lilato le li cwalo, ni zeñwi cwalo, kufitela muziba kuli lika ezahala, lika ezahala. Ku felile. Mu Alambe ka sepo, mu nze mu lumela kuli Aka tusa. Ha u ambola ni mwana yani, ha u ambola ku muuna hao, u ambole ni musala hao, ubulele ku mulatiwa yo, lumela kuli Li ka tusa. Yema fela ona foo, n kubulela kuli, “Mulena, Ni ba ngile. Ki ba ka. Na ba tisa ku Wena, Mulena.”

374 A lambe, ni kuipizeza buino boo mwa sibaka sa hao, kuli ba kene fela hande mwa Teni. Mwabona? Oh, wena unani, una ni, haiba una ni Zibahazo, u bupile moyo mwa sibaka sa hao, o

mata, kuli ha u zamaya, batu baziba kuli u Mukreste. Ba lata kuli ubulele nto yeñwi ku bona. Ba lumela linzwi la hao. So bulela, ba si kumalela. Mwabona? Kona cwalo.

³⁷⁵ Lamba Zibahazo, kuzwa fo uzamaye ni Yona. Biza ba ndu ya hao. U swanela kueza zeo ona fa. Ye se li nako ya manzwibwana. Cwale, mubile muteeleza fa nako yetelele, cwale ye ki nako ya manzibwana. Seli nako ya ku lamba zeo cwale. Buhali bu ka suluha, leliñwi la mazazi aa, nako ikabe ifelile. Mwabona? Mulambe Zibahazo, ka sepo.

³⁷⁶ Haiba mubata kubala seo, mubale nto yeñwi fa, Liñolo laka le Ni ñozi ka taba ye, ki kubala Maefese 2:12, mi haiba mubata ku iñola. Mulemuhe, mwa Maefese 2:12, ha mu ka ibala, i bulela cwana, kuli, ha lu sebelezi misebezi ye shwile, kono lu sebeleza Mulimu yapila, ka misebezi yepila. Amen! Oh, mawi! Ka misebezi yepila, lisupo ze pila. Mwa lumela mwa lisupo zepila? Hape mu ñole, Maheberu 9:11-14, haiba mubata ku i ñola ni yona. Lisupo ze pila, misebezi ye pila, mulambe seo!

³⁷⁷ Isiñi lituto za litumelo ze shwile, “Ni ka isa mushimani waka kwa keleke ni kubona kuli wa ikopanya mwa keleke.”

³⁷⁸ Mushimani yomuñwi yomunde fa, mulikana ka yomunde, mulikani wa kale, mutangana yomunde, u—u tile kwanu, na kolobelizwe. Bo mahe bali, “Ni lakaza kuli kambe u ya kwa keleke yetuna, kambe no ka tabela ku—ku kolobezwa.” Mwabona? Mwabona, na sa lati fela lituto za litumelo ze shwile ni lika zeñwi. Mwabona?

³⁷⁹ Ha lu sebelezi lituto ze shwile ni milimu ye shwile. Lu sebeleza Mulimu yapila Yoo Mali a hae na suluhile kwa mulaho kwani, mi Zibahazo ibeilwe ku luna, kuli ni luna lupile cwalo. Amen. Eeni, sha!

³⁸⁰ Musike mwa sebeleza lituto zeñwi za litumelo. Bona mane ba latuzi lika ze cwale ka Zibahazo. Ba li, “Mazazi a limakazo a felile. Hakuna nto ya kuli kolobezo ya Moya o Kenile.” Kiñi zo ka i kopanyeza kwa nto yecwalo? Mwabona? Musike mwa eza cwalo.

³⁸¹ Amulambe Zibahazo, kutuha foo, “sebeleza Mulimu yapila,” kwa misebezi yepila, lisupo zepila; lisupo ze folisa bakuli, ze susa bafu, ze bulela lika ze sa taha, kubulela ka malimi, ku toloka, ka nako kaufela liba ze petehile, bupolofita ni kubulela *se* ni sa *kuli* li ka ezahala, kubonisa lisupo mwa lihalimu, ni mwa lifasi, lisupo ni ze komokisa, amen, kubulela hande se ibulezi Bibebe kuli si ka ezahala. “Sebeleza Mulimu yapila,” lamba Zibahazo!

³⁸² Musike mwa ya kwa likeleke zani ni ku ikopanya kwa misebezi ye shwile yani ni lika ze cwalo, kakuli mane ha ba lumeli mwa lika ze cwalo sina sa sisupo. Kono luna baba lumela, amen, lwa ziba cwalo. . . Ba li, “Hakuna sika se si cwalo kuli sisupo. Kuli, oh, oh, bwani ki bukuba. Se ba bulela kulo kwani, ki kulyangana. Kiñi, hakuna nto ye cwalo. Kiñi, mina basali

koo, oh, mina—mina, kiñi, hamuna ku . . . Ki ufi mutinelo wa mina . . . ?” Ku cwalo. Bibebe ibulezi ona cwalo. “Kana milili ya hao ina ni sikamañi . . . ?” Bibebe ibulezi ona cwalo.

383 Yeo, yeo fela kona shutano, mwabona. “Usike wa swala, usi swali, u si lwazi.” Yena ki Mulimu. Mwabona? Cwale, si talusa nto yeñwi.

384 Cwale, ba nahana kuli ki bukuba. Kono ku luna baba lumela ni kuziba Niti, lu ziba kuli Ki Kubateni kwa Hae kokupila, kakuli Li eza lika zeswana za Na ezize ha Nali fa lifasi faa. Amen.

385 “Oh,” ba li, “ba nahananga fela kuli basweli kubona Siita sa Mulilo sani.” Oh, batili! Oh, batili! Hakuna se lu ikupulelanga fela.

386 Ne ba hupula kuli Paulusi nasweli fela ku nahana kihona ka Zona, ni yena. Egepita na hupula kuli Isilaele na I nahana fela, kono ne I ba isize kwa naha ya sepišo. Eeni, sha! Haluna . . .

387 Maheberu 13:8, mwa ziba, “Jesu Krete ki ya swana maabani, kacenu, ni kuyakuile,” haiba musweli kuñola, zeo, mwabona, kuli, “Wa swana.” Haki—haki ha—ha ki zeswana . . . ka mukwa wa kunahana fela.

388 Ha Ni ñola Mañolo a fa Ni añola hande, Na ziba ko kuinzi Mañolo, mi kona mo Ni fitelanga ku ona. Mwabona?

389 Kuziba kuli ki Pata ya Hae yepila, kakuli U eza zeswana mwa Moya wo. Cwale, haiba li kena mwa lituto zeñwi za litumelo kamba za kopano, lu ziba hande kuli ha ki Krete. Ki niti yeo nji? Haiba Ni mi isa kwa tuto yeñwi ya tumelo kamba nto, isili fela, Ne ni ka biziwanga kopano ye ni kopano ye. Kono ha Ni mi luti lituto za litumelo, mi ha Ni mi luti za likopano. Ni mi luta Linzwi la Mulimu, ili ona mata a zuho ya Jesu Krete ya bonahalile, isiñi fela ku na, kono ku ya lata kaufela. Mwabona? Kuli mina . . .

390 Ki wena muzwale waka. Ha ni mutu yomutuna, mi wena kuba mutu yomunyinyani. Luna kaufela lu batu babanyinyani ku Mulimu. Mwabona? Lu bana babanyinyani ba Hae. Hakuna ze lu ziba, ka mo lu swanela kuzibela. U lu zibisa ka Mwa latela, mi lwa itumela ku Yena ka ze lu ziba ka za limbuyoti za Hae. Mi ha Ni ikabela se ka na muñi; Ni bata kuikabela hamoho ni mina. Mwabona? Ni bata kuli mukene ku Yona, mi Ni bata kuli mu amuhele Zibahazo ye. Mi haiba ha u si ka eza . . . Buñata bwa mina, buñata bwa mina, mu ezize cwalo. Kono haiba babañwi ba mina ha ba si ka eza . . .

391 Mwabona, Ni bulela fa tepu, nina, mwa utwisisa. Mi buñata bwa yona . . . Mi ha Ni buleli zeo mo mwa keleke; kaufela luna lu zwile, na sepa. Kono hakulata kwa kona ku ba likitikiti ni babañwi baba ka utwa tepu, mwabona. Mi, yeo, ki bulumiwa. Ku kaba mutu ya ka picukela mwa Jeriko, mwa ziba, ni tepu,

kacwalo lu bata ku—lu bata kuswala Peu ye leliwwe pili yani ha i ka kena mwani, mwabona, kakuli buhali bwa taha.

³⁹² Muzibe kuli ki Pata ya Mulimu yapila, kubonisa kuli Mulimu u Mu zusize kuya ka Linzwi la Hae la sepiso. “Fa nako nyana lifasi halina ku Ni bona hape. Jeriko, Egepita, habana ku Ni bona ni kamuta. Kono he mina mu ka Ni bona, kakuli Nika . . .” “Na,” ki tulokaandina twa butu, kona mo i bizwa cwalo, mwabona. “Ni ba ni mina. Kina Zibahazo. Zuhu yaka kona Zibahazo. Misebezi ye Ni eza ika mi zibahaza, ika Ni paka ku mina.”

³⁹³ “Sina mo ne kuinezi mwa mazazi a—a Lota, kona mo ku kabelana ni ha taha Mwana mutu, ki foo Liñusa la manzibwana ha li ya.”

³⁹⁴ “Kakuli ku kaba Liseli ka nako ya manzibwana. Bukaufi fela ni nako ya manzibwana, Liseli li ka taha.” Oh, kanya ku Mulimu! Si ni eza kuikutwa inge Ni katana mpi ni tulela fahalimwa lukwakwa. Mwabona? Mwabona? “Ku kaba Liseli ka nako ya manzibwana.” Yeo ki niti. Mupolofita na bulezi cwalo.

³⁹⁵ “Mi Ni kaba ni mina. Ni kaba mwa lusika lwa Luther; Ni kaba mwa lusika lwa ba Wesleyan; Ni kaba mwa lusika lwa ba Pentekota; kono ka nako ya manzibwana, ku ka taha Liseli.” Likopano li ka fela, mi cwale mi cwale Zibahazo i ka lambiwa. Mi kaufela baba sepahala mwa lipilu, mwahali mwani, kusina—kusina mina habana ku—ku eziwa baba petehile. Kono ku mina . . .

³⁹⁶ Kuswana sina toho mo ina ni kubela, kunga lihutu. Toho ina ni kuya, kuli ilwale lizoho. Toho ina ni kuya, kuli inge pilu. Toho ina ni kuya, kunga sibaka sa mulomo. Mwabona, toho ina ni kuya.

³⁹⁷ Mi cwale lu mwa nako yeo zibahazo ne ibeilwe fa sikwalo, mwabona, ni fa misumo. “Mi cwale ha Ni bona mali, kakuba yona zibahazo, Ni ka mi fitelela.”

³⁹⁸ Ni ka akufa cwale, kapili fela mo Ni konela cwale. Mwendi ka mizuzu ye ketalizoho fela, kamba yelishumi, lu ka feza.

³⁹⁹ Kubonisa kuli Mulimu na Mu zusize kwa bafu. Mwa lumela cwalo? Wa pila mwahala luna kacenu. Ni kuli “Na” ki Kreste. Mi yani yali “Na” una ni luna kuisa kwa mafelelezo a . . . i bulela kuli *maungulo*, ili kutalusa kuli, “mafelelezo a lifasi.” “Ni ka ba kwa mafelelezo a lifasi,” kuya ka Linzwi la Hae la sepiso. Na sepisize cwalo. “Mi misebezi ye Ni eza muka ieza ni mina.” Ha ki bukuba ku luna. Ki yona Zibahazo. Ki yona Zibahazo.

⁴⁰⁰ Lu amuhela sitabelo se si kenile sa Mali se. Lu amuhela Mali a Hae a sitabelo, mi ni kufa . . . Yena ya lufa Bupilo, ili Zibahazo, liswayo la sepiso ya Hae. Maefese 4:30, ili, “Musike mwa halifisa mali”? Batili. “Musike mwa halifisa Moya o Kenile, ili ka ona . . .” [Kopano ili, “Kuswaiwa.”—Mu.] “Kubeiwa mwa bulikani, kubeiwa kusili.” Mu swailwe mwa bulikani. Mu

swailwe. Ki Zibahazo, ki Moya o Kenile, yekaba Swayo. Sika kaufela ha si swailwe mwahala liswayo, ku hande musike mwa si tibulula. Hamukoni ku si kwalula, mina, isiñi Liswayo la Mulimu. Batili. Mwabona? Kakuli mu. . . “Musike mwa halifisa Moya o Kenile wa Mulimu, ili ko mu swailwe kuisa lizazi la kuliululwa kwa mina,” fo mubili ha u ka zuha.

⁴⁰¹ Ki peu, sisupo sa kuli peu i melile ka Bupilo Bobusafeli, “Zoe, ‘Bupilo bwa Ka Tota,’ mi Ni ka bu zusa hape ka lizazi la mafelelezo.” Mi ha mu zamaya cwalo, muna ni sepo yakuli Bupilo bwa Krete bu ku mina, mi muinzi ku Yena. “Ka Moya ulimuñwi luna kaufela lu kolobelizwe mwa Mubili ulimuñwi, ni kuswaiwa mwani ka Moya o Kenile,” mwahala balumeli ba cwana, “kufitela lizazi la lu zusa Jesu.” Oh, mawi! Mulambe Zibahazo. Kona ze italusa ku luna. Lu kulubela kuli Sitabelo se si lufa Bupilo, mi Sa eza cwalo. Mi Si lufa Zibahazo, mi lu lamba Zibahazo, ili Liswayo kufitela. . . Ka kuba—kuba ni kabelo ku Se, ha ki taba kwa butuna ni yeo, ka kuba baci ba sanda, lu kolobelizwe ka Moya ulimuñwi wo, kukena mwa kun-. . . mwa Mubili wa kunutu wo.

⁴⁰² Kikuli Ni bulezi linzwi leo hande, *mukunda*? Kunutu, Mubili wa kunutu, Mubili wa kunutu wa Jesu Krete. Mwabona, Moya o Kenile noize, “U bulela ka mafosisa.” Sitimbi ya cwale ka na, kono U bulezi kuli, “U bulela ka mafosisa.” Ni bizize kuli, “*mukunda*,” wo ki Mubili wa kunutu wa Jesu Krete, mwabona, Mubili wa kunutu wa Jesu Krete. Ha ni. . . Ha lu tokwi tuto; lu tokwa Moya o Kenile. Ki yena Anosi. Mwabona? Ki yena Luli. Ehe, mwabona, yani mwendi. . . ne i fitile ku mutu yomuñwi kokuñwi, muituti yomuñwi, cwale, Ni sepa kuli wa li utwa hande. Mubili wa kunutu! U kaba kwa sesiñwi, kakuli Na si ke kubulela cwalo. Mwabona? Uteni ona fa cwale. Uteni ona fa katala fa. Uteni ona fa. Ki Yena. Mwabona? Whew!

⁴⁰³ Mi ku Yena hakuna lifu. Ku Yena hakuna maswabi. Ku Yena hakuna kukatala. Ku Yena hakuna sibi. Ku Yena hakuna matuku. Ku Yena hakuna lifu. Lu inzi ku Yena! Haiba Satani ulika ku ku fa nto yeñwi, sina butuku, unge fela Zibahazo ya hao ni ku I beya. Oh, mawi! Unge Zibahazo ya hao ni ku I lamba, kuli u sibyana se si lekilwe sa Jesu Krete. Zibahazo i yema kuli tifo ya hao ilifilwe.

Yena uli, “Ha u shwa, u latehile.”

⁴⁰⁴ Uli, “U fosize. Ni na ni sibyana se si lekilwe. Ni sibyana se si lekilwe. Nina ni Zibahazo.”

“Zibahazo ki sikamañi?”

⁴⁰⁵ Wa ziba seo sili Sona. Musike, mwa angabazwa ki yena. Wa ziba seo sili Sona. Cwale, wakona kuambola ni baktutazi babañwi baa, mi ba ka ku kananisa. Isiñi Satani; yena wa ziba hande. Mwabona? Oh, eehe. U tilo lilwanisa, linako zepeli kamba zetalu,

mwa ziba, ni kuba ni mafosisa, a muliko. Satani wa ziba zo sweli kubulela. Bonisa fela Zibahazo yani, uka fufa. Eeni.

406 Kakuli, ki sikamañi seo? Ki sibyana se si swailwe. Hakoni ku kwalula sani, ni kufa sesiñwi mwateni se si si ka luka. Kuli, “Zwisa mazoho a hao! Ni swaile.” Oh, mawi! Ki sibyana se si swailwe! Eeni, sha! U lekilwe. Swala Zibahazo ya hao ka tumelo ye sa zikinyehi mwa sepiso ya Hae, mu mubone ha ya cwalo. “Tapelo ye tukufalezwi ya mutu ya lukile ina ni mata!” Mwabona? Mwabona? Nga Zibahazo yeo. Kona ze ibezi teñi. Satani ubezi teñi kuli aku like.

Nali mwa Egepita, ku yo lika.

407 Kiñi, mwa ziba, zazi lani fani Rahaba hana beile lihule lani. . . Lihule na pahekile lisila lani, ona muhala wani, Ni akaleza kuli masole babañwi ne ba sehile ni kueza lisheha, bali, “Musali muhulu yani fani! U lyangani mwa toho. Mutalime, u ipeile mwa butata mwani. Ha, ha, ha! Kiñi, kana mukile mwa utwa ze cwalo? Kiñi, Dokota Jones naize, kulo kwanu, ‘Hakuna nto yeñwi ku sani.’” Kono nekuna ni, kakuli mulumiwa yazwa ku Mulimu atisa liñusa mi aba bulelela.

408 Mwakona ku nahana Maegepita ha bali, “Kubonahala inge. . . Bali, amubone sikwata sa likuba zani ze pikuluha, kulamba mali! Ha, ha! Kana habana kuba ni mafosisa, ku yo tapisa zani cwale! Oh, mawi! Mandu amatuna amande ani a kwahezwi ka mali! Oh, kununka ko ku cwalo! Ni ku bulelela kuli i kaba bumaswe ka mazazi nyana. Halina kutalusa sika. Kana mwa ziba? Ndate ya kenile wa *Kuli-ni-kuli* ubulezi cwalo.” Kono ne ku nani. Ne kuli cwalo. Ne si sa talusi sesiñwi.

409 Si talusa nto yeñwi ku luna baba lumela. Mwabona? Muhupule fela tumelo ya mina ye sa zikinyehi ye munani mwa Linzwi le! Cwale, ha u Eva ni hanyinyani. Mwabona? Ha u alimuñwi wa baba kakanya bani, mi, kihande, ku keshebisa ni Satani. U swale Linzwi la Mulimu kaufela. Mwabona?

Eva ali, “Kihande, Mulena ubulezi cwalo!”

410 Satani ali, “Kono, wa ziba, Mulena kaniti haana kueza sika se si cwalo ku mutu yomunde sina wena. Oh, u yomunde luli. Nasike kueza cwalo.” Oh, eeni, Uka eza, mane. U bulezi kuli Uka eza ona cwalo.

411 “Kihande, bo ndate neli bakutazi. Ni bile mukutazi.” Na—Na hanikoni ku i kambusa. Kusina Zibahazo, mu latehile. Buhali bu ku wena, mwabona, ku felile, kusina Zibahazo. Mwabona? Ehe. Na ize kuli Uka eza cwalo, mi Uka li eza. Kuli, seo fela sa lifeza. U li Uka li eza.

“Oh, Ni lumela kuli mazazi a limakazo. . .”

412 Eehe, kono Na bulezi kuli ne kusi cwalo. “Ni ya swana maabani, kacenu, ni kuyakuile,” mwabona, sani kona fela Sa bonisa kuba sona.

413 Cwale, ku luna, lwa ziba cwalo. Ku bona, ha ba Li lumeli. Kono lwa Li lumela. Lu ziba kuli ki yona Niti. Mwabona?

414 Cwale, ka kuba ku sani, lu ba siemba sa Linzwi. Mi kipeto unge Zibahazo, ili Moya, fahalimwa sepiso yakuli, “Kina Mulena ya ku folisa.”

415 Cwale muitukiseze sebelezo ya foliso busihu boo. Mwabona? Amuhela Zibahazo, I beye fa Linzwi, fa tumelo ye sa zikinyehi fa Linzwi lani, u ka zwa. Cwale, Zeo ki—Zeo kona lika zateñi ze mubeya fande, kakuli ku Yena hakuna ze cwalo.

416 Kambe Ne ni ka paka hanyinyani cwale, kwa lika zeñwi ze Ni boni ha liezahala mwa lisunda nyana fela zefitile. Mwabona? Mwabona? Oh, se Ni kona kupaka ka sona!

417 Mwa ziba, mi Luka naize, “Haiba kaufela za na ezize Jesu li ka beiwa mwa libuka, ki . . . hakuna libuka zeñata mwa lifasi ze kona ku likana litaba zateni.”

418 Ze Ni boni fela mwa bulumiwa bwa ka, ze ni Muboni inza eza, hamukoni ku pakica libuka fa katala fa. Haiba Ni ñola ka kutala kwa butungi ze ni Mu boni aeza mwa bulumiwa bwaka, ni Mu boni ha lieza. Mwabona? Nana na ni kupunyuha kokutuna mwa bulumiwa bwa ka kufita za Na ezize ku bwa Hae Tota. Ye ki niti. Ye ya tepiñiwa. Cwale, muhupule, Una ni zetuna cwale, isiñi na; ki Yena. Kanya! Haleluya!

419 Nana ni zeñata mwa Jeffersonville kufita mwa Na ezelize mwa Nazareta. Na ezize cwalo mwa muleneñi o maswe wani ni ona muleneñi o maswe wo. Amen! Kanya! Kakuli, “Kwani na si ka eza limakazo kwateni,” kono U ezize kwanu. Mafelelezo a kona ku to fita kwanu. U liezize kwanu. Hakulata wakona kuisa sicaba kusili fela, kono U—U ezize cwalo, nihakuli cwalo. Kacwalo, U bile ni zetuna kulo kwanu kufita za Na bile ni zona mwa—mwa Karpenauma kamba—kamba Nazareta, ku zeo. U ezize limakazo zeñata ona mwa tabernakele mo kufita za Na ezize mwa bulumiwa kaufela mwa lifasi. Yeo ki niti, U ezize cwalo. Cwale kucwani he ka lifasi kaufela? Oh, mawi! Cwale kona sa Na ezize.

420 Cwale muhupule, “Na” ezize. Cwale, ha i si kabulela kuli ki Na ya li ezize. Ne ni sa ezi fela. Na i peya fela ku Yena, ni kubulela sa Na bulela, mi Moya o Kenile wa ya kwa batu babañwi mi ba lumela sa Na bulezi, mi cwale ki Ha eza musebezi. Ku felile.

421 Haiba Akona kunga luna kaufela ku lumela cwalo! Ki sikamañi Sakona kueza cwale haiba Akona kunga luna kaufela kawala, kucwalo? Nekusike kwaba mutu ya fokola mwahala tolopo. Yeo ki niti. Haiba Na ka nga batu kaufela ku lumela cwalo, kaufela zeo li ka fela. Mwabona?

422 Swala Zibahazo ya hao fa tumelo ye sa zikinyehi mwa Linzwi la Hae la sepiso, mi Satani uka zwa.

Cwale Ni ka kwala cwale.

423 Mulimu nako yeñwi akile afa zibahazo yeñwi kwa lifasi; neli nambwamutalati. Mwa hupula cwalo? Yena kamita, uba ya sepahala kwa zibahazo yani, kakuli U li file kuba zibahazo. Ona myaha ye likiti ze kaufela, Ha si ka palelwa kubonisa zibahazo yani. Kana ki niti yeo? Kiñi? U li kutekile. Na li file. Na file lifasi zibahazo kuli Ha sana ku sinya lifasi ka muunda. Mi U bile cwalo kamita, kamita, kuzwa ka lizazi lani, na bonisize.

424 Kuna ni likalulo zeñwi mwa mbyumbyulu, ze eza nambwamutalati yani. Ha i nela, mi lizazi la pazula, sani sa bonisa lika. Lizazi la omisa pula, kacwalo U beile nambwamutalati mwahalimu mwani kubonisa kuli ha ku koni kuba mezi amañata aka nela mwa lifasi ku li yundisa hape. Bwani kona bulikani bwa Hae. Ki zibahazo. Na ize, “Ni ka kufa yona kuba zibahazo.”

425 Na kutekile zibahazo ya Hae. Na kutekile zibahazo ya Hae mwa mazazi a Nuwe. U sa i bonisa ni cwale. Na kutekile zibahazo ya Hae mwa Egepita. A i kuteka mwa Jeriko. U sa I kuteka ni kacenu. Yena kamita ukana akuteka zibahazo ya Hae ha i bonahalile.

426 Ona myaha ye likiti ze kaufela, U latile kubonisa zibahazo yani. Ha si ka ilibala. Ha libali zibahazo ya Hae. Cwale, hakuna taba kamba lifasi li cinca cwani, nambwamutalati u sa li teni. Mwabona, U kuteka zibahazo.

427 Kona mwa Ezeza ni cwale, U kuteka Zibahazo ya Hae. Hakuna taba kamba keleke i cinca cwani, kamba ieza cwani lika ze; Mulimu u sa kuteka Zibahazo ya Hae, kiyona fela. U lubonisa kuli Ha palelwi ku kuteka Sa eza ni Sa bulela. Lwa lumela, lwa—lwa kuteka Sani. Na si kuteka.

428 U lu kulubela hape kuli lu bonise Zibahazo ya Hae ka tumelo ya luna, ku Satani ni misebezi ya ku sa lumela kwa hae kaufela ni likopano, kuli lu lumele kuli sepiso ya Hae ki ya niti, mi Uka eza sa Na sepisize kueza. Yani kona Keleke.

429 Ki kabakaleo ha ba koni kufita fa mayemo a makalelo kwani, sina mo lu li bizeza; mu ni swalele ka mubulelelo woo. Ki kabakaleo ha ba sa fiti fahule kono ba kutelanga fela kwa kopano ni kuba fela sicaba se si ziba kutina, sicaba se si kona kukaba hande, sa baika baba itutile. Hakuna ko bakona kuya, kakuli kona fela ze ba bonisa, “Ni wa Methodist. Ni wa Presbyterian.” Kona fela ze ba li zona.

430 Kono balumeli ba amuhela Zibahazo! Mi sa na kalile kueza Jesu kwa Galilea, U tundamena kueza cwale ka ponahazo ya Hae ya Zibahazo, ya Moya o Kenile kukutela fa Keleke. Kakuli, ne si likezo za baapositola, neli likezo za Moya o Kenile mwa baapositola, mi yani neli Zibahazo.

431 Ne ba bulezi kuli nebana ni ku utwela Pitrosi ni Jakobo, sina mo ne ba. . . Pitrosi ni Joani, hane ba fitile mwa munyako o bizwa Omunde, ka kubona kuli nebali litimbi. Ne ba ka li,

“Nata, usike, taba, libelela, lwala, shimba. Ni ka mi bulelela ka se.” Mwabona? Ne ba kaba ni mifutrra ya sikuwa kaufela sene ba sa utwisisi. Hakulata ne ba sa zibi shutano, kaufela ka za—za . . . lipalo za Mañolo. Kono ne ba to lemuha kuli nebali ni Jesu. Ne ba kona kubonisa Zibahazo yani, kakuli ona Moya o swana onoli ku Yena, kusikaba kale kutakiswa kwa Hae, nali fahalimwa bona kasamulaho wa zuho. Amen!

⁴³² Konakuli seo si Mu eza kuba Maheberu 13:8, “Jesu Kreste yaswana maabani, kacenu, ni kuyakuile.” Kuna ni mo lu zibela kuli Wa pila. Kakuli kiñi? Kana luziba cwani kuli lwa pila? Kakuli Wa pila. Mi kakuli lu ziba kuli lwa pila, kakuli lu swana sina Yena, mi lu ku Yena. Mi ki Hali, “Kakuli Na pila, ni mina mu ka pila cwalo. Kina Yena,” mwa Sinulo, “yana shwile, mi na pila kuyakuile.” Mi haiba—haiba lu shwa ku luna bañi ni kuba baba pila ku Yena, lwa pila kuyakuile. Mi kipeto Bupilo bwa Hae ku luna buswana fela sina bupilo bwa sika sifi kaufela, Bu bonahalisa sa Nali sona. Mi seo si Mu eza kuba ya swana maabani, kacenu, ni kuyakuile.

⁴³³ Cwale mukona cwani, kanti ba latula Sani? Kikuli hamuboni kuli, “misebezi ye shwile”? Kusebeleza Mulimu yapila, ka Kuyakuile. . . Ni talusa kuli, bulikani bwa kamita bwa Bupilo bone buli mwa Mali a Jesu Kreste. Cwale ni ya kwapili, kuliba kwa mafelelezo, Na . . . Kihande, Na lumela, lu ka tuhela fela. Mwabona, ku bonahalisa Zibahazo ya sishemo sa Hae, lilato la Hae! Cwale, kusina Zibahazo ye lambiwa . . .

⁴³⁴ Cwale, ki Zinahazo. Zibahazo ki nto mañi? Zibahazo ki sisupo sa sikoloti se si lifilwe. Teko ye tokwahala se i lifilwe. Mulatu wa kupiliswa kwa luna neli lifu, mwabona, mi hakuna ya na kona kulifa kwanda Kreste. Mi isiñi mo—mo moya wa kopano, isiñi moya wa popu, isiñi moya wa mutu yomuñwi kamba mutoziwa yomuñwi; kono Moya wa Jesu Kreste, fa Keleke, ki Zibahazo yakuli sikoloti si lifilwe mi U fitile fa mayemo kaufela ao Mulimu na bata, mi luna ni Yena lu nto iliñwi. “Zazi lani, mu ka ziba kuli Ni inzi ku Ndate, mi Ndate u ku Na; Na ku mina, ni mina ku Na.”

⁴³⁵ Lamba Zibahazo! Lamba Zibahazo ya zuho ya Hae. Kuli, kakuli Na zusizwe bakeñisa kuluka kwa luna, U lu zusize ni luna hamoho ni Yena. Mi cwale luinzi mwa libaka za Mahalimu, ku Kreste Jesu, mwatasa kutwano ya Zibahazo.

⁴³⁶ Sina Isilaele mwa nainezi kwani, ni mihuwo inge izwelapili, mwa mikwakwa, nebasina nihaiba nto yekana kwa kubilaela ka yona. Nto fela, mube fela hande kuli mali, yona zibahazo, ne i boniswa.

⁴³⁷ Yani kona fela nto inosi yeluna ni kubilaela ona fa cwale. Kuna ni butata mwa—mwa nzila, kuba, ni balikani. Hakuna kunga nako yetelele, butata bu ka suluha. Mwa ziba cwalo. Mubone kuli Zibahazo ya bonisa. Mi Zibahazo ki Moya o Kenile.

“Kakuli ka Moya ulimuñwi luna kaufela lu kolobelizwe mwa Mubili ulimuñwi, mi lu ezizwe bo muca sanda ba kanya ya Hae,” fa Naha ya luna, Hae, lu liba cwale kwa Naha ya sepiso.

⁴³⁸ Kana mwa Mu lata? [Kopano ili, “Amen.”—Mu.] Mwa lumela Zibahazo? [“Amen.”] Ki babakai baba tabela kubulela kuli, “Oh, Muzwale Branham, ni lapelele kwateni, kuli Ni tahe mwatasa Zibahazo ye?” [“Amen.”]

Halu inamiseñi litoho zaluna.

⁴³⁹ Mulena Jesu, Ya Musa Kufitelela! Fani lifasi hane lili mwa sibi, mi nekusina yana kona kutusa, Mulimu, ka sishemo, abonisa, ka mufuta, kuli ne kuna ni Zibahazo ye ne taha ye ne ka takula sibi; isiñi fela ku apesa, kono na kona kutakula. Mi Jesu natile ka nako ye lukile, mi A sulula Mali, Bupilo bwa Hae Tota, kunga. . . ku lueza swalelo ya libi za luna, mi ni ku Mu tisa mwa mufuta wa Moya o Kenile, ili yona Zibahazo cwale ye lukela kabejwa kwa Keleke kufitela A taha. Kakuli Muapositola Pitrosi naize, “Sepiso i ezelizwe mina, ni kwa bana ba mina, ni babali kwahule kaufela, mane ni babañata be Mulena Mulimu wa luna akabiza.”

⁴⁴⁰ Mulena, ka sishemo sa Hao, tuso ya Hao, Ni bulela kuli mutu kaufela ya utwa Liñusa le. Na batisa ku Mulimu, Na Ku lapela, Mulena, sibeli sa mo kakusasana cwana ni bani baba ka teezeza fa tepu. Mi haiba kuna ni Peu kai kamba kai, ye leliwwe kale, Mulena, kuli bautwe Linzwi la lizazi la mafelelezo le, ha ba tahe cwale, ka bunde ni ka kuishuwa, ni kubeya lituwelo za bona fa sifapano, kamba zabona luli, sina mupuzo wa sishemo sa Mulimu se si ba bizize. Mi ha ba tazwe ka Moya o Kenile ni kubonisa Zibahazo ya Bupilo bwa Jesu Krete mwa zuho ya Hae, haibile fela ba sa liteni fa lifasi. Lumeleza cwalo, Mulena.

⁴⁴¹ Manzwi a, Mulena, Hakulata ha ni si ka Abulela hande. Mi haiba ha Ni si ka eza cwalo, Ni lapela kuli Moya o Kenile ange Manzwi ao ni ku Atisa ka nzila ye Yalukela ku tahiswa ka yona, kuli sicaba si utwisise mi si zibe, kusina pilu seta. Mi ha ba zibe kuli lilato la sikulula. Ni kuli ba kone kuziba kuli ki bakeñisa hola ye lupila ku yona, ni kutaha kwa Mulena ko ku sutelezi, mi lubona maseli amatuna a bufubelu ha monyeha, mwa lifasi kaufela, kuli nako i fa kaufi.

⁴⁴² Mi sicaba ha si amuhele Moya o Kenile zazi le! Na lapela, ni kubatisa ku Wena, ka Libizo la Jesu Krete. Mi ha Ibe Zibahazo ku luna haibile fela lupila, zo No sepisize kuli Li kaba teni. Ikona kuba bunolo kubuza, kakuli U sepisize kuli Lika ba cwalo, mi Ni ziba kuli Li ka konahala. Ka Libizo la Jesu lwa lapela. Amen.

Cwale, ni litoho zaluna ze inami, fa muzuzu fela.

⁴⁴³ Ka tumelo, ka kulumela, Ni mi lapelezi, kaufela mo Ni zibela. Ni—Ni lapela ka busepahali, ka mo Ni zibela kulapelela zateni kaufela.

444 Mutalime, Na ziba cwalo. Mwa ziba kana? Ki za bulishumi za mina ni linubu ze Ni pila ka zona. Ki tuso ya mina, mo kwa kekeke, kuli Ni na ni mutu wa ku kutaza. Ki lilato la mina, ni “ma amen,” amina ni tamahano ya mina. Ni manzwi amina a mande mwahala lifasi ko muyanga kwani, kwa litolopo ze shutana mwa naha, ki manzwi a mina atusa kuisa Liñusa. Ki mina. Luna lu ba balikani ku se, ni Kreste. Lu mizwale ni likezeli, mi ki Yena Mulena luna. Mi Na mi lata. Na—Na—Na—Na, ko Ni inzi, Ni bata kuli mube teñi ni mina. Ni na ni kupota pota mwa naha, kuli ni ambole ku mina fa linako nyana. Ni bata ku kopana ni mina kwanu la Sunda kakusasana. Na mi lata. Ni bile ni mi lata kamita. Fokuñwi Ni na ni kubulela ka kuhlifa, kono ki sikuluho fela. Mwa bona, ki mukwa fela kakuli Na mi lata, mwabona, mi ha Ni lati kuli mu Li mbwinje. Mina, hamu lukeli kuezwa cwalo.

445 Cwale, ka bunde fela ni ka bunolo, ka se sili mwa lipilu za mina kaufela, mwahali mwatasi mo, mu Li amuhele fela. Muli, “Mulena Jesu, ona fa cwana nga ze li kuna kaufela, ze sa swani ni Wena, mi tuhela kuli ni zwise muikuhumuso waka kaufela, kaufela ze li ku na, lizwe. Masila kaufela, ku sa lumela kaufela ko kuli ku na, Na—Na li zwise cwale, Mulena. Na li lahela fela fande. Mi lumeleza Moya o Kenile omunde wa Mulimu, oswana sina liiba, u zamaye mwahali kuna. Ni—Ni bata kupila Kuyakuile, Mulena, mi Ni—Ni bata kuli U ni tuse ka nako ye. Lumeleza cwalo cwale.”

446 Hamunze mu lapela, mi luka ñuñuna pina ye, kamba ku iopela ka bunolo, hamoho, *Na Mu lata*. Mi, muhupule, itaha ka lilato, kakuli Yena u lilato. Ha Ni beya mazoho aka fa litaulo ze, kakuli sicaba sa kona ku li nga busihu bu si ka fita kale.

Na Mu lata, Na Mu lata
Kakuli U ni latile
Ni kuleka puluso yaka
Fa kota ya Kalvari.

Na Mu lata, Na Mu lata
Kakuli U ni latile,

Cwale beya fela bupilo bwa hao ku Yena.

Ni kuleka puluso yaka
Fa Kalvari. . .

447 Lilato, lilato, mu Mulate. Mwabona sa Mi ezelize. Ki ka lilato. Lilato litisa ku utwela. Lilato litisa peezezo. Lilato litisa linyalo. Mi koo kona ko lu libile: Mulalelo wa Linyalo wa Ngunyana. Ni utwa Mupulusi waka wa biza, kuli Wa ni lata, nina.

. . . na, nina.

Na . . .

448 Ka pilu ya hao kaufela, utwa fela Sika se sinde se si taha ku wena. Woo kona Moya o Kenile.

Kakuli U ni latile
 Ni kuleka puluso yaka
 Fa kota ya Kalvari.

449 Haiba. . . Ni ka nanula mazoho aka, ni sicaba, ni lipina.
 Haiba Ni ezize sibi, haiba Ni ezize sika kaufela ka mafosisa . . .

Na mi lapelela cwale, ni kuitapelela ilina.

450 Haiba Ni ezize sika kaufela se si fosahalile, lizoho laka ku Wena, Mulena, kotalusa kuli Ni swabile. Lizoho la ka ku Wena, Mulena, kotalusa kuli ha Ni—Ne ni sa lati kuezwa cwalo. Mi Ni ziba kuli Na shwa, Mulena. Nina ni kuzwa mwa lifasi le, mwa buino bwa nama. Ni bata ku yo Ku katanyeza. Lizoho laka litalusa, u linge, Mulena. U ni taze ka Moya. Uni fe Zibahazo ya lilato la Hao fahalimwa ka, ona Moya o Kenile, o ka ni tusa kupila ha munati, ka musa, ni tuse kupila Bupilo bo ne buli ku Kreste; kuli pilu yaka ituke ni kuciseza babañwi, kuli Hanina fela kupula mane, musihali ni busihu, kufitela Ni ka biza mutu kaufela ye Ni kona. Ni kaba sina balumiwa kwa Jeriko; Ni ka ya ku mutu kaufela yo Ni kona, ni kubona haiba Nakona kuba tisa mwatasi a bulikani bwa Mali, mwatasa Mali a Ngunyana, kuli bakone kuamuhela Zibahazo.

451 Mwabona, Mali a kenisa. Moya kona Zibahazo yakuli Mali a lambilwe. Mwabona? Moya kona Zibahazo yakuli Mali a lambilwe. Kufitela Mali a lambiwa, ona—ona Moya haukoni kutaha. Kono cwale Mali ha sa lambilwe, konakuli Moya kona Zibahazo, ku u luma kukutela ku wena, kuli tumelo ya hao mwa Mali i amuhezwi, tifo ya hao ilifilwe. Tifo ya hao i lifilwe. Ku felile. Taba ifelile. U Mukreste. U mulumeli. Kreste uteni ku wena, mi uinzi ku Kreste.

. . . uni latile
 Ni kuleka puluso yaka
 Fa kota ya Kalvari.

452 Ka lipilu za mina ze inami cwale fapila Mulimu; mulisana wa mina, Muzwale Neville, ka manzwi a hae a kukwala ni sa ka bulela.

453 Muhupule lisebezezo busihu bwa kacenu, sebezezo ya foliso. Mutahe ka kuitahanela. Lu kale ka sebene, mu ni bize fa katala ka sebene-seti. Kana ku lukile, Muzwale Neville? [Muzwale Neville uli, “Ki hande.”—Mu.] Cwale lu kaba ni mulalelo, mwa bona, busihu boo. Mutahe!

454 Musihali wo, muine hande ni Lona. Musike mwa lumeleza kuli Liñusa le li mi siye. Muhupule, musike mwa lumeleza Liñusa le ku mi siya!

455 Mali i kaba Zibahazo yakuli Bupilo bu filwe. Mwabona? “Mi ha Ni bona Mali, Ni ka mi fitelela.” Moya o Kenile ki Zibahazo yakuli Mali a lambilwe mwa pilu ya hao, mi Ki Zibahazo yakuli Mali a lambilwe. Haiba ha si ka lambiwa kale, kipeto

Zibahazo haina kutaha. Mwa utwisisa? Muli, “Amen.” [Kopano ili, “Amen.”—Mu.] Mali alukela kulambiwa, mi kona Zibahazo i taha. Ki Zibahazo yakuli Mali a piliso a lambilwe mi tifo ya hao ilifilwe. Mulimu aku fuyole. Muzwale Neville.



ZIBHAZO LOZ63-0901M
(Token)

Liñusa le ka Muzwale William Marrion Branham, neli kutalizwe lwa pili mwa Sikuwa la Sunda kakusasana, Mwimunene 1, 1963, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org